

繪圖孝淫果報錄

非賣品

善書勸世人	有求必有應
功能回造化	力可挽天庭
貧賤轉富貴	患難得救星
長壽比松柏	養子獲麒麟
閱後轉送人	功德更非輕
施送善書者	天神必感應

一時勸人以口

百世勸人以書

諸惡莫做
衆善奉行
看後送人
功德無量

勿以惡小而爲之

勿以善小而不爲

心 即 是 佛

諸惡莫作



衆善奉行

種瓜得瓜

種豆得豆

欲問禍福

但憑心田


百忍成金

甚麼事情看不通
無端白事心火動
有事不妨慢慢講
事情總會有解決
苦果別壞條中氣
君子不吃眼前虧
記住百忍便成金
凡事應以和爲貴
四海之內皆兄弟
愛字能解萬種仇
大事若能化小事
只要一人讓一步
表現自己的大量
能有修養謂之勇
顧全大家的體面
平心靜氣想一想
水落自然見石出
試問誰人沒有錯
諒解對方的過失
山水也有相逢日

做成樣子氣冲冲
是否想做化骨龍
何須怒氣在心中
不要弄到面紅紅
賺得走去買鹿茸
要把身體來保重
做人無須太衝動
感情大可以交通
無謂冰炭不相容
莫把仇根來深種
小事很快便無踪
大家心裏樂融融
才是真正有威風
處世溫柔最有用
日後定有好相逢
安靜令人百事通
閒氣爭來過眼空
可容人處且相容
贏得對方深感動
人生何處不相逢

星嘉坡孔教會蔡多華會長

己酉九秩開二玉照



蔡多華先生像贊

有斐君子 守樸全真
晬面盎背 淵淵其仁
援溺以道 八德五倫
孝乎惟孝 立愛自親
禮嚴四勿 淫亂亡身
舉頭三尺 鑒有明神
莫見乎隱 好種善因
維斯懲勸 壽世之文
乾德普施 重印贈分
盡其在我 力挽沈淪
君子所性 於變黎民
大業富有 盛德日新

醒世文

父母不親誰是親
千兩黃金萬兩銀
在生之時不敬重
要見面時難得見
勸君趁早行孝道
大斗小秤吃甚素
利己害人促壽算
暗中陰鷲分明有
生事事生君莫怨
高山平地有黃金
空手求人像問壁
貧人莫去求富親
父母不好誰是親
若問此文何人撰


不重父母重何人
有錢難買父娘身
死後空勞拜孤墳
要他歸時難得歸
定保兒孫世代芳
不孝父母齋甚僧
積善修行裕子孫
遠在兒孫近在身
害人人害汝休瞋
只恐爲人不用心
求人像吞三寸劍
富親見我是別人
不孝父母敬何人
自心隱者勸世人

你若重他十六兩
在堂父母百年稀
在家不可言相激
若要父母重見面
心不明來點甚燈
真藥難醫冤孽病
人惡人怕天不怕
守口莫談人過短
欺心折盡平心福
天下羣洲行過了
靠人如上九重天
不信但見筵中席
一年一月一日新

後代兒孫還一斤
生時不孝死徒悲
一旦拋離更不回
除非三魂夢裏隨
意不公平誦甚經
橫財不富命窮人
人善人欺天不欺
自短何曾告與人
行短天教一世貧
勤苦節用莫求人
百般口語不如錢
杯杯盞盞敬有錢
三年勝敗幾多人

香港孔教學院盧湘父院長

己酉百又二歲玉照



念哉聖謨洋洋嘉言孔彰
惟上帝不常作善降之百
祥作不善降之百殃

蔡多華先生為紀念先人重印
孝澤果報錄謹錄尚書伊訓
句代序

己酉百又三歲盧湘父



慈母訓兒

人生惟酒色機關，須百鍊此身成鐵漢。

世上有是非門戶，要三緘其口學金人。

人生在世如航海
記住做人守本份
閒時努力尋上進
光明正大行正道
得人恩典千年記
明知前面山有虎
流芳百世人人敬
留點光輝在世上
寒窗不怕無人問
一番真語來教訓

做人定要有方針
平安自然在你心
學些技藝好傍身
人人對你印象深
得人好處莫忘恩
千萬莫向虎山行
遺臭萬年個個憎
不可白白過一生
最怕做人有灰心
良言句句值千金

時刻都會遇風浪
若能吃得苦中苦
出到社會來做事
交朋結友應謹慎
凡是嫖賭吹蕩飲
一失足成千古恨
常常潔身來自愛
天生你來必有用
只要立心勤發奮
盼望我兒能領悟
藉着信心萬里行
幸福就會快來臨
禮義謙虛對人祥
言談外表要斯文
都是沉淪的禍根
回頭已是百年身
莫過任性染泥塵
盡量發揮你才能
他日成功處處聞
早日平步到青雲

孝淫果報錄上卷目錄

孝淫果報錄原序……………趙棟垣

孝淫果報錄序（二）……………謝守原

孝淫果報錄序（三）……………李仁華

孝淫果報錄序（四）……………熊斌

孝淫果報錄序（五）……………陳綉敏

孝淫果報錄序（六）……………潘允心

孝順父母十六要……………文昌帝君元旦勸孝文

桂宮楊仙用修勸孝文……………王中書勸孝歌

王中書八反歌……………勸孤兒歌

清夜思親歌……………知恩報恩歌
勸孝詩……………孝親十要

白居易詩

老人饑餓自嘆

老人嘆十苦

二十四孝總說

二十四孝圖說目錄

孝感動天

親嘗湯藥

咬指心痛

單衣順母

爲親負米

戲綵娛親

鹿乳奉親

賣身葬父

行傭供母

扇枕溫衾

湧泉躍鯉

刻木事親

爲母埋兒

搯虎救父

拾椹供親

懷橘遺親

聞雷泣墓

哭竹生筍

臥冰求鯉

恣蚊飽血

嘗糞憂心

乳姑不怠

棄官尋母

滌親溺器

孝親福報圖說目錄

文王之孝

孝童愛父

親衰泣杖

盜恤孝子

紡績養姑

至性格親

上表陳情

奇人點化

念母却虎	入夢見親	神授石函	追鹿得參
代父從軍	酌恩報德	減壽益親	子孫顯達
鬼怕孝婦	孝友爲仙	孝童念父	孝童救父
善報親恩	誠感父骨	孝丐登仙	孝丐感天
孝女感仙	孝女感神	孝婦齊家	婦節子孝
夫妻孝義	天賜壽錢	虎怕孝子	虎敬孝子
孝子感虎	孝子飼鼠	代父坐獄	孝子跪父
遊子順親	孝子辭田	孝義發達	錄忠孝文
孝友免災	敬虎獲佑	轉貧天爲富壽	善體親心
孝子得愈奇疾	孝子友愛姊妹	孝子友愛弟妹	辭官歸養
勗妻事親	減壽醫親	孝子殺賊	力舉七喪

夢覺尋父

不孝禍臨圖說目錄

逆子變驢

孝者存逆者亡

逆子食魚化骨

兄弟棄親不養

久停父棺

厚妻子薄父母

不孝父母翁姑

雷轟逆子

棄母赴任

逆子現報

神誅逆子

逆婦現報

夫妻忤逆現報

不孝悔過仍獲福報圖說目錄

改悔孝親晚年得子

改悔孝親子變善良

改悔孝親丁財兩得

改悔孝親功名順遂

不慈悔悟得子

黑旗示警

改悔行孝其子乃育

改悔行孝生意茂盛

大逆改悔幸免雷誅

改悔從善有子克家

孝淫果報原序

嘗聞百行以孝爲先。萬惡以淫爲首。盡人皆知。知之而未能事親戒色者何也。皆由果報未明。善書未覽。悠悠忽忽。終身入於叢脞之府而不知。殊可惜也。余見勸孝有文。戒淫有說。故取前人之言孝言淫之因果。而集成一卷。使人觸目警心。勉爲孝順之人。盡作端正之士。豈不樂哉。夫古人孝感天心。玉樓注福。淫犯天律。金榜除名。歷徵不爽。今雖科舉已停而盡孝戒淫。必言三多叶吉。五福駢臻。誠足爲諸君賀矣。更推言其果報。彰彰可考者。如舜之大孝。帝位相傳。文之止孝。周邦新命。至於二十四孝。無不名留青史。昌厥子孫。彼好淫而不孝者。齊莊公之淫。崔子弑之。陳靈公之淫。夏徵舒弑之。隋楊廣之淫。宇文化及弑之。歷代亡國殺身。指不勝屈。皆由於一念之邪耳。嗟嗟。天道福善禍淫古今一轍。世人當清夜思之。果能欣然而常行孝道。毅然而參透色空。斯爲天下之完人。當世之君子矣。是爲序。

中華民國十八年己巳中秋日

廣東新會趙昌善棟垣氏編輯並序

孝淫果報序

蓋聞入孝出悌。人道也。福善禍淫。天道也。誠能盡人之道。而天道佑之。此自然之理也。昔大舜盡孝。帝堯妻以二女。家道成而大寶登。文王盡孝。配以后妃。關雎詠而王化行。推之千古孝子。上天報之。無不深厚焉。至於淫之一字。犯者必獲惡報。試思天子荒淫。不保四海。諸侯宣淫。社稷不守。卿大夫行淫。宗廟不永。士庶人好淫。四體不存。歷史所載。言之詳矣。嗚呼。今日之世界。一誨淫忘孝之世界也。不顧廉恥。反背倫常。言念前途。隱憂曷極。更有仇孝倡淫之說起。青年男女。祇知縱慾任情。不思守身為大。若而人者。不知天命而不畏也。至於果報一事。更昧昧而不明。聞言而不信。禽獸之行。終身不悟。余見是人而深惡之。更深憐之。喜吾師趙昌善有手輯孝淫果報錄。精繪圖畫。詩說分明。誠願士君子。細閱此果報一書。察其理而警其心。明其心而見其性。前因參透。後果分明。自然孝道亟盡。而淫念悉除。則獲福無疆矣。是為序。

中華民國十八年己巳重陽日

高要後學謝守原薰沐敬序

孝淫果報錄序

昔人謂摩詰畫中有詩。李揆詩中有畫。畫第一。詩亦第一。庶幾乎嘆觀止矣。余友趙君棟垣。岡州善士也。素來服膺孔教。熱心公益。邇因共產公妻討父仇孝之說競倡。不禁悲忿交集。輒思以七寸管。三寸舌。而相與抗衡。乃有孝淫果報錄之作。復繪圖以表彰其事。其盛德有足稱焉。吾謂趙君一片至誠。既著於文。復著於畫。顯又然於品行措施之間。噫。是可以泣鬼神。對天地。覺兆民。豈特畫中有詩。詩中有畫而已哉。有斯人。可以與摩詰李揆同爭第一矣。

民國十八年己巳重陽後三日

廣東番禺李仁華謹序

孝淫果報錄序

吾聞之有因卽有果。有果卽有因。生息循環。報應昭爽。此必然之理也。書曰。作善降之百祥。作不善降之百殃。良有以也。夫天道至善。故以善賦之於人。其或內蔽於私欲。外染於污習。不能守其原本之善。遂悖乎天。而奸淫邪慝生矣。趙君棟垣。因編輯孝淫果報錄圖說。以供於世。使讀之者。有則改之。無則加勉。彰明天律。警惕愚頑。其有補於世道人心者。豈淺鮮哉。太上曰。禍福無門。惟人自召。善惡之報。如影隨形。願讀者先參此書。明此理。以爲入手功可耳。

民國十八年歲次己巳十月吉日

贛省新建江陵熊斌敬序

孝淫果報錄序

人生世界中。富貴貧賤。壽夭窮通。最不平等者。果何故乎。豈造化主故爲顛倒衆生歟。非也。蓋爲因爲果。天律有定也。君盍觀夫種植乎。種瓜者得瓜。種豆者得豆。善栽培者。必得良果。懶灌溉者。必乏收成。此中道理。至明至淺。至真至確。古今中外。不可移易。可知吾人之命。雖稟于天。而立命之權。實操於我。書曰。作善降祥。作不善降殃。良有以也。然則吾人欲享人生幸福。豈可不明此中真理。修身積德。盡孝戒淫。上格穹蒼。以消灾劫。而迓祥和乎。奈何今世之人。偏倡仇孝。公妻之邪說。擾亂人心。甘爲惡首。而不知恥。自招灾禍。而不知悔。言念及此。良用痛心。趙公棟垣。岡州善士也。市隱香江。素懷胞與。憫世風之日下。痛道德之淪亡。本其度世之熱忱。編輯勸懲之書。籍洵得一時勸人以口。百世勸人以書之本旨。近因編輯孝淫果報一書。印送

同胞。復繪圖畫。化人最易。想此書行世。日後必有觀感而興起者。則趙公教世之功。豈淺鮮哉。因不揣鄙陋。畧序數言。以表揚之。尤望世之樂善君子。志趙公之志。仿而行之。務令四海之內。善書流通。俾吾等親愛之同胞。咸曉然因果有憑。報應有據。惕然覺悟。孝之當盡。淫之當戒。行見俗美化純。而達世界大同之景象。是則國家社會之大幸也。

民國十八年己巳冬至前三日

穎川 晚學 陳綉敏氏謹序

孝淫果報錄序

仲尼曰。孝弟者。人之本也。釋迦曰。淫殺者。惡之魁也。太上曰。善惡者。福禍之門也。三教聖人。途趣不同。宗旨唯一。慨夫人心不正。邪說不息。行淫詞。莫可拒放。嗚呼。循是而任其淪落焉。能無世道之憂哉。今趙師公棟垣法聖人之立心。抱救世之宏願。選輯孝淫果報錄。分配上下兩卷。並延名畫家。分段繪圖。引入入勝。莫善於此。是書勸孝戒淫。爲人生第一要事。凡爲父兄者。各宜多印多傳。以訓子孫。俾其從少閱歷。知有鬼神。有報應。朝乾夕惕。品質自純。僕嘗閱世間孝淫書籍。以百卷計。要之法良意美。使人握一卷如百卷者。尤以是書爲最。因其文淺意深。字字貼切。真情真理。可泣可歌。且圖說精詳。事實奇趣。真有令人看之不厭。喜而不寐者。晚得見而悅之。歡喜而贊成之。此書一出。將見淫夫斂跡。逆子寒心。竊思人生天地。有因卽有果。因而善歟。其果則福。因而惡歟。其果則禍。孝淫其最著也。晚幸從趙師公之後。喜其志有成。而樂爲之序。

民國十八年己巳冬至日

順德再晚學潘明心敬序

孝淫果報錄上卷

廣東

新會趙昌善棟垣氏選輯
南海鄭善光樂三氏校正

孝順父母十六要

要全天性以樂親生
要慎交遊以免親慮
要勤服勞以適親體
要用機諫以冀親悟
要用善事以求親福
要急營葬以安親靈

要和兄弟以慰親心
要動婉容以得親歡
要審寒煥以防親疾
要存天理以報親恩
要放生命以保親年

要憂妻子以解親訓
要善奉養以安親身
要受偏憎以隱親過
要全廉恥以保親名
要慎殮殯以護親膚

孝順父母十六思

晨昏思親 午夜思親 逢食思親 遇節思親
疾病思親 喜慶思親 安樂思親 憂患思親
養兒思親 嫁娶思親 誕日思親 顯榮思親

錢財思親 饑寒思親
遠遊思親 風雨思親

文昌帝君元旦勸孝文

帝君垂訓曰。今日是元旦。爲人間第一日。吾當說人間第一事。何謂第一事。孝者百行之原。精而極之。可以參贊化育。故謂之第一事。赤子離了母胎。在孩抱時便知得。故謂之第一事。舍此一事。並無功業。舍此而立言。則爲無本之言。舍此而能功蓋天下。到底不從性分中流出。必作偽以欺國。負本以滅身。天地是孝德結成。日月是孝光發亮。孝之道。言不可得而盡也。爲人子者。事富貴之父母易。事貧賤之父母難。事康健之父母易。事衰老之父母難。事具慶之父母易。事寡獨之父母難。夫富貴之父母。出入有人扶持。居止有人陪從。其願常給。其心常歡。故易事也。若貧賤之父母。捨却白髮夫妻。誰爲言笑。離了青年子媳。孰與追隨。人子一日在外。父母一日孤悽。爲人子者。善體其情。能頃刻離左右也乎。健康之父母。行動可以自如。取携可以自便。朝作暮

息。可以任意。訪親問舊。可以娛情。故易事也。若衰老之父母。兒子便是手足。不在面前。手足欲舉而不能。媳婦便是腹心。不在膝下。腹心有求而不遂。時而忿忿於內。時而戚戚於懷。爲人子者。善體其情。能頃刻離左右也乎。具慶之父母。日則有以作伴。夜則有以相溫。晝無所事。相與論短談長。夜不成眠。互爲知寒道冷。故易事也。若寡獨之父母。兒女雖有團圓之樂。夫妻已成離別之悲。家庭之內。獨行踽踽涼涼。形影之間。惟有悽悽楚楚。爲人子者。善體其情。能頃刻離左右也乎。嗚呼。試問身從何來。親爲生我之本。孝爲何事。人所自有之心。見我此章。而不動心者。非人也。見我此章。而不墮淚者。非人也。逆子忤媳。見我此章。而不化爲孝子順婦者。與禽獸何異。人人得而誅之者也。

(按)爲人子者。當其易時。切勿視爲太易。必須刻刻關心。則易者自易矣。當其難時。切勿視爲大難。必須處處盡力。則難者不難矣。尚其加意焉。

桂宮楊仙用修勸孝文

孝爲百行之根本。根本不立。則一切事業。皆屬虛浮。今世俗乖忤之因。悉由積漸而致。始緣父母憐惜太過。常順其欲。常佚其身。稍一拂逆。輒生忿怒。甚至親不忍呵叱其子。而子反抵觸其親。以親愛爲尋常。親慈爲應得。又安能念及胎養之勞。撫育之苦。疾病痘疹之憂愁。延師婚嫁之拮据。及至長成。有因分析財產。而怨父母不均者。有聽信妻言。而謗父母不愛者。有縱放驕奢。而憎父母防閑者。有飲吹嫖賭。而憾父母拘束者。有私其妻子。而吝父母衣食者。有厚於親朋。而薄父母用度者。有執定輪養。而至父母饑寒者。有子常出外。而媳不盡禮。明知父母受氣者。有父任經營。母勞井臼。而夫妻貪逸。還說父母不是者。有父母患病。不請醫藥。而借言老病難瘳者。夫親之所有。原爲子之後計。及子之所有。反與親市德色。半生創業。不克自由。一旦強顏。仰於

子媳。情何以堪。爲子者。方且任意不肯順承。當面搶駁老拙。致親吞聲忍氣。對客低頭。因此抑鬱膏肓者。亦復不少。更如晚景失偶。心語莫商。雪夜霜天。孤衾如鐵。感時墮淚。觸景傷情。甚或老病沉綿。輾轉牀榻。足僵不煖。髮亂垂梳。穢溺叢堆。參苓弗繼。七箸時間哽噎。殘燈夜照頹顏。鰥父稍可安排。孀母何能自遣。是子所奉親者惟此時。親所賴子者亦此際。而人子全無體貼。痛癢不關。抱子者嬉樂其房。嬖妻者歡呼其室。好衣美食。悅妻娛子。使親嘆貧歎老。滿眼淒涼。望一味而不能。丐三餐而忍氣。誰道暮年有後。言之墮淚酸心。豈不思瓦屋簷前。滴點皆依前跡。欲彼厚望其子。何以薄待其親。生前不承有限之歡。死後空灑無情之淚。修默設祭。戴孝舉哀。不過沽世俗之虛名。掩生人之耳目。華美何施於白骨。珍饈不及乎黃泉。親在。則視親身爲可有可無之人。親歿。則以親骸爲求富求貴之具。終年擇地。置柩空堂。蛛

網結罽。塵封香案。更有旅邸聞訃。因利羈遲。緩不奔喪。需延歲月。甚而兄弟愈多。牽制愈甚。年庚趨避。風水搜求。或因循淺殯權厝。或停寄蕭寺破廓。及至安葬之後。諸事皆賴山墳。稍或不遂。輒歸咎於地脉。又想搬改親骸。不思從前如此不孝。根本先傷。上蒼豈肯賜福。報以吉地乎。嗟嗟。烏哺羊乳。物類尚具良能。木本水源。人生反昧至性。當思父母愛我如掌上之珠。望我若凶年之穀。其間有一種。少母苦節撫孤。老父積勞訓子。情景酸悽。尤爲刺骨。吾願天下之爲人子者。親在之日。惜有限光陰。捐隨分囊橐。勉力自盡。孝養及時。若待終天遺憾。風木生悲。始想形容於杳渺。憶笑語於生前。晚矣。至親亡後。一切儀文。量力有無。惟棺槨衣衾。不得草草。死者以入土爲安。倘過惑風水。荏苒歲月。其間變態多端。常有播越流離。遂爾宗枝莫辨。亦有烟寒戶冷。以致舉葬難期。土主恐失新租。亂填溝壑。僧道欲空房舍。

委棄荒郊。試看今日暴露之棺。未必不因此而致。爲人子者。急宜猛省。

乩仙跋云。諸生集世人勸孝多篇。惟此詳盡明晰。淋漓痛快。查作者。係明末儒士。楊用修者。抱才抑鬱。以諸生終。靈氣凝結。逍遙山陰古寺之旁。是冊告成。文帝降閱。召用修至。大加獎賞。收入桂宮。夫文生於情。當年本至性以發於文章。豈期以此爲証果之地。而文叨識拔。人即擢陞。豐城之劍衝天。汾水之鼎出世。諸生勉旃。爲聖賢。爲仙佛。亦全其至性而已矣。(文帝全書錄)

呂祖勸孝文

世之人。善莫大於孝。不善莫大於不孝。試思人子墮地時。口舌難言。手足難動。無識無知。爲之含哺懷抱。體察饑寒。萬惜千憐。非親而誰也。則親之耳聾眼暗。齒落筋衰。步履艱難之日。回思從前。當孝乎。當不孝乎。再思襁褓時。患瘡患病。遺尿遺尿。與死爲隣。爲之撫摩調

治。推乾就濕。萬苦千辛。非親而誰也。則親之疾病龍鍾。淹然牀榻。宛轉呻吟之日。回思從前。當孝乎。當不孝乎。又思長成時。爲之求衣食。完婚娶。立財產。萬計千籌。非親而誰也。則親之形骸瘦瘁。精神耗散。非帛不溫。非肉不飽之日。回思從前。當孝乎。當不孝乎。然而富貴者。父有家業之豐饒。母有婢媼之使令。而生我鞠我。顧我復我。教誨遺謀我。罔極深恩。猶難酬報。而況貧賤者。乃忍饑以食之。忍寒以衣之。劬勞辛苦以養之。哀哀父母。欲報之德。寧有涯涘也。至於嫠母存孤。煢煢孑立。淡薄自甘。苦節自持。一絲血吮。養育成人。天地爲之改色。鬼神爲之含悽。設有不孝。罪大尋常十倍。或有妾媵生子。遭嫡婦妒之虐。母命險若臨淵。子命危如累卵。僥倖成立。苦楚備嘗。設有不孝。惡加忤逆三重。是故不孝之愆。陽律不赦。陰律所不原。又觀人子自幼而長。長而壯。親之養子之日頗長。父母自衰而耄。耄而死

。子之養親之日甚短。崦嵫暮矣。桑榆迫矣。盡心盡孝。曾幾何時矣。無父何怙。無母何恃。言念及此。有不悲不懼者。其人天理已絕。人性已滅。必死賊殃。此自然之理數。故吾普勸世人。我能孝。自無逆子。子能孝。自無逆孫。繩繩克繼。葉葉永昌。善孰大焉。利孰厚焉。詩曰。孝子不匱。永錫爾類。詢不誣也。勉哉。

王中書勸孝歌

五言百韻中書名剛唐人

孝爲百行首	詩書不勝錄	富貴與貧賤	俱可追芳躅	若不盡孝道
何以分人畜	我今述俚言	爲汝效忠告	百骸未成人	十月母懷腹
渴飲母之血	饑食母之肉	兒身將欲生	母身如墮獄	父爲母悲傷
妻向夫啼哭	惟恐生產時	身爲鬼眷屬	一旦見兒面	母命喜再續
愛護如心肝	日夜勤撫鞠	母臥濕簟床	兒眠乾被褥	兒睡正安穩

母不敢伸縮 一聞兒啼聲 心驚與胆覆 兒糞不嫌臭 兒病甘身贖
寢食不能安 永神兼作福 橫簪與倒釵 不暇思沐浴 兒若能步履
舉動慮顛覆 兒若能飲食 省口恣兒欲 兒若能戲弄 玩器隨時蓄
乳哺經三年 血汗耗千斛 劬勞辛苦盡 兒年四五六 衣食父經營
禮義父教育 父貧或傭工 艱辛難盡錄 事事竭勤勞 江湖隨處逐
日日去捱磨 稍積資財穀 只爲養兒計 衣食憂窮蹙 欲望子成人
延師課誦讀 紙筆與束修 在在籌豐足 慧敏恐疲勞 頑鈍憂庸碌
有過代掩護 有善先表暴 兒行十里程 親心千里逐 日暮未歸來
倚門繼以燭 愛惜千萬般 兒年十五六 性氣漸剛強 行止難拘束
兒長欲成婚 爲訪閨中淑 媒妁費金錢 釵釧捐布粟 爲免費貲財
何曾計數目 一旦媳入門 孝思異昔夙 父母面如土 妻子顏如玉
親責反睜眸 妻罵不爲辱 老人慮長遠 言語或重複 親言謂太贅

妻語覺馨馥	母披舊衣裳	妻着新羅服	父慮後母虐	鸞膠不再續
母慮孤兒苦	孀幃甘獨宿	二親或鰥寡	不憐守孤獨	問視總荒疏
糕餌先兒屬	健止與一飯	病止與一粥	衣服患單寒	衾裯失溫煖
膳不祝哽咽	病不知禱卜	老病不問安	服事厭重複	吝財不延醫
反望登鬼錄	任從婦人們	語語刺心腹	致令老年人	死亦不瞑目
一旦到無常	兄弟分田屋	不念創業難	但嫌野非沃	不識二親恩
惟道自己福	忘却本與源	不念風與木	蒸嘗亦虛文	宅兆何時卜
停柩在荒郊	時時聞鬼哭	日久不營葬	無異將尸戮	種種不孝心
還想妄求福	奉勸爲人子	孝經宜早讀	王祥臥寒冰	孟宗哭枯竹
蔡順拾桑椹	賊爲奉母栗	楊香拯父危	虎不敢肆毒	伯俞常泣杖
董永身自鬻	江革甘行傭	丁蘭悲刻木	如何今世人	不效古風俗
人不孝其親	不如禽與畜	慈烏尚反哺	羔羊猶跪足	人不孝其親

不如草與木	葛藟庇本根	桑梓敦和睦	何不思此身	形體誰養育
何不思此身	德性誰式穀	何不思此身	家業誰給足	父母卽天地
罔極難報復	親恩說不盡	聊具粗與俗	聞歌憬然悟	省得悲蓺蓼
勿以不孝頭	枉戴人間屋	勿以不孝身	枉穿人間服	勿以不孝口
枉食人間粟	天地雖廣大	難容忤逆族	及早悔前非	莫待天誅戮
兒出謀衣食	媳婦須賢淑	翁姑年衰老	抑鬱難盡錄	飲食與起居
賴媳作心腹	奉侍要真誠	儀容須溫肅	唐氏乳老姑	鄭妻受賊酷
孝德既彰聞	天心必感觸	憶媳入門時	心血費幾掬	胡存刻薄心
當作路人目	轉眼爲翁姑	果報恆迅速	雨水滴簷前	點點相繼續
若是女兒身	孝思尤貴篤	木蘭代從軍	緹縈救父獄	效法古之賢
名聲同馥郁	奉勸世間人	愛親如金玉	萬善孝爲先	信奉添福祿

八反歌

幼兒或罵我。我心覺喜歡。父母或責我。我心反不甘。一喜歡。一不甘。待兒待親何相懸。勸君今後逢親怒。也將親作幼兒看。兒曹出千言。君聽常不厭。父母一開口。便是多閒管。非閒管。親掛牽。皓髮白頭多經練。勸君敬聽老人言。莫教乳口爭長短。幼兒屎尿穢。君心無厭忌。老親涕唾零。反有憎嫌意。六尺軀。何處來。父精母血成汝體。勸君敬待老年人。壯時爲爾筋骨蔽。看君晨入市。買餅又買糕。少聞奉父母。多說供兒曹。親未膳。兒先飽。愛護心腸何顛倒。勸君多出糕餅錢。供養白頭光陰少。市間檢藥物。只買肥兒丸。老親雖病弱。不買還少丹。兒固瘦。親亦殘。胡爲醫兒不理親。割股還是親之肉。勸君及早駐親顏。

富貴養親易。親常有未安。貧賤養兒難。兒不受饑寒。一條心。分兩般。
。親則推貧兒不言。勸君莫推家不富。薄待雙親損福田。
養親祇二人。兄弟常計較。養兒雖十餘。君皆獨自任。兒飽煖。常顧問。
。父母饑寒置不聞。勸君養親須竭力。莫推兄弟吝分文。
親有十分慈。君說理該當。兒有二分孝。君就遍傳揚。一負恩。一誇良。
。此心如何兩分張。勸君謾信兒曹孝。照君樣子待高堂。

先賢白話勸孝歌

姓名失傳

孝字重古今	人人所共曉	父母大功勞	言之說不了	何以子忘恩
作無關緊要	不養不順承	愛敬總虛杳	烏鴉尚反哺	人而不如鳥
茫茫天地間	竟有此不肖	空留七尺身	徒爲識者笑	君有妻
常戀慕	父母作等閒	待妻還意到	妻穿新綾羅	親着粗麻布

妻言入耳真 親責垂頭腦 君非妻所生 倫理何顛倒 不得謂人子
更不成夫道 君生兒心歡喜 保護及提携 愛之無不至
日望子成人 孝順娛君意 君亦有雙親 思考能盡幾 自問愧還多
妄想吾兒美 如此不通情 何得謂明理 嗟哉世事總之奇 待妻待子盡心機
生身父母薄情看 白髮愁添兩鬢眉 回想當年望生子 今日生來竟如此
更有橫來激惱多 老命難堪願早死 老境款款實可憐 嗚呼頭上有青天
高堂有老不能孝 說盡天花也枉然

勸孤歌兒

此歌事鰥寡父母皆同

世間孤兒汝且聽 從頭仔細說原因 想汝父親早歸世 那時汝母是年輕
生離死別情悽慘 空房靜寂有誰親 日裏坐來無意味 夜對孤燈甚驚人
懷抱嬌兒甘寂寞 冰清玉潔慰良人 家中事務無人問 猶如盲子路中行

雖有親朋與鄰近 外人那似父真心 若更貧窮苦不了 衣食無靠極傷神
朝夕辛勞勤補綴 但求兒飽不顧身 千辛萬苦把汝養 只望承先啓後人
數十年長守節苦 眼淚如珠泡飯吞 望兒長大知孝順 立志創業養慈親
此乃倫常代交代 父母劬勞恩報恩 誰知汝的心腸壞 性情暴戾異常人
不管母親熱和冷 忘却劬勞養育恩 不管母親貧與病 艱難痛癢不關心
時時教誨汝不聽 反變怒容突眼睛 昧良忤逆何至此 恩將仇報不成人
孤兒無母無今日 忤逆莫如畜生身 畜生尚且能知孝 慈烏啣食返哺親
爲人不孝昧天性 枉生人世不如禽 百行孝先聖賢訓 至理名言古至今
怡顏悅色勤服事 事事順從歡母心 常奉錢財與食物 務期飽煖過日辰
出外家用常寄足 又要頻頻通信音 光陰似箭容易老 人生能有幾多春
若不趁早把孝盡 世上難逢百歲人 更要勗妻行孝道 同心協力報深恩
自問良心顧根本 方不虛負做世人

太古曰。禍福無門。惟人自召。善惡之報。如影隨形。是以天地有司功
司過之神。世人別事小過。或有可原。惟不孝大過。罪在不赦。因人子
受父母鞠育劬勞恩德。昊天罔極也。不孝鰥寡之父母。其罪加倍。能孝
鰥寡之父母。其功亦偉。世之爲孤兒者。祈清夜細思焉可也。

清夜思考歌

何以孝我親	定省真以切	何以孝我親	菽水令以悅	何以孝我親
適負誓清潔	何以孝我親	讀書忍冰雪	何以孝我親	遠匪如燄熱
何以孝我親	高深凜蹉跌	何以孝我親	改過當須決	何以孝我親
蜚聲追賢哲				

知恩報恩歌

論水尋源 問斤求兩 我有此身 從何生長 身由父母 誰人不知

只妨恩義 忘了多時 養子之心 如蜂釀蜜 子養雙親 難酬萬一
戒食牛犬 尚念其功 若論父母 恩與天同 何以世人 竟有不孝
負義忘恩 糊塗混鬧 不思父母 生我夠勞 提携保護 心血焦枯
長大成人 棄親不顧 置若罔聞 各行各路 比如外出 遠去他方
中途日晚 又困空囊 形影飄零 無處歇宿 欲訪親朋 並無相熟
此時惱悶 忽遇一人 留宿具飯 待我慇懃 感謝之情 不勝領納
他日相逢 深深報答 受人一飯 曉得酬還 子食父母 千餐萬餐
十月懷胎 移乾就濕 有病調醫 爲兒暗泣 衣我食我 教我讀書
與我婚姻 更不推辭 與田我耕 與屋我住 如此體貼 都算厚愛
相交朋友 每望知心 誰知父母 爲第一人 既受其恩 當思其報
何故無情 反爲激惱 只知自己 快活風流 不顧父母 煩悶愁憂
子不幫扶 父母無計 空養一場 太覺無謂 爾知入廟 恭敬神明

叩頭拜跪	肅肅誠誠	稟盡千聲	只求庇祐	爾試飢寒	真來救否
救與不救	尚屬無憑	惟我父母	庇祐爲真	寒則加衣	飢則與食
日日如常	顯其聖跡	號生菩薩	卽是爹娘	不知敬奉	枉爾焚香
爾有老婆	幾肯作致	聽信妻言	極之有味	爲何父母	總不關心
恩將仇報	當作閒人	喪盡天良	五倫顛倒	罪大難容	終無有好
求神佛拜	恭喜添丁	待親何暗	待子何明	子作珍珠	愛之如寶
日望長成	以爲養老	後來長大	好醜難知	我受父母	養育多時
我不孝親	子不孝我	世事輪流	眼前因果	欲求發達	有好兒孫
須孝父母	培養原根	父母本根	子孫枝葉	我是樹身	氣脈相接
樹頭要固	加意栽培	門枝發葉	結菓成堆	刻薄雙親	鋤傷樹強
任爾枝條	斷難生長	歷觀世界	報應分明	薄待父母	後代孤零
不肖之名	任人羞辱	天眼昭昭	鬼神怒目	積成罪孽	自己承當

枉生人世 直等豺狼 及早回頭 歸於孝義 瑞氣滿庭 吉祥歡喜
古來孝子 高出千層 能存孝道 壓盡修行

張智睿註孔聖孝經有曰。夫孝之道。爲天地心。爲萬物宰。爲政教樞。爲人道基。聖如堯舜。揖讓大同。亦不外是。達如武周。禮樂大化。亦不外是。至孝參天。至孝成聖。至孝格物。至孝通神。孝爲大本。萬德所凝。孝爲大源。萬聖所歸。孝之爲道。無乎不賅。始於孝親。繼於孝祖。達於孝天。是爲報本。知孝親者。必愛同胞。知孝祖者。必愛同種。知孝天者。必愛同類。孝德昌明。孝道廣被。萬國所書。皆同其文。萬國所行。皆同其倫。萬國一家。萬世一系。萬物一體。萬類一本。協和萬國。統一文化。臻於大順。悉賴是經。是言孔聖孝經此經人人要讀以爲根柢。所願萬國人人各手一編。能誦能解。能明能行。共傳播流通天下萬世於無窮無替焉。

范仲淹曰。夫孝之道。上可格於神明。下可放於四海。增光日月。大都無外人倫。建立勳猷。不過肇端子職。不必言孝。但先論慈。當其身之未生也。父之凝慮者幾何時。母之憂勞者幾何月。諸多痛苦。身如在囹圄之中。命限存亡。軀介於人鬼之域。幸而經年始出。則長幼儼若更生。十月胎離。則夫婦宛同再造。孩提無識性知情。饑寒周慮。父母有慈衷愛念。笑哭關心。及其甫壯成人。卽爲提理。延師尊而訓迪。不惜兼金。周衣食以充盈。何分富厚。受家室。謀生理。百計營圖。置田宅。盡勤勞。寸心莫息。爲親之苦。不其盡歟。爲人子者。既受其恩。當思其報。然而世能盡孝思者。伊何人也。

孔子曰。父母之年。不可不知也。一則以喜。一則以懼。喜者何。喜吾父母在。可以常盡孝也。懼者何。懼吾父母老。恐不能長久以盡孝也。故曰。祭而豐。不如養之薄。死而哭。不如生之順。與其致敬於無

形不若承歡於眼見。與其傷心日後。不若盡心于生時。

夏氏覺世編註云。二親在堂。乃人生第一樂事。爲子者。正當竭力盡孝。及時奉養。古君子所以有惟日不足之心者。誠以喜在此。懼亦在此也。不見世之失怙者乎。欲孝父而何追也。不見世之失恃者乎。欲孝母而無由也。甚至父母俱亡。而夠勞之恩。徒存諸夢想。罔極之思。僅形諸寤歎。此孝子終身抱恨而莫解者也。身家雖貧賤。猶以不獲菽水承歡爲憾。若一旦居高位。食厚祿。席豐履豫。而父母不獲身受其奉。其遺憾更何如耶。說者謂祭掃維虔亦可云孝。不知黃土長埋。日落狐狸眠塚上。綠醕空奠。一滴何曾到九泉。尤人子所痛不能禁。淚盡而繼之以血也。念及此。而知雙親咸在至幸也。念及此。而知雙親垂老。可危也。語云。說到悲哀無用處。高堂越健越心忙。孝烏容緩哉。

呂新吾曰。水有源。木有本。塞其源則流絕。伐其木則枝枯。父母者。人子之本源也。哀哀父母。生我劬勞。欲報之德。昊天罔極。可不及是行孝。以報本源哉。

先哲云。子之孝。不如率婦以爲孝。婦常近親者也。朝夕不離。潔奉甘旨。而親心悅。故舅姑得一孝婦。勝得一孝子矣。婦之孝。又不如導孫以爲孝。孫能娛親者也。依依膝下。順承靡違。而親心悅。故祖母得一孝孫。又添一輩孝子矣。

勸孝詩五十四首

此詩今古兼收。但求警世。不論雅俗。識者諒之。

人生百行孝爲先 父母深恩大似天 養育劬勞千萬苦 勸君勤誦蓼莪篇
父母殊恩至大哉 天高地厚總難賅 我能數盡青絲髮 惟有親恩數不來
我今欲說淚紛紛 難報爹娘養育恩 真是斷腸歌不得 畧歌一二衆知聞

母氏懷胎受折磨 百般痛苦甚難過 莫言生產尋常事 古往今來凶險多
將產兒時與魂鄰 牙關緊咬痛難伸 直從脫下胎衣後 血定心安始算人
手與嬌兒作枕眠 移乾就濕受熬煎 要兒穩睡天明好 不敢翻身慣露肩
大雪紛紛臘月天 偎頭偎臉抱兒眠 只因乳便孩兒吃 徹夜開胸露半邊
左手擎來右手偎 何曾一刻懶提携 忽然遇陣涼風過 緊抱胸前不放開
夢裏聞兒哭一聲 翻身便把手來擎 要知兩歲三週內 一覺何曾睡得成
偶聽孩兒夜哭時 爹娘心內各憂疑 不知何處驚兒胆 問卜求神又請醫
兒逢身熱出天花 嚇得親心亂似麻 恨不與兒分痛癢 兩餐茶飯不沾牙
幸得兒今兩歲臨 扶牆摸壁學行吟 只愁跌着頭和面 掛肚牽腸不放心
貧窮那得米和柴 兒女啼飢痛繫懷 覓得飯來兒儘飽 自身甘餓瘦形骸
萬種心思萬種兼 隨時憂喜向兒覘 聽兒說句尋常話 就與沙糖一樣甜
覓得鷄肝鷄汁湯 核桃圓眼藕絲糖 都來遞與孩兒吃 自己何曾着口嘗

世事心焦幾萬般
終朝終日皺眉端
不知這悶如何解
望見嬌兒就喜歡

兒今頭髮已垂肩
轉瞬成人在眼前
教讀婚姻營業費
般般打算極心堅

男兒長大志前賢
外出遊洋遍大千
離別爹娘難割捨
不能長傍膝頭邊

遠遊憶子倍情深
暮宿朝餐總掛心
惟恐風霜兒受苦
平安書到值千金

兒在他鄉要見機
莫貪花酒負春暉
須知終日門閭倚
切望孩兒早日歸

孝子思親莫等閒
親如紅日薄西山
移山有志終償願
返日揮戈確實難

誰道形容似去年
今年親髮白如棉
却愁來日無多晷
急早承歡侍膝前

親老如何不健餐
多因心血已枯乾
養兒汗乳摧殘甚
此點恩情仔細看

親已龍鍾不便宜
要人陪伴要扶持
身邊今有何人在
孝順兒孫可得知

父母而今病久纏
願兒常在臥床邊
縱然暫出房門外
還令妻兒侍面前

病醫湯藥子當煎
晝莫辭勞夜少眠
須記兒時常疾痛
爹娘日夜意懸懸

常念爹娘手內貧
欲穿欲用懶求人
勸君四飯三茶外
還要供親幾許銀

勿個推貧讓弟賢	事親件件要爭先	當年教你成人日	父母何曾吝惜錢
人生不解孝雙親	養子知恩始覺真	若待生兒纔盡孝	我親那有百年身
爹娘養子愛如金	少有差池痛入心	到得老來依靠汝	服勞奉養報深恩
不識親恩看養兒	千辛萬苦不推辭	請將愛養孩兒意	愛養雙親老大時
父母劬勞萬萬千	子能奉養已衰年	勸君早盡生時孝	莫待推牛祭墓前
親視兒如掌上珍	世間偏少孝心人	只因看得妻兒重	沒有工夫待老親
妻帶金銀女帶香	滿頭珠翠響琳琅	如何看到爹娘上	不與綢羅怕一方
妻子團團坐一房	煎魚炖肉滿盞香	如何說到爹娘上	不與些胥美味嘗
歡迎妻黨樂揮金	薄待高堂懶酌斟	更或參商離骨肉	勸君清夜自捫心
父母翁姑一樣親	細心行孝助良人	枕邊休說閒言語	世事須知若轉輪
父母兒孫一脉連	一團精血遞相傳	爲何只把兒孫重	父母恩情攔一邊
不問爹娘安不安	任他饑餓任他寒	你今也有兒孫在	只恐兒孫照樣看

孝順應生孝順子 忤逆還生忤逆兒 不信但看簷前水 點點滴滴不差移
堪歎兒心太不仁 半言失意便生嗔 些些惱怒難容忍 爾是雙親甚麼人
移乾就濕幾多年 歷受爹娘萬種緣 打罵縱教冤屈汝 怡顏順受各安然
莫怪雙親說話煩 必須順從博親歡 老人總爲兒孫計 我到衰年也一般
親言絮絮爲關情 畢竟能謀讓老成 開口若嫌多管束 恐君放蕩誤前程
莫弄聰明莫恃才 親前奚可笑癡猷 縱然高勝娘千倍 也自娘胎產出來
生身恩重豈能忘 禽有慈烏獸有羊 爲子若還忘奉養 縱居人類等豺狼
父母不親誰是親 不敬父母敬何人 在堂奉養十六兩 後代兒孫還一片
千兩黃金萬兩銀 有錢難買壽雙親 在生及時不孝敬 死後何勞敬鬼神
幼時全賴我親恩 懷抱提携養與餐 設使病時親不在 饑寒難保命難存
如無父母本無身 可悟前人啓後人 寄語痴心男子漢 莫鍾兒女薄雙親
人生七十強支持 簾捲西風燭半枝 寄語兒孫好看待 眼前光景不多時

萬般勞瘁有時休 育子辛勤無盡頭 能體親心行孝道 彼蒼定必遂君求
孝行從來可格天 經文熟讀孝心堅 簷前滴水無差錯 孝子生孫定必賢
我孝雙親盡百端 留爲後代與人看 芳名千古家昌盛 逆子頑孫心胆寒

孝親十要

孝親一要心真實	愛慕皆從肝胆出	凡事一一稟命行	語不欺瞞事少失
孝親一要勤學習	富貴皆由勤中得	揚名顯親何其榮	想起自難拋一刻
孝親一要戒驕痴	事非難做益非奇	出入遵從父母訓	無貽親怒卽佳兒
孝親一要戒繁華	賭蕩花消卽破家	創業艱難常記念	奉親之外不宜奢
孝親一要博親歡	食從所欲寢從安	減口亦須供父母	加衣常恐受風寒
孝親一要和兄弟	手足紛爭親泣涕	善體親心盡友恭	推讓錢財心不計
孝親一要代親勞	伺候身邊勿遠逃	親疾更須勤服事	飯茶湯藥必親操

孝親一要慎交遊。勿群匪類致親憂。敬事明師和益友。言詞舉動勿輕浮。
孝親一要心慈祥。待人接物貴謙光。賤如奴婢休苛待。草木昆虫勿亂傷。
孝親一要祀蒸嘗。春秋大典禮應當。時加策勵圖揚顯。富貴榮親有義方。

白居易詩

譬喻人不孝而望子孝者

梁上有雙燕。翩翩雄與雌。唧泥兩椽間。一巢生四兒。四兒日夜長。索食聲孜孜。青虫不易捕。黃口飽難期。咀爪雖欲弊。心力不知疲。須臾
千往來。猶恐巢中饑。辛勤三十日。母瘦雛漸肥。喃喃教言語。一一刷
毛衣。一旦羽翼成。引上庭樹枝。舉翅不回顧。隨風四散飛。雌雄空中
鳴。聲盡呼不歸。却入空巢裏。啁啾終夜悲。燕燕爾勿悲。爾當反自思。
。思爾爲雛日。高飛背母時。當年父母念。今日爾應知。

此歌讀之有味。百回不厭。世之不孝者。當猛醒焉。

老人飢餓自嘆

我也曾經養我兒 我兒今又養孫兒 我兒餓我由他餓 莫教孫兒餓我兒

此詞讀之。初覺甚趣。細味之。其情甚苦。世之爲子者。必須生養及時。毋使老親啼饑號寒。諸多怨嘆。方得爲孝。俗語云。必在生前濟咽喉。莫到死後祭山頭。是的論也。

老人嘆十苦

頭面鼻眼耳口齒身手脚

我嘆老來真苦楚 聽我從頭訴根由 頭老血枯生白髮 面老鷄皮總帶愁
鼻老難聞香與臭 眼老昏花涕泗流 耳老難聽人言語 口老談言不自由
齒老吃食無甘味 身老長眠碍骨頭 手老難拿輕重物 脚老行程動氣稠
堪嘆老來無好處 無常一到做骷髏

(按)年老人。有此十件悲苦。是子所奉親者惟此時。親所賴子者亦此際。爲子媳者。當竭力服勞奉養。以期安樂而終餘年。俗云養兒防老。此之謂也。總而言之。凡爲人子女者。服事父母翁姑。生前能使父母翁姑無一毫怨嘆。死後能於自己無一毫悔恨。是謂之純孝。人其勉之。予日望之。

為

善

最

樂

脩

行

便

佳

孝親福報

廣東

新會趙昌善棟垣氏選輯
南海鄭善光樂三氏校正

以下勸孝圖說孝親福報

翻印多送廣傳功德無量

二十四孝總說

嗚呼。天下有不孝之子。天上無不孝之人。夫孝天性也。以孝感天。卽以天感天也。吾觀二十四孝。有老者焉。有少者焉。有富貴者焉。有貧賤者焉。有處常而行其孝焉。有處變而行其孝焉。有危急而行其孝焉。有親病而行其孝焉。有親沒而行其孝焉。行孝雖有不同。而盡其孝則一也。此皆出於天性。非可偽爲也。試先說其處變者。如大舜之井廩餘生。閔子之蘆衣泯怨。王祥之求鯉養志。抱天性之真。而父母皆化也。又說其處常而供口體者。如仲由負米。曾子負薪。唐氏乳姑。剡子求鹿乳。姜詩求鯉魚。孟宗求冬筍。無非出於至誠。以慰親心也。又說其危急者。如江革遇賊。賊憐其孝。而母子無恙也。又說其親病而行孝者。文帝爲天子。嘗藥奉親。黔婁爲縣官。嘗糞憂親。此心上合天也。而親得


安也。又說其親沒而行孝者。如董永賣身。丁蘭刻木。王裒泣墓。其親雖亡。猶若親存也。又說其老者而行孝。老萊子戲綵娛親。朱壽昌棄官尋母。黃庭堅滌器愛親。此大人者不失其赤子之心也。又說其少者而行孝。如黃香扇枕溫衾。吳猛恣蚊飽血。陸績懷橘遺親。楊香搥虎救親。此天真不鑿。誠實顯著也。嗟嗟。富貴者已行孝。而貧賤亦能行孝焉。拾椹供母。而赤眉贈米。蔡順之苦志誰如。爲母賣兒。而蒼天賜金。郭巨之誠心孰比。合而觀之。天下無不可化之人。不憂其親之不慈。但患其子之不孝耳。苟能法二十四孝之直行其孝。曲行其孝。則百世流芳矣。將見地久天長。繼二十四孝而起者。或相倍蓰。或相十百。或相千萬。人子能行孝。何可限量哉。吾願爲人子者。人人如二十四孝之立心。無時無地不可以行孝。亦無時無地不可以顯其孝矣。爲子者。其勉旃。

民國庚午年三月穀雨日

高要後學謝守原謹說

草莽之鳥代除
泥滑之象代鋤
孝心一片天啟諸
精誠自有迴
天力象亦何
知鳥何識

大舜
孝感
動天



孝感動天

潘祖蔭書

虞舜。姓姚。名重華。瞽瞍之子。性至孝。父頑母嚚。弟象傲。舜耕於歷山。象爲之耕。鳥爲之耘。其孝感如此。陶於河濱。器不苦窳。漁於雷澤。烈風雷雨弗迷。雖竭力盡瘁。而無怨懟之心。堯聞之。使總百揆事。以九男妻以二女。相堯二十有八載。帝遂讓以位焉。

詩曰

隊隊耕田象
紛紛耘草禽
嗣堯登寶位
孝感動天心

親飲藥子先嘗
身禱天病願當
六宮燈火
何輝煌
臣見皇帝
告彼蒼
左手扣天閣
右手焚龍章
帝曰賜汝
母子康
各萬歲
壽未央
漢文帝親
嘗湯藥



親嘗湯藥

章 鑒書

前漢文帝。名恆。高祖第三子。初封代王。生母薄太后。帝奉養無怠。母病三年。帝爲之目不交睫。衣不解帶。湯藥非口親嘗弗進。仁孝聞於天下。

詩曰

仁孝臨天下
漢庭事賢母

巍巍冠百王
湯藥必親嘗

曹子嗔指心痛

娘咬指兒心裂母子
精誠心血結
母兮兒兮同一致
君不見琥珀
常拾芥
磁石能引針



嚙指心痛

孫如僅書

周、曾參。字子輿。孔子弟子。事母至孝。參嘗採薪山中。家有客至。母無措。望參不還。乃嚙其指。參忽心痛。負薪以歸。跪問其故。母曰。有客至。吾嚙指以悟汝爾。

詩曰

母指纔方嚙
負薪歸未晚

兒心痛不禁
骨肉至情深

蘆花薄
父知覺
兒衣寒
兒安樂
家庭細故
莫傷心
從來忍字
值千金
閨子
單衣
順母



單衣順母

盧士杰書

周、閔損字子騫。孔子弟子。早喪母。父娶後母。生二子。衣以棉絮。妒損。衣以蘆花。父令損御車。體寒失勒。父察知其故。欲出後母。損曰、母在一子寒。母去三子單。母聞改悔。

詩曰

閔氏有賢郎
父前留母在

何曾怨晚孃
三子免風霜

百
里
米
甘
且
旨
雙
親
食
幾
何
承
歡
不
在
多
他
年
鼎
食
居
官
樂
詎
知
今
日
甘
藜
藿

子
路
為
親
負
米



為親負米

黃 鈺書

周、仲由字子路。孔子弟子。家貧食藜藿之食。為親負米百里外。親沒。南遊於楚。從車百乘。積粟萬鍾。累裊而坐。列鼎而食。乃歎曰。雖欲食藜藿之食。為親負米不可得也。

詩曰

負米供甘旨
身榮親已沒

寧忘百里遙
猶念舊劬勞

老人之孝

詩曰

跳舞親前且
復歌
但求親喜自
溫和
老人嬉戲如
孩子
奇趣欣欣樂
最多



老萊戲綵娛親

周。老萊子。楚人。素性純孝。奉二親極其誠敬。每進食必以甘脆。年至七十。言未稱老。常著五綵斑斕之衣。辨作嬰兒。戲舞於雙親側。老萊子確是天性使然。難能可貴。又挑水上堂。詐跌臥地。作小兒戲弄之狀。絕不畏跌踏之苦。務求以娛雙親頃刻之歡。其用心如此。真純孝無雙也。

詩曰

戲舞學嬌癡
雙親開口笑

春風動綵衣
喜氣滿庭闈

刻子
鹿乳
養親

鹿乳難得身
穿鹿皮鹿母勿疑
鹿即是兒鹿乳
既得忘脫鹿皮
鹿人勿疑鹿不
是兒



鹿乳奉親

翁同龢書

周、郟子。性至孝。父母年老。俱患眼疾。思食鹿乳。郟子順承親意。乃衣鹿皮去深山入鹿羣中。取鹿乳以娛親。獵者見而欲射之。郟子具情以告乃免。


詩曰

老親思鹿乳
若不高聲語

身掛鹿毛衣
山中帶箭歸

董永
賣身
葬父

身可賣錢可貸此子
不是箇無賴為親弄
得一身債債主到
織女來織嫌三百謝債
主請拆周王避債臺



賣身葬父

洪昌燕書

漢、董永。家貧父死。賣身貸錢而葬。及去償工路遇一婦。求爲永妻。俱至主家。令織縑三百匹乃回。一月完成。歸至槐陰會所。遂辭而去。

詩曰

葬父將身賣
仙姬陌上迎
織縑償債主
孝感動天庭

豺狼當道荆棘叢

下邳孝子作寓公

負母避賊竟

逢賊賊人不殺

江次翁

且是大孝子

殺者非英雄

嗚呼

賊人殺人

直如戲次翁

不殺亦天意

江革行

傭供母



行傭供母

孫毓汶書

後漢、江革字次翁。少失父。獨與母居。遭亂負母逃難。遇數賊欲劫去。革江輒泣。告有老母在。賊不忍殺。轉客下邳。貧窮裸跣行傭、以供母。母應用之物。莫不畢給。

詩曰

負母逃危難
哀求俱獲免

窮途犯賊頻
傭力以供親

恨不為虞帝風
為親九夏扇簾櫳
恨不為趙衰日
為親三冬照庭室
冬溫夏清何
足奇妙出垂髫五
歲兒應煩
太守旌門楣

黃香
扇枕
溫衾



扇枕溫衾

夏同善書

後漢、黃香字文疆。年九歲失母。思慕惟切。鄉人皆稱其孝。躬執勤苦事父盡孝。夏天暑熱扇涼其枕簟。冬天寒冷。以身溫其被席。太守劉護表而異之。

詩曰

冬月溜衾煖
兒童知子職

炎天扇枕涼
千古一黃香

豈其飲泉必
 注之水
 豈其食魚必
 河之鯉
 二者皆兼既
 甘且旨
 既薦地泉飛聲
 激玉春風倒捲
 江波綠照
 見魚鱗三十六
 姜詩
 湧泉
 躍鯉



湧泉躍鯉

李文田書

漢、姜詩。事母至孝。妻龐氏。奉姑尤謹。母性好飲江水。妻汲而奉之。母更嗜魚膾。夫婦作而進之。召鄰母與食。舍側忽有湧泉。味如江水。日躍雙鯉。詩取以供母。

詩曰

舍側甘泉出
子能知事母

一朝躍雙魚
婦更孝於姑

方寸木人莫
欺兒父
兒母精魂依
兒事
父母如生時
妻外人
安得知
丁蘭刻
木事親



刻木親事

張丙炎書

漢、丁蘭幼喪父母。未得奉養。長而念劬勞之恩。刻木爲像。事之如生。其妻久而不敬。以鍼戲刺其指血出。木像見蘭眼中垂淚。因詢得其情。卽將妻棄之。

詩曰

刻木爲父母
寄言諸子姪

形容在日身
及早孝其親

郭巨埋兒
生理兒 名不慈
郭巨夫婦一何愚
此風不可尚
此心猶可諒



為母埋兒

黃錫彤書

漢、郭巨字文舉。家貧有子三歲。母減食與之。巨謂妻曰。貧乏不能供母。子又分母之食。盍埋此子。子可再有。母不可復得。妻不敢違。一日巨掘坑三尺餘。忽見黃金一釜。釜上有字云。天賜黃金。郭巨孝子。官不得奪。民不得取。

詩曰

郭巨思供給
黃金天所賜

埋兒願母存
光彩耀寒門

楊香
撞虎
救父

虎攬父子
撞虎
虎放父子知
有父不
有虎虎去父
生子不死



楊香打虎救父

漢。楊香。年十四歲。天性純孝。一日。隨父往田割粟。忽遇虎於途。父驚極。且爲虎噬。香忿而急。當時祇知有父而不知有身。奮勇向前。抱持虎頸。手執虎毛。腳夾虎腰。然後出萬死一生之力。亂拳擊虎首。虎懼。急放其父而逃。父子幸得無恙。楊香後世子孫。書香不絕。富貴接踵而至。

詩曰

深山逢白額
父子俱無恙

努力搏腥風
脫離虎口中

蔡順拾棹
供親

採棹桑樹下黑赤子

離上黑棹先奉母。

赤棹留咬兒中途遇賊上

嘻下牛啼斗米

贈汝歸賊識

孝子賊真奇



拾椹供親

徐 邠書

漢、蔡順字君仲。少孤。事母至孝。遭王莽亂。歲荒不給。拾桑椹。以異器盛之。赤眉賊見而問曰。何異乎。順曰。黑者奉母。赤者自食。賊憫其孝。以白米三升。牛蹄一隻贈之。

詩曰

黑椹奉萱幃
赤眉知孝順

饑啼滿淚衣
牛米贈君歸

九江太守初排席
陸郎年少作新客
席上離金彈丸
晶盤混作胭脂赤
兒聞香不敢嘗
兒母嗜兒心利
兒不明乞私懷實
古今孝子常愛日
君不見前有
考叔羹
後有陸績橘

陸績懷橘遺親



懷橘遺親

張家驤書

後漢、陸績字公紀。年六歲。於九江見袁術。術出橘待績。懷橘二枚。及歸拜辭。橘墮地。術曰。陸郎作賓客。而懷橘乎。績跪答曰。吾母性之所愛欲。歸以遺母。術大奇之。

詩曰

孝弟皆天性
袖中懷綠橘

人間六歲兒
遺母事堪奇

王哀聞雷泣墓

夢之者義無母何特
鮮民之生不如事死
孤墳三尺埋黃土墓
門拱木轟雷雨
母勿驚見在此



聞雷泣墓

溫忠翰書

魏、王哀字偉元。事親至孝。母存日性畏雷。既卒葬於山林。每遇風雨聞雷。卽奔墓所。拜泣告曰。哀在此母勿懼。隱居教授。讀詩至哀哀父母。生我劬勞。遂三復流涕。後門人至廢蓼莪之篇。

詩曰

慈母怕聞雷
冰魂宿夜臺
阿香時一震
到墓遶千回

隆冬摧百木幽岩隕竿竹高堂思笋
何求孩兒涕淚揮深谷天心竟尔
陽春回籬頭龍角抽新
綠君今且罷窮途哭

孟宗哭竹生笋



哭竹生筍

劉瑞祺書


吳、孟宗子恭武。少喪父。母老疾篤。冬月思筍煮羹食。宗無計可得。乃往竹林抱竹而哭。孝感天地。須臾地裂。出筍數莖。持歸作羹奉母。食畢疾愈。

詩曰

淚滴朔風寒
須臾冬筍出

蕭蕭竹數竿
天意報平安

為子知孝
豈計親慈
冰下有鯉
求則得之
寒潭一片
梨花月
照見兒心
淨似雪
王祥卧
冰求鯉



臥冰求鯉

張之洞書

晉、王祥字休徵。早喪母。繼母朱氏不慈。於父前數譖之。由是失愛於父。母欲食生魚。時值冰凍。祥解衣臥冰求之。冰忽自裂。雙鯉躍出。持歸供母。

詩曰

繼母人間有
王祥天下無
至今河水上
一片臥冰模

莫驅蚊恐噬
親替身可
請噬我噬我
我心怡
噬親我心悲
兒睡着
忘蚊啄忘蚊
啄神仙樂
吳猛
忍蚊
飽血



恣蚊飽血

朱廸然書

晉、吳猛。年八歲。性至孝。家貧、榻無幃帳。每夏夜。任蚊攢膚。恣渠膏血之飽。雖多不驅。恣去己而噬親也。愛親之心至矣。

詩曰

夏夜無幃帳
蚊多不敢揮
恣渠膏血飽
免使入親幃

仇人冀勾踐

餌

老親冀黔婁

試

冀苦親生冀

甘死

冀苦兒心甘

冀甘兒心苦

黔婁

嘗冀

憂心



嘗糞憂心

周蘭書

南齊、庾黔婁爲孱陵令。到任未旬日。忽心驚汗流。卽棄官歸。時父病始二日。醫云：欲知瘥劇。但嘗糞苦則佳。黔婁嘗之甜。心憂甚。至夕稽顙北辰。求身代父死。

詩曰

到縣未旬日
願將身代死

椿庭遘疾深
北望起憂心

梳洗罷上高

堂姑不穀食

但乳膏

姑飽乳身且

康有媳如此

繫名教

飲乳直勝金

丹效但願

孫媳如媳孝

唐氏

乳姑

不怠



乳姑不怠

龔承鈞書

唐、崔山南、曾祖母。長孫夫人。年高無齒。祖母唐夫人。每日櫛洗升堂乳其姑。姑不粒食數年而康。一日病篤。少長咸集。祖曰。無以報新婦恩。願汝孫婦。亦如新婦之孝敬。

詩曰

孝敬崔家婦
此恩無以報

乳姑晨盥梳
願得子孫如

兒揚名為顯親名揚無母
空為人官可棄母難置
皎天日愁雲開尋母

不見

誓

不回

精誠

相感如

震雷母

子相逢天

竟迴

朱壽昌棄官
尋母



棄官尋母

崇綺書

宋、朱壽昌。年七歲。生母劉氏。爲嫡母所妒。出嫁。母子不相見者五十年。神宗朝。棄官入秦。與家人訣誓。不見母。不復還。行次於同州。得之。時母已七十餘。

詩曰

七歲生離母。參商五十年。
一朝相見面。喜氣動皇天。

黃庭堅
親溺
器

老親聞歡喜地
拂塵埃洗
溺器豈無娃角
奴豈無了
髻婢兒不躬親
心不喜



滌親溺器

黃體芳書

宋、黃庭堅、子魯直、號山谷。元祐中爲太史。性至孝。身雖顯貴。奉母盡誠。每夕爲親滌溺器。無一刻不供子職。

詩曰

顯貴聞天下
親身滌溺器
平生孝事親
婢妾豈無人

(二十四孝完)

文王之孝

詩曰

周家至德仰文
王 宣但庭闈
孝行彰 三次
問安兼視膳
亟當效法振倫
常



文王之孝

見禮記。文王是聖人。開周家八百年之基。五倫皆盡。至極。今只擇錄其孝行。以爲人效法耳。

周文王。姓姬。名昌。父王季。母太任。文王爲世子時。朝見王季。每日三次。鷄初鳴。卽整衣履。至寢門外。問內豎小臣曰。今日安否。內豎曰安。文王乃喜。及日中。文王再至問安否。日暮又至。亦問安否。如有不安。文王則憂形於色。必求相安而後已。每進膳具。必察寒煖。食畢。又問所食多少。未嘗一日稍倦。其孝行如此。

孝 童 愛 父 詩 曰

少年無
力報劬勞
此情聞
聲涕淚沾
孝感恩
師勤教訓
榮華終
顯姓名高




孝童愛父

漢時趙志。早起讀書。聞父喝牛聲。廢書而泣。師問之。答曰。頃聞喝牛過門者。吾父也。自恨年少。不能卽致榮華。使老父不免勤苦。是以悲耳。師歎曰。此念孝思。小子當有造也。由是用心教之。免其脩金。及長。青雲得路。連捷功名。出仕遼東。有政聲。

親衰泣杖詩

曰

責過應當羞
敢悲
祇因不痛異
前時
伯瑜受杖潛
然泣
太息悉躬血
氣衰



親衰泣杖

漢、韓伯瑜。性至孝。時有過。母杖之。大泣。母曰。往日杖之未嘗泣。今日悲泣何也。伯瑜對曰。往日杖之痛。知母康健。今日杖之不痛。知母力衰。是以泣也。

盜 恤 孝 子

詩曰

盜賊翻然感
動心
不干孝義不
貪金
一坊能有一
孝子
咸賴安全受
澤深




盜恤孝子

漢、趙咨。字文楚。胙城人。敬養老母。甚得歡心。一夕盜至。誤刳其家。咨恐驚母。乃出開門揖盜曰。吾母老而病。乞無驚駭。衣糧任各位取之。盜感其孝。相謂曰。此孝子義士也。不可干犯。遂去。左右鄰居賴以安全。

紡績養姑

詩曰

義重身輕了
死生
忍貪利祿失
前盟
養姑紡績忘
勞苦
帝賜黃金表
孝名



紡績養姑

漢、李孝婦。年十六而嫁。尚未有子。夫遠出外洋。臨行囑婦曰。家計貧苦。不得不出洋謀生。他日發達榮歸則可。若不返。爾肯養吾母乎。婦應諾。夫喜。再三叮嚀而別。後夫果不還。婦日夜紡績養姑。父母哀女年少無子。將嫁之。女曰。夫去時。囑養其母。既許諾之。不信。何以自立。悲泣欲自刎。父母懼而止。太守聞之。奏於朝。賜金百兩。號稱孝婦。

至性格親

詩曰

被逐廬門不
計身
至誠定省格
雙親
更推財產饒
諸弟
天道酌遠陰
後人



至性格親

漢、薛包。好學篤行。父娶後妻而憎包。分出之。包日夜號泣。不忍去。至被杖。不得已廬於舍外。晨入灑掃。父怒又逐之。乃廬於里門。晨昏定省不廢。積歲餘。父母慙而還之。後父母去世。諸弟求分財異居。包不能止。姑聽之。凡田廬器物。任諸弟取其美者。不與較焉。後諸弟破產。無以自存。包常恤之。諸弟子孫零落。包之子孫蕃衍。富貴接踵。

上表陳情

詩曰

祖孫更命特
陳情
懇切辭官表
至誠
帝賜兩奴兼
俸膳
咸稱孝義本
天生



上表陳情

晉、李密。官太子洗馬。念祖母年老。上表辭官歸養。大概其詞曰。臣年四歲。父母繼亡。祖母劉氏。憫臣孤弱。躬親撫養。臣無祖母。無以至今日。祖母無臣。無以終餘年。祖孫二人。相依爲命。臣今年四十有四。祖母今年九十有六。是臣盡職於陛下之日長。而報祖母之日甚短也。烏鳥私情。願乞終養。帝嘉其誠。賜奴婢二人。服事祖母。並使郡縣供其俸膳焉。

奇人點化詩曰
欲從無際訪高僧
宣似家中近有憑
活佛堂前真像現
孝親妙道契三乘



奇人點化

宋陽黼。太和人。有孝心。一日入蜀訪無際大士。

當時有道高僧也

路遇一老僧。

問何往。楊曰。欲訪無際。僧曰。訪無際。不如敬活佛。楊問活佛何在。僧曰。汝且歸家。見披衾倒履者卽是。楊遂歸。沿途訪察不見。夜暮到家叩門。母聞聲。心喜。不及整衣。披衾倒履而出。楊一見醒悟。乃知父母卽是堂前活佛也。自此更竭力孝親。手註孝經數萬言。硯滴將乾。欲下取水。硯池已盈。謂孝思所致。年八十。誦偈而終。

觀此可知敬神佛。不如敬父母。彼在家孝。而好燒香。及遠往求神拜佛者。真愚人矣。

念母却虎

詩曰

遭逢遇虎最
稀奇
危可安全險
若夷
一點孝心難
理則
其中巧妙莫
能思



念母却虎

宋、朱泰。父亡。事母至孝。家貧。常適數十里外。營謀奉母甘旨。一日鷄初鳴。入山採樵。憩于左右。遇虎負之而去。泰醒覺。大驚。厲聲曰。虎食我。恨我母無依託耳。虎忽棄泰于地。走不顧。似有人疾驅虎狀。鄉里稱其孝感所致。

入夢見親

詩曰

一片精思本性生
晨昏念母見真誠
夢中竟得音容見
行善遵親後嗣榮



礪石山莊馮同芝

寫

入夢見親

齊、宗室鏗。兩歲喪母。及有識。問母所在。父告以早亡。自悲不識母容。常祈請幽冥。求一夢見。未幾夢至一處。有一婦人到云。閻君念汝孝心。特命我來一叙。鏗見之。跪執母衣。大哭曰。兒願在此。服事母親。母亦泣曰。無須。皇天不負善孝人。汝既孝。再能行善。將來可於天堂聚會。不到此矣。復叮嚀幾句而去。鏗醒。向父說母容貌衣服。皆如平時。聞者莫不歎歔。後宗恪遵母訓孝事父親。力行善事。享高壽。誦偈而終。子孫蕃衍。

神授石函

詩曰

積年母病不
能醫
惟願祈神身
代之
神授石函身
能治
丹書日月此
方奇



神授石函

梁、蕭叡明。母病風。積年不愈。明晝夜祈禱。願以身代。時值嚴寒。母病益重。明涕泣求神。淚如泉湧。額上叩頭血亦冰。一日出而求醫。忽有一人以小石函授之曰。內有良方。明拜受。持歸開視。見有三寸絹。丹書日月二字。母焚服之。卽平復。此乃孝感神醫也。後明子孫。多識孝義。祥瑞滿門。

追鹿得參

詩曰

峻嶺崇山峯
過峯
真誠遇鹿喜
相從
得參愈母天
倫樂
功德高時大
道逢



孝緒追鹿得參

梁。阮孝緒。字士宗。尉氏人。事母盡誠。屏居一室。靜養潛修。非定省。則少出門戶。中丞任昉。望而歎曰。其室則邇。其人甚遠。一日。往鍾山聽講。其母王氏。忽有奇疾。兄弟欲往召之。母曰。孝緒至性靈通。必當自至。忽孝緒果心驚而返。鄰里歎異。但其母病。醫者謂須食生人參。緒登山越嶺。躬歷艱險。累日不得人參。迨見一鹿前行。緒卽隨之。至一處而滅。緒就地視之。果見參樹。掘之而歸。母服後遂愈。俟終母天年。入山修道。竟成仙去。

代父從軍

詩曰

戰陣沙場
險萬分
如何代父
去從軍
木蘭千古
稱奇女
邊戍功成
以孝聞



代父從軍

隋。花弧、商邱人。有孝女名木蘭。父病不能從軍。懼上官所責。蘭女子扮男裝。代父征戎。十二年成功而歸。無有知其爲女子者。

酌恩報德

詩曰

狀元官連豈
終窮
積俸酌僧報
德隆
禮佛生生符
祝願
子孫膺爵豈
封公




酌恩報德

宋、呂蒙正。字聖功。性孝友。中太宗時狀元。累官叅知政事。封許國公。公於未出身時。嘗寄跡於僧寺。苦志讀書。暇則禮佛誦經。超拔祖先父母。僧念其孝。留其長住。且贈食焉。得顯貴執政十年郊祀俸給。皆不願領。所得存俸。悉送寺僧。以酬宿德。帝亦以賜扁旌寺。公設靜室供佛。朝夕禮拜。必祝曰。不信佛者。莫生吾家。願子孫世世食祿。護持三寶。後子若孫夷簡。公著。均封申國公。餘皆食祿。世世顯貴奉佛。果符公願。

減壽益親

詩曰

減壽增親本
孝心
焚香告帝夜
沉沉
真誠一點邀
天眷
果得延齡福
祿臨



減壽益親

明、顧鼎臣。字九和。號永齋。南直崑山人。父諱恂。年五十而生鼎。鼎自幼盡孝。稍長。撰一表文。每夜焚香祝天。願減己壽益親。俾親壽長。得以見己成立爲快。一夕夢黃鶴自天飛來。近視之。卽所焚表也。未批云。鼎臣減壽益親。出於至誠。父母各延壽二紀。鼎臣狀元及第。後父母果臻上壽。見子登第。親受榮封。鼎登弘治乙丑科狀元。官至大學士。爲名臣。

子孫顯達

詩曰

家貧學圃奉高堂
設帳鄉隣省視忙
孺慕至誠徒感泣
子孫顯達世流芳




行孝子孫顯達

明、弘治間倫顯之。南海黎涌人。性至孝。好讀書。家貧親老。在屋側種蔬菜。賣銀以供甘旨。餘則施濟。後授徒鄰鄉。路隔十里之遙。每夕必回家省親。翌晨一早回塾。講書至父母之年一章。則掩卷而泣。生徒亦爲下淚。其誠敬孺慕。至老尤篤。生子文叙。弘治己未。由會元中狀元。孫以諒。由解元中進士。入翰林。以訓由會元點榜眼。以謫亦翰林。父子仕途皆顯達。

鬼怕孝婦

詩曰

病染連門疫
肆威姻親問
饋雨相違
忽看疫鬼
踉去為避
家中孝婦歸



鬼怕孝婦

晉陵顧成。娶錢氏爲媳。順治八年三月。疫大作。傳染連門。親戚不敢過問。顧一家六口。皆染病。伏枕待斃。時錢氏在母家。相隔甚遠。聞此信。急欲歸。父母阻之。氏曰。夫之娶妻。原爲服事公婆計耳。今公婆病危。生死大事。忍心不歸。與禽獸何異。吾往卽死。亦甘心也。遂隻身就道。成病中見疫鬼相語曰。諸吉神衛護孝婦至矣。吾等須走避。各疫鬼倉惶而遁。婦入門。病者皆愈。

孝友為仙

詩曰

人生修善最相宜
孝友為仙世少知
二百餘年歸故里
子孫方信有安期



孝友為仙

道光初年。高要蓮塘鄉。庠生謝凝安。與兄弟等。一夕請仙。乩降云。謝從吾到。衆跪叩曰。莫不是我伯祖從吾公否。乩曰是。問居何職。曰仙也。問以禍福。答語甚詳。大意總不離孝友修善四字。臨別賦詩二首而去。詩曰。「一別二百年。今始歸故里。鷄犬雖已非。桑梓仍如此」。「相逢盡是一家人。我在羅浮別有春。山草山花詩侑酒。管教煙鎖武陵津」。後查族譜所載。公是明朝人。讀書得廩。生平孝友好善。安貧樂道。沒而靈爽常存。知其養之有素矣。格言云。神仙不外盡人倫。信不誣也。孝之道大矣哉。

孝童念父

詩曰

人人有父我
孤無
一念悲思志
不渝
勤儉起家專
事母
光前裕後啓
良圖



粟成孝童念父

邵粟成。四會人。兩歲喪父。四歲時。與羣兒戲於里。忽走歸問母曰。人皆有父買菓食。但不見我父買菓食。且來提攜我。何也。母泣告曰。汝父死矣。從何得父乎。公卽伏地痛哭。不絕哀聲。自此垂頭。鬱鬱不樂。母多方慰解。然夢中猶呼父不置也。自後知母艱難。教無不聽。言無不從。及長。以種植爲生。勤儉起家。母得安樂。享晚福焉。公又好行善事。卽有目乏者。時周恤之。人每感謝。而公若忘也。其孝義慈祥。有如此者。公享壽八十九歲。子孫三代五秀才。兩舉人。書香不絕。皆公之遺澤也。

孝童救父

詩曰

舍身代父本天真
九歲談詩識宋人
特許將軍濟武惠
小童聰慧合稱神



孝童救父

陸柔。平湖人。九歲時。值鼎革。同父避難於草莽中。其父爲馬將軍所獲。欲殺之。柔躍出願代父死。將軍嘉其少年孝心。以扇示之曰。汝能讀扇上詩。卽赦汝父。柔接扇朗誦曰。收兵四解降王縛。教子三登上將臺。此宋人贈曹武惠王詩也。將軍不殺吾父。卽今之曹武惠王矣。將軍大喜愛之。求爲誼子。同父往焉。未幾將軍物故。隨父歸里。勤讀。博學高才。中康熙己未舉人。連捷進士。入翰林。聖祖愛其才。一日七陞。官至內閣學士。

善報親恩詩曰

痛哭思
親孝念
堅何如
作善感
蒼天
報恩有
道遵
僧訓
父母
起昇
子永
年



善報親恩

福建林承美。幼喪父。其母守節撫養。及長。母亦死。承思父母恩德如天。無以爲報。旦暮號泣。痛不欲生。有一禪師見而告曰。孝子思親。痛哭無益。當求所以報之之道。哲云。作善親有益。宜戒殺放生。廣行陰德。自然上格天心。超昇父母矣。承省悟。由是戒殺放生。力行善事。凡有善舉捐款。均登父母之名。如是數年。卽夢父母來告曰。上帝嘉汝孝心。行善戒殺。我兩人已超昇上界。汝亦可享高壽。但望始終堅持此志。將來西方可同相會也。後承享年九十有六。無疾而終。有人見諸神持長旛寶蓋迎之。諺曰。忠孝節義。死而爲神。信不誣矣。如世人有父母早死。欲報其恩者。有榜樣矣。勉之。

誠感父骨

詩曰

山僧行乞養慈
親父骨能收
感應神忠孝
一門邀寵錫
更修功果卒成
真



誠感父骨

長安李氏子。七歲出家。法名道丕。年十九。回家省親。時值長安焚蕩。米珠薪桂。乃負母入華山。自己辟穀。乞食供母。母曰。汝父盡忠。戰沒霍山。骨暴霜露。能收取歸葬乎。丕卽往霍山。見白骨數十具。卽遠近檢齊。排列數處。輪流晝夜誦經。懺父宿孽。且祝曰。羣骨中有搖動者。卽父骨也。一心持誦。目視羣骨不釋。如是兩日。忽見有一骸骨。搖動再三。丕遂叩首。負骨而歸。是夜母夢夫回。明晨骨至。擇地安葬。此事傳聞遠近。地方官奏於朝。皇上嘉其父子忠孝。誥封父母。並賜薪俸焉。爰出資。以葬餘骨。事母終養。卽回山修煉。成仙云。

孝 巧 登 仙

詩曰

行乞
供親
孝倍
加
魂升
天界
駕雲
霞
若非
孫某
回陽
說
誰識
神仙
事不
差



孝丐登仙

常州楊孝子。名三。家貧行乞。負老母住破廟中。朝夕乞食。必擇好者進母。得錢必買甘旨。及置衣被。不使饑寒。冬則負母於煖處。夏則選大樹乘涼。夜無帳寢。則侍立扇蚊無倦容。母有所苦。歌舞跳弄。務使歡心而後已。鄉里知其孝。施之較常乞稍豐。富室孫某尤厚。母死。孫復爲之棺殮。越年楊三無疾而終。孫某亦同日死。先隨役入冥。見多處排列香案。如陽世迎神狀。問於役曰。此迎楊三孝子也。及見冥王。方檢部。忽報孝子至。見鼓樂旗幡。四人抬一轎至庭中。則楊三曰。冥王降階而揖。延之上座。孫不覺呼救。孝子起立。拱手謂王曰。此孫某係我恩人。何至此。王曰。孫某數盡。是要來此。君云恩人。何也。楊歷述孫某時時厚恤。且代母棺殮。王曰。卽此可延壽半紀。當令還陽。語畢。隨有吏上。向孝子作揖。稟請更衣。楊入。須臾袍服而出。二童子執拂前引。彩雲冉冉升天。孫醒。知楊三孝子。死後登仙。自己施恩孝子。亦添壽焉。由是相傳遠近。人多感化。

孝 丐 感 天

詩曰

辭傭寧丐莫
離親
順志承顏不
患貧
生死未忘孺
子慕
黃金天賜豈
無因



孝丐感天

丐者楊乙。武進人。父當戎。日久不歸。事母至孝。每得食。雖極饑。必先奉母而後嘗。母有憂容。必跳躍起舞。及唱山歌以悅之。如是多年。鄉人感其孝。願出多金僱爲傭。乙不受曰。吾有老母在。安可一日離也。越數年。老母死。日夜啼哭。人念其孝。助錢爲之殯殮。葬於野。時時思親。露宿墳側。冀有所見。歲時拜祭。未嘗缺失。後於墳邊。得金一穴。上書曰。天賜孝子。越日父亦歸。骨肉團聚。此皆楊乙孝感動天所致也。

孝女感仙

詩曰

為母開盲百
計醫
化灰用指此
方奇
仙憐孝女真
誠感
痛也聞聲目
愈時




孝女感仙

某孝女。順德人。十四歲。其母目盲。百般醫治不愈。一日鄰舍請仙。女拈香往求。跪伏案前。懇醫母疾。仙乩批曰。汝母目疾。必要親生子女。以手指化灰冲服。始得開。女叩首稟曰。母盲日久。屢醫不痊。但苦無方法耳。若此方可醫。願自將指化灰與服。惟求大仙庇佑。藥到回春。則感德無涯矣。急再叩首而歸。點明燈一盞。將指焚燒。痛甚。忽曰痛也。將指縮回。隨念若不忍痛化灰。母目何日能痊。卽咬齒奮志。將指又燒。畧久。痛極不能禁。忽又大呼曰。痛也痛也。其母初次聞女呼痛。不知何事。心已哀憐。及聞第二次悽慘呼痛之聲。忘了目盲。盡力一睜。兩目立即開了。忙問曰。爲何將手指來燒。女言其始末。於是母女大喜。焚香叩謝神明。後女享大福。一生順遂。母亦長壽焉。神明試孝女之心。可謂巧矣。

孝女感神

詩曰

父病多時未獲醫
心香一炷感神祇
至誠自有真容現
孝女聲名遠近知



孝女感神

京師賣花叟。久病不起。其女性孝。念父疾苦。恨不能以身代。適有鄰媪與衆婦女往丫髻山進香。女問進香。可能醫父病否。媪曰。誠求必應。女曰。此間離山有幾里。答曰。一百里。女曰。一里幾何。媪曰。約二百五十步。女記之。每夜俟父睡時。持香一炷。計步數里數。繞案叩頭。默稟身爲女子。且父要人服事。不能朝山之故。求神佑父病脫。如是多日。丫髻山。向祀碧霞元君。凡官紳四月。無不進香。以晨早到廟炷香。爲炷頭香。時有太監張公往進頭香。初開殿門。已有頭香在爐中。張怒。責廟官。廟官曰。殿門未開。不識何由得上。張曰。既往不咎。明日再來上頭香。你須候我。廟官唯唯。次日四更。張卽至。則爐中已有香烟縹緲。宛然一女子。禮拜伏地。倏忽不見。張曰。豈有神聖之前。鬼怪敢出現乎。此必有故。因坐二山門。聚燒香男女。說知其事。並述所見容顏服飾。一媪聽良久曰。據君所言。必吾鄰女某也。因說其在家父病。禮拜求神之事。張嘆曰。此孝女感動神靈也。進香畢。命媪引路。乘馬至女家。厚賜財物。認爲義女。數日父病愈。家雖貧。有太監時時周卹。故得飽煖。後女嫁太興張氏。爲富室焉。

孝婦齊家

詩曰

誠正脩齊大學章
位分內外易曾詳
助夫訓子皆慈善
遺囑咸遵後嗣昌



孝婦齊家

劉氏女。新會人。少驕養。知琴書。及歸黎。見夫家力田。竭力事親。卽慨然曰。男子治外。婦人治內。正理也。若偷閒自便。豈婦道乎。卽卸釵易服。內而助夫行孝。服事翁姑。外而和睦鄉里。躬親井臼。勤苦不辭。後積餘貲。周恤貧苦。臨終吩咐。自薄喪費。留建家祠。親書遺囑。謂男須孝友勤儉。婦女須恭儉守己。其子慕忠。能承父母之志。孝友樂善。積營業。助婚姻。贈衣藥。施棺木。當仁不讓。見義勇爲。由是子孫興發。富貴綿綿。隨後大年。錫疇。華玉等。皆劉氏之裔也。

婦節子孝

詩曰

一脈孤存背後兒
畀妻合力奉慈帷
鷄窓苦學名登仕
更產麟熊顯孝思



婦節子孝

葉春芳。歸善人。母鄒氏。性孝義。早寡。遺腹生公。俗所稱背後兒。懷腹子也。母見只此一線血脉。守節撫孤。承先啓後。兒又多病。百般撫蓄。歷盡艱辛。及長。公知寡母。養己艱難。常常洒淚。以思圖報。苦學鷄窻。十五入泮。門戶增光。母心稍慰。及婚。勗妻行孝。朝夕奉膳。必具甘旨。夫妻立兩旁。俟母食畢。然後自食。凡所得財物食品。必跪以獻。母曰無須。答曰。世人拜跪於親歿之後。親豈能知。何如及親之存。稍盡禮。況母養兒。辛苦萬分。卽粉身碎骨。不能報恩萬一。此乃行兒心所安而已。三十後。出仕古田縣。有德政。民歌頌之。生數子。長夢麟。貢生。次夢熊。進士。官至工部尚書。

夫 妻 孝 義

詩 曰

夫妻忍餓
奉婆婆
被騙亡兒
訟又磨
幸感天雷
寬大白
仙來寶筏
到波羅



夫妻孝義

王孝子允誠。淮安人。家貧。夫妻自食荳餅。奉母必以酒肉。一日糧盡。妻曰。我輩可餓。婆婆不可餓也。卽脫銀鈎。交夫往當。孝子當得銀。爲光棍騙去。妻曰。命也。然婆婆終不可餓。再檢布衫當之。得微資。買米及肉以奉母。母呼孫共食。孝子嫌兒分母之食。牽之去。兒泣坐地。誤落石級。失魂而死。母見之大怒。到縣訴逆。孝子以實告。官淚下嘆曰。如此純孝夫妻。尚被騙。復亡兒。天理何在。言未畢。忽雷震死騙子。跪於塔下。鄰人先後來報。孩子活矣。官大奇之。贈米十担。錢十千。此事相傳遠近。人多感化。後夫妻送母天年。成仙云。

天賜壽錢詩曰
 身代翁
 姑感上蒼
 賜錢增
 壽玉盈堂
 可憐隣
 婦偏長舌
 此受金
 錢彼受殃




天賜壽錢

徽州李氏。家貧。夫外出謀生。李氏在家紡織。服事翁姑極孝。翁姑病。醫費無所出。朝夕虔誠稟告天地。願以身代。適遇三官巡察。空中聞之。奏於玉帝。奉旨加其翁姑壽一紀。賜錢十萬。注名祿籍。是日門未啓。忽見廳上金玉滿堂。變易果得錢十萬也。鄰居秦氏。年二十。恃其長舌。抵觸翁姑。李氏屢勸不聽。李氏受錢之日。秦氏爲雷火焚燒。善惡之報。昭然可畏。

虎怕孝子

詩曰

樹木摧殘虎嘯風
雄夫誰敢入山叢
黑兒獨自常來往
孝感山君獲利豐



虎怕孝子

花縣某村。有張氏婦。少年孀守。上有老姑。每日定省。極盡婦道。生一子。名黑兒。採樵山中。易貲度日。婦於米飯外。餘貲必買肥甘以供姑。鄉里稱賢。黑兒亦忠厚孝順。得兩人歡。一日結伴上山採樵。至中途。暴風狂吹。森林中跳出斑虎二頭。呼嘯而至。黑兒年幼。性癡呆。不甚驚。臥地假寐。虎趨近視之。搖尾而過。同伴數人。被傷其二。虎去後。樹木之被摧殘者。縱橫山中。黑兒盡數日之力。負擔而歸。售價十數元。鄉人以畏虎故。不敢往樵。獨黑兒日行如常。獲利殊豐。鄉里謂爲母節子孝之報。

虎敬孝子

詩曰

廬墓
居喪歷數年
夜來
雙虎守門前
有時
家犬傳書物
相遇
無驚習故然



虎敬孝子

何宇新。博羅人。性至孝。父早歿。每遇忌辰。悲泣不食。事母甚謹。先意順承。母卒。負土成墳。築舍墓旁以居。朝夕拜祭。夜有虎踰其門。穴壁窺之。二虎左右似甚善。無他意。既旦散去。夜則復來。先是家養一黃犬。犬三五日必到一次。公欲有所需。即書片紙繫其頸。家人見之。備物繫之使負還。是夜虎至時。適犬負物來。未去。虎見之。亦不加害。公習久以爲常。亦無恐也。公一日得病歸。虎欲隨行。公以家在城內。恐驚人。令使去。迨公疾愈還墓。二虎又來。人皆以爲孝感所致云。

孝子感虎

詩曰

年少青襟展孝思
養生喪死盡容儀
墓前哭母能馴虎
留報賢郎富貴宜



孝子感虎

黃畿。香山人。十八歲。補郡庠生。性至孝。先意承志。惟恐不及。親或有怒。必長跪。俟其歡乃起。一味之甘。必獻父母而後嘗。婦亦賢。助夫行孝。未幾父母相繼去世。負土成墳。居喪盡禮。一日至墓所。思念父母。大哭。頭暈倒。虎突至。用鼻嗅之。卽曳尾而去。時人有作孝子感虎歌以記之。生子佐領。中正德庚午科解元。連捷登進士。入翰林。官廣西提學使。

孝子飼鼠

詩曰

垢衣溺器洗宜頻
和悅承歡事二人
飼鼠飽餐安父寢
孝心純篤福駢臻




孝子飼鼠

溫惺菴。順德龍山人。家貧業商。忠信勤儉。孝順雙親。朝夕供膳。必具甘旨。親有疾。調護扶持。不離左右。其溺器垢衣。勤勤飭妻洗濯。或自洗之。妻亦賢。能體夫志。和顏悅色。得二人歡。常買穀數石。貯瓦缸中。上覆以笠。夜半父聞鼠聲。呼起逐鼠。公逐之再三。而鼠復如故。父煩惱不能睡。公思缺穀事少。安親事大。乃去笠。飽鼠之餐。父寢遂安。明日始買瓦蓋覆之。觀此一事。而知公平日孝心純篤。無微不至矣。後生六子。均皆孝順。或工或商。發財數十萬。孫汝适。乾隆甲辰登進士。官至侍郎。

代父坐獄

詩曰

里長因官勒
捕逃挺身代父入
監牢
備嘗艱苦終
無怨
果報登科孝
行高




代父坐獄

馮煒。字敬堂。南海大富鄉人。道光廿九年。其父爲里長。因族人犯罪逃匿。其父被拘到案。勒交逃者。公挺身到縣。願代父獄。官准之。在獄歷受艱苦。無怨言。事久得出。咸豐八年入泮。中同治壬戌科舉人。生子亦能繼父志。至今鄉人稱之。

孝子跪父

詩曰

平生孝
敬必躬承
假手妻
孥本不應
偶忤親
心長跪請
佇看文
學一門興



孝子跪父

陳才邦。庠生。四會荷岡人。公平正直。妻亦賢。生子善化。補廩生。性至孝。設館於佛山。每年父母生日。必歸慶祝。一歲父生日。因事阻。先期買海味寄歸。囑妻轉獻。才邦不悅。以爲不必假妻手也。未幾歸。妻以父怒告。善化至書舍拜父。才邦不應。善卽長跪。才邦隨入室睡。及醒。方知其仍俯伏地下。不禁嘆曰。汝胡爲者。何至是哉。起起。善化叩首曰。兒知罪矣。父歡待如初。一事之微。而仁孝誠敬盡露。非至性而能若是乎。善化生三子。長濟時。次顯時。均庠生。一門四秀才。此忠厚仁孝之報也。

遊子順親

詩曰

一別高堂已十年
京師遊學倍心堅
家嚴憶子詩遙寄
趨侍庭幃不敢延



遊子順親

熙甯時。洪浩遊京師太學。十年不歸。其父倚門長望。因作詩寄之曰。
太學何煩且一歸。十年甘旨誤庭闈。休辭客路三千遠。須念人生七十稀。
。腰下雖無蘇子印。篋中幸有老萊衣。歸期定約春前後。免使高堂賦式
微。浩得詩。兼程而歸。以安親心。後成名。宦途顯達。

孝子辭田

詩曰

事親待
病子當為
罔極深
恩報恐遲
不敢貪
功應父賞
竟生藩
翰作佳兒



孝子辭田

鄧公慶。南海人。性孝義。早喪母。哭泣極哀。及長。常念母不置。父老而多病。日侍左右。頃刻不離。父憐其勞。於常產外。另以田三畝賞之。公跪泣曰。父母之恩。粉身難報。親病。而子奉侍。分所當然。若以爲勞而賞之。兒受父母鞠育多矣。何以報焉。固辭不受。兄嫂早亡。撫其孤。如所己出。生子務忠。崇禎辛未進士。官至巡撫。有政聲。

孝義發達

詩曰

歿存一
樣孝何分
義慕馮
煖券盡焚
竭力賑
饑心不倦
簪纓繼
世出人羣



孝義發達

辛慕霞。順德北滘人。家小康。性慷慨。有孝心。母歿。哭至失聲。事父承顏順志。事繼母如生母。不敢有違。親族戚友欠債。貧苦難償者。則焚其券。以體親念。父母欠人債者。卽一一還之。以安親心。康熙丁丑歲大饑。盡將藏穀以濟餓者。家貲遂薄。生子昌五。品行端正。幼能文。中雍正己酉科解元。連捷進士。入翰林。孫濟美。副貢生。家聲大振。子孫昌盛。

錄忠孝文

詩曰

心存忠
孝手書文
感化愚
蒙有大勳
屢代書
香名並顯
可知因
果不差分




錄忠孝文

趙沅英。新會三江人。附貢生。工書法。常手寫三元忠孝文。刻版行世。專引古人忠孝之事。每句四字。編爲淺文。每事加註釋。世人多奉爲啓蒙之善本焉。生數子。翰航廩生。瀛舸庠生。蓬航舉人。洵一門之瑞也。

孝友免災

詩曰


性成孝友本
天生先世停
治瑩風波同
免難遺裔擢
更徵遺裔擢
科名



孝友免災

龐儒。南海佛山人。性孝友。母早喪。常以不得奉侍爲恨。事父盡誠。父有不悅。卽跪地請罪。命之乃起。仲弟早卒。季弟年幼。撫育成人。爲之婚娶。先世四喪未塋。停頓荒郊。公獨力買地塋之。自捐貲財。毫不累諸兄弟。人多羨之。一日在海面舟行。忽遇狂風巨浪。勢甚危急。舟衆徬徨失魄。公跪船頭。禱告於天。桅頂忽現紅光。異香滿船。鄰舟盡覆。公舟獨存。賴以倖免者凡五十餘人。皆感公孝神佑。各人得所沾光也。生子景忠。中萬歷丙午科舉人。官至戶部主事。曾孫上梓。中順治丁酉科進士。官知州。

敬老獲佑詩曰
 覆舟有數鬼先知
 周旋不司却是司
 敬老亦能除大禍
 若行孝道報尤奇



敬老獲佑

周司。敬前輩如父母。一日過江。風波大作。舟幾覆。及抵岸。一漁翁曰。昨夜江邊有人言。明日當覆一舟。溺死二十人。若有周不同在。其人素敬老。則無妨也。今爾舟得免。豈真有其人耶。遍問舟中。惟有周司者。解者曰。司字缺左。非周君而誰。衆人謝之。

細觀此事。敬老卽叨天佑。若孝親則更邀天佑。可知矣。

轉貧為富壽

詩曰

養子方知父母恩
古今同奉作
慈心一念翻
思孝
富壽齊登五
福門



轉貧夭為富壽

王誠孝。宜興人。家甚貧。早年生子。極其歡愛。饑卽與食。寒卽與衣。一有疾病。廢寢忘餐。不惜銀錢。求醫問卜。備極辛勞不計也。忽自念曰。我今日待子如此。回想從前父母之待我。亦必如此矣。此恩此德。何以報之。從此竭誠孝順。不敢稍懈。值荒年。自食糟糠。而以粥飯奉父母。寒冬時。自衣單薄。而以厚襖奉父母。父母有疾。侍奉湯藥。時刻不離。許愿祈禱。以求親壽。一夕夢神告曰。汝壽不長。且命當窮苦到底。上天嘉汝純孝。特延汝壽。兼賜汝錢。自此經營順遂。億則屢中。數年間竟成巨富。享高壽焉。

孝子得愈奇疾

詩曰

禮言問視記
文王
聞道文王孰
敢當
不料販夫奇
疾愈
純心止孝已
升堂



孝子得愈奇疾


孟舜年。性至孝。負販爲業。晨早恐驚母寢。必潛往。囑妻侍候起身。歸甚速。慮母饑也。入門卽呼母。探懷取食物以進。母性所好者。無不買奉。令親飽煖。毫無憂戚之容。舜年面生紅癰。似瘋疾。一日遇老人於途。授以異草。令煮湯洗之。疾頓愈。人謂其孝感所致。自此所謀皆遂。成巨富焉。

嗚呼。舜年特一小販貿易人耳。能常以食物奉親。投其所好。亦已難矣。又必潛往速歸。其一片孝心熱腸。體會入微。直與文王問寢視膳。並垂不朽。世之事親者。能學舜年之誠之敬。可謂孝矣。

賑饑 救旱 善體 親心

詩曰

母氏慈祥 喜博施 賑荒志切 免啼饑 疏渠救旱 恩宏被 蘭桂騰芳 共建祠



賑飢救旱善體親心

潘京。南海人。父早喪。事母極孝。母吳氏。性慈祥。好做益人事。歲飢。使公集議賑濟。公體母意。竭力提倡。任怨任勞。以成其事。存活甚衆。自此多行善事。以歡母心。鄉里之田。常旱失收。集衆簽題。開池塘。掘涌澇。積水以備不虞。大興工作。公親督理巡行。風日不避。雖額汗涔涔。猶口講指畫。毫無疲苦之態。數月成功。遠近之田。均得灌輸。自是瘠田變爲沃土。旱亦有收矣。羣相慶賀。見公則揖曰。粒食有賴。皆公之賜也。公曰。承母命。特盡微勞耳。鄉人因沾公母子大恩。立生祠祀之。自此福氣日增。所謀皆遂。一夕夢天門大開。見諸神如在咫尺。驚喜而醒。心知吉兆。後生子濬。登萬歷庚子科進士。官至尚書。公以子貴。封贈一品。子孫富貴。接踵而起。

孝子友愛姊妹

詩曰

姊妹同群一樣看
大家笑博親歡
追原
養志休忘祖
敬祖
貽孫代作官



孝子友愛姊妹

黃正色。順德大良人。幼喪父。孝事母。讀書偶暇。輒歸家集諸姊妹。論古談今。供母歡笑。及長。管理家事。不勞母心。待姊妹友愛。嫁後仍如是。謂必如此方得母歡。養志之道也。獨力建祖祠。謂人本乎祖。敬祖卽孝親之道。生子丹書。天資秀異。十四歲。考縣府道案首。人稱爲小三元。中乾隆乙卯科舉人。孫玉衡。玉銜。一舉人。官教諭。一翰林。官御史。至尋書香不絕。

孝子愛弟妹
詩曰
少年失怙事慈親
弟妹同胞合數人
委曲周全財產共
連生二子作名臣



孝子友愛弟妹

李莊。南海佛山人。性孝友。少年喪父。事母盡誠。居長。有弟妹數人。婚姻嫁娶。公自任之。貿易經營。所置田產。均分諸弟。而不自私。妹有窮者。力濟之。病者調理之。事事委曲周全。務求上下相安。以快母心。後生數子。一舉人。官知縣。一進士。官至戶部尚書。公以子貴。誥封一品。

辭官歸養詩曰
 布衣膺
 荐考鴻詞
 翰苑官
 高上疏辭
 令伯陳
 情終養切
 滿朝嘉
 獎贈文詩



辭官歸養

李因篤。陝西富平人。康熙己未。以布衣膺薦考。博學鴻詞。入翰林。卽上疏乞歸養。中有云。衰齡七十。久困扶床。輦路三千。難通謁指。一旦禱北辰而已遠。迴西景以無期。萬一有爲子所不忍言者。則是毛義之捧檄。不逮其親。溫嶠之絕裾。自忘其母。風木之悲何及。瓶罍之恥奚償。其餘情辭懇切。比唐人李令伯之陳情表。殆又過之。聖主准其終養。出京日。士大夫詩文贈送者數百人。海內高之。

勗妻事親詩

曰

遠方遊學別高堂
內助承歡子職當
曾賦歸來詩寫志
名成及第尚書郎



勛妻事親

王鴻緒。江南華亭人。苦志讀書。母有病。依依不忘左右。及長。遊學遠方。謂妻曰。汝爲吾婦。能善事吾親。則助我多矣。嘗賦歸來詩二首。當時多人傳誦。詩曰。長鉸歸來日。貂裘欲敝時。吾親憐久客。扶杖喜相持。欸欸談征路。依依問故知。自朝還至暮。盡至慰離思。又曰。吾母倚閭久。風塵望早歸。驚看遊子面。爲浣去時衣。巖笋經冬出。慈烏向晚飛。白華堪養志。不必羨甘肥。後登康熙癸丑榜眼。官至工部尚書。

減壽醫親

詩曰

母疾延醫久
不痊
血書一紙達
蒼天
十年減壽僧
親算
內閣充問令
嗣賢



蘭石減壽醫親

徐蘭石先生。本江南名士。性純孝。中年孺慕不衰。適值母病。醫藥無靈。垂涕無計。惟願減己壽十年。以延親壽。乃刺手血寫疏。焚於灶神之前。求其上達。母病竟忽痊。確越十年而後母死。再過三年。先生亦逝。世人方痛孝子之不永年也。厥後其子廷。中嘉慶年甲子科舉人。連捷進士。殿試中榜眼。官至內閣學士。乃知孝子之不永年者。天所以成其志。而其至性所感。不旋踵而福祿隨之矣。

孝子殺賊

詩曰

戴天不共賊難饒
手刃兇仇恨未消
幸遇聖神呵護力
賜兒顯貴仕登朝




孝子殺賊

馬天駟。儒士也。值世亂。與父出奔。遇賊於途。執其父欲殺。駟以身蔽之。泣訴曰。此我老父也。願無加害。寧殺我。賊不恤。竟殺其父。駟起。奮奪賊刀。連斬數賊。賊衆至。駟亦死。其妻余氏。遁於爛柯山。時孕數月。迨將分娩。前一夕。夢關帝告曰。爾夫孝義。爲父而死。不可令無後。當與汝貴子。次日果生一男。時賊衆猖獗。到處刦殺。有欲過爛柯山者。忽見關帝騎馬提刀。立於雲際。賊懼而退。一方賴以無虞。孝道通於神明。竟如是哉。後子顯貴。官至提督。

力舉七喪

詩曰

貧婦居然舉
七喪
織纖十指積
倉箱
朝廷賜俸兼
存問
節孝名流萬
古芳



力舉七喪

楊三安。妻李氏。高陵人。翁姑相繼而亡。三安又死。李氏撫孤。日夜耕織。三年內。塋翁姑及夫兄弟共七人。遠近嗟歎。爲之下淚。太宗聞而異之。賜帛三百段。遣州縣存問。歲給薪俸。免其徭役。

夢覺尋父

詩曰

隻身奔走九重天
血肉消磨瘦骨仙
何幸有緣終遇父
人生祇恐不心堅



夢覺尋父

明、王原。文安人。父珣。爲族事牽累逃去。原稍長。問父所在。母告以故。原號泣辭母尋父。遍歷山東南北不遇。辛苦備嘗。脚疼神疲。毫無退志。自此思父益切。每寤寐間。卽夢見父。一夕至輝縣。見帶山有寺。名曰夢覺。原心動。是夜天雨雪。臥於門外。及曉。一僧啓門出。駭曰。汝何人。雪夜在此臥乎。原曰。我是文安人。尋父至此。時珣方執爨厨下。僧往厨謂珣曰。現有汝同鄉少年。來尋父者。珣出見。不相識。各言姓名始知。父子抱持大哭。卽日同歸。共樂天倫。後原子孫蕃衍。多仕宦者。

盡孝莫辭勞轉眼便為人父母

施恩勿望報回頭但看爾兒孫

(禍)

(以)

(臨)

(下)

(圖)

(不)

(說)

(孝)

逆子變驢

詩曰

侮父應從畜道輪
恃才狂傲若無人
變驢去目蒙皮出
冥罰森嚴律必遵



逆子變驢

正德時、平陽周振。恃才狂傲。每爲家中細事。侮罵其父。父懦弱。常忍之。一日振無故毆子。父勸之。振大怒曰。我責子也。非汝所生。父無奈忍之。是夜振夢攝至冥司。罰其變驢。振辯無罪。王曰。汝常侮父。忤逆不孝。應墮畜道。且眼界自大。旁若無人。更去兩目。使推磨受鞭。振語塞。蒙驢皮出。醒後。自言作驢而死。

孝者逆存者亡

詩曰

孝逆同居避
水災
母兄不顧載
妻孩
兄先救母家
有活
弟遇沉舟溺
水隈

礪石寫



孝者存逆者亡

清、楊璞。與弟奉母同居。各有妻子。弟富而性薄。璞貧而性孝。一日洪水將至。弟則不顧母兄。先以船載妻子往北山去。璞無奈。急負母登山。未幾四面洪水滔滔。淹沒民居不少。璞正痛妻子之不及顧也。忽見有婦人抱子。乘木漂流而下。近山前。救之。則妻子也。翌日水退。查弟與妻子。船至北山下。爲大樹崩壓。俱死於水中。

逆子食魚化骨

詩曰

捕魚為業孽原深
入贅忘家厭母臨
妻送母回身命活
食魚化骨子歸陰



逆子食魚化骨

長溪陳元。贅於岳家。以漁爲業。一日父至。而元不悅。母曉其意。卽欲辭歸。媳留乃止。次日元捕得大魚。恐母食。着其妻送母返家。卽將大魚烹食。食後。骨肉皆化而死。

兄弟棄親不養

詩曰

只將產業弟兄分
不管雙親作乞人
面獸心生獸子
天雷擊魄虎分身




兄弟棄親不養

杭州。陳子岳。生二子。長桐岡。次鳳岡。以父母俱老。不能傭作。徒然坐食。兄謂弟曰。不如分家爲高。鳳岡曰。余早有是想矣。於是兄弟。分開產業。各自開爨。而父母饑寒不管矣。鄰人共抱不平。勸之弗恤。其父母只得行乞度日。次年桐岡生一子。無耳無鼻。醜不可狀。鳳岡亦生一子。口缺背曲。遍身是毛。與猿無異。兄弟尚不知悔。猶怨天恨地。謂我兄弟兩人。未造惡事。何若是耶。言未畢。早天雷鳴。先將桐岡擊死。越數日。鳳岡入林砍柴。兩被虎分屍。白骨遍地。遠近喧傳。咸謂不養父母之報。

久停父棺

詩曰

久停親柩罪通天
妄想功名禱祀虔
神怒責言疑夢幻
中風暴死理當然




久停父棺

大觀羅鞏。久停父棺不塋。出遊太學。以冀功名。所求不遂。屢禱於神。一夕夢神怒曰。汝獲罪於天。尚問功名乎。羅訴無罪。神曰。汝久停父棺。安得無罪。鞏曰。某尚有兄。何獨罪我。神曰。汝讀書明理。汝兄碌碌且貧。不足深責。然亦有罪也。既醒。疑信相參。猶多妄想。未幾得中風症。遂成痼疾。潦倒終身。

厚妻薄子父母

詩曰

厚待妻孥薄
所生
本根先壞葉
難榮
眼前不肖銷
依樣
困餓終身現
報呈



厚妻子薄母父

倫芬。恩平縣人。初喪父。其母守節以養。及長。在佛山爲小生理。娶妻生子。買宅而居。求財若渴。惟恐妻子之饑寒也。而母在家。勤苦自食。有友諫曰。君愛妻兒。可謂至矣。而令母在家。未知安否如何耳。芬曰。吾母老而尚健。家有薄田二畝。可以自耕。老人衣食無多。無容我照顧也。友退歎曰。父母本根。子是枝葉。今不顧親而顧子。如樹根已壞。尚望開花結果乎。後芬所生二子。皆不肖。妻亦早死。芬年老。竟以困餓終。正所謂忤逆還生忤逆兒。斯言信也。

不孝父母翁姑

詩

曰

氣稟乖張傲
情成
翁姑父母兩
忘情
忽遭風雨厨
墻壓
不孝魂飛魄
亦驚



不孝父母翁姑

新會逆某女。性驕傲懶惰。及好食。常不得父母歡心。及長。適趙門。亦只知有丈夫一人。其餘上下尊卑。無一敬愛。丈夫與兄。出外經營。每年各返家一二次而已。一日家姑有病。大姆殷勤侍奉湯藥。女則托詞有事歸寧。置之不理。父母知其事責之。女不服。懷恨在心。自此返家後。久不歸寧。父親病重。使人喚之不來。越日風雨大作。女在廚房弄飯。厨牆不堅。爲風吹倒。逆女卽被壓死。人謂其不孝父母翁姑之報。

雷轟逆子

詩曰


罵母遭
雷報應神
大缸難
蓋雷纏身
一聲霹
靂分尸首
罪惡昭
彰警世人



雷轟逆子

常熟縣。逆子區某。平日性情暴戾。每罵其母。母含淚忍之。一日在田蒔秧歸。飯未熟。又罵其母。忽雷聲大震。電繞其身。逆子自知有罪。駭甚。急呼妻取大缸遮蓋。妻曰。我常勸汝少罵。到底是生身的大人。到而今。恐遮蓋不來。言未畢。火光一閃。霹靂一聲。逆子身首異處。首懸母胸。身拋戶外。觀者數百人。各吐舌驚異。共相傳戒。無有敢罵父母者。此康熙元年。五月廿三日事也。今之爲子女者。亦可以知警矣。

棄母赴任詩曰
 逆子無良棄母親
 雷州赴任教彝倫
 豈知遭劫屍投水
 天道難容不孝人



棄母赴任

雷州知府某。滿洲人。携妻赴任。而置瞽母於京師。託言費用不敷。俟到任後乃迎養。且言所租京宅。已給租一年。又得錢庄月給費用。母無奈姑從之。乃出京一月。而房主即索租錢。錢庄亦無給費之事。母饑寒交迫。晝夜哭泣。謂此逆子不死。尚有天理乎。其啓行之際。囊篋豐裕。舟子利之。一日過高郵湖。值地方醮會。各隨員登岸遊行。舟子乘某夫妻睡熟。並刺死棄其屍。揚舟而去。

逆子現報

詩曰

老人治爨已
難堪
辱罵頻催味
怎諳
撥麵敢將傷
母足
桐油涼脚死
心甘



逆子傷母現報

聞友說。有逆子。忘其姓名及里居。逆子之寡母年老。仍使之治厨。勞苦不堪。一日友至。使母煮麵食。因柴濕久未得熟。逆子頻頻催討。且詈罵焉。母極怕事。僅熟即捧出。因爲忙速。忘記放鹽。逆子大怒。將麵撥母。泡傷母脚。母氏大哭。鄰里亦爲之不平。未幾。逆子因煮桐油。不慎泡傷其脚。日久皮破肉爛。屢醫罔效。竟至痛死。天道報應之湊巧。且有如此快捷焉。

神誅逆子

詩曰

持刀追
母動神威
泥像能
將白刀揮
斬却逆
倫當戶立
聲靈赫
濯血橫飛



神誅逆子

有逆子某。待母如婢。每早擁妻酣睡。使母担水治飯。稍不如意。怒罵加之。生一子。甫數月。母抱入厨。忽躍墮釜。爲湯所傷。不可救。母懼逃走。逆子大怒。持刀追殺。離家里許。有關帝廟。母急入廟。躲於案下。逆子跟尾追到。忽然周倉塑像。從座上跳下。攔門將逆子斬倒。周爺斬死逆子之後。仍立於門口。一足騎在門限外。遠近來觀者數百人。

逆婦現報

詩曰

漫思取火扇
蚊多
逆婦欺姑反
作歌
不得坐眠成
現報
一樽消恨見
閻羅



逆婦現報

番禺何某。遠出經商。囑妻孝順事姑。不料其妻不孝。時時欺侮老人。有夜蚊虫甚多。其姑叫曰。嫂嫂。點火俾我扇蚊。媳詐睡不應。再呼數聲。始應之曰。汝可持一火來。聽我照着火柴。然後點火來汝。又自作一歌。時時唱之曰。『惡姑鳥。尾彎彎。我爲媳婦甚艱難。早起九點都嫌晏。一洗面完催煮飯。不洗瓜果既受罵。洗淨燒鵝又罵一番。唉。偷自嘆。待我丈夫返。然後擺佈汝。要汝坐不得。眠不得。睇汝還有何法與我爲難』。未幾其夫自上海歸。凡奉母之物。無所不備。其母平日好飲佛蘭地酒。其夫擇取一樽。開枳放在桌上。其妻一手奪去。話我受制已久。今須聽我先飲。以消宿恨。遂將此酒飲盡。不料受納不起。竟得重病。所謂坐不得。眠不得。乃以自身受之。數日而死。天乎。何報應之巧也。

夫妻
忤逆
現報

詩曰

視親如婢昧天良
終歲司厨老更忙
現報須知原不爽
山崩石壓並遭殃



夫妻忤逆現報

青田居民。倪九。自幼母子無異心。自娶妻後。感于婦言。謂其生母。原爲婢妾。由是不敬其母。終歲置母於庖厨下。一如老婢。自己與妻。安享自如。時新穀方熟。令母烹鷄治飯。忽暴風疾雨。山上大石崩墜。正壓倪九寢室。夫妻皆被壓死。母因在厨房治飯。故無恙。人莫不驚異。謂爲夫婦忤逆不孝之報云。

事事培元氣其人必壽

念念存本心其後必昌

(以)(下)(不)(孝)(悔)(過)

(仍)(獲)(福)(報)(圖)(說)

改悔孝親晚年得子

詩曰

老親不孝嗣胡求
得子艱難事有由
生佛在堂宜敬奉
三年供養子雙收



改悔孝親晚年得子

浙江仁縣。秀才區思治。年四十無子。爲求嗣計。或求神。或補身。無所不至。一日有遊僧至。訪。自言能知前後事。思治因問平生得子之艱。僧曰。此前生之過。宜放生禮懺。以消夙孽。思治喜諾。引至家具齋歛待。僧見其母。形體瘦弱。面有愁色。大驚曰。生佛在堂。棄而不奉。是捨本而圖末也。雖憐何爲。君能以母作佛事之。三年必有應驗。思治由是愛母如孺子。厚待順承。妻亦感化。誠敬事姑。數年連生二子。人謂此僧。乃菩薩化身云。

改悔孝親子變善良

詩曰

星術無差已獨差
武夷訪道路非遐
一經點醒敦誠孝
二子純良克保家



改悔孝親子變善良

乾隆間。蒲田有星馮士賡者。相命極驗。名重一時。積財數千。自算應生兩好子。有一貴焉。年近五旬。二子皆不肖。日事賭蕩。貲財暗破。賡亦無可如何。因思星術無差。何以自己不驗。聞武夷山。有一目道人。前知禍福。因往叩問。道人曰。命之不靈。心術之變也。爲人莫重於孝。汝得罪天條久矣。賡自言無忤逆事。道人曰。汝妻妾不賢。汝縱之也。汝生平鮮衣美食。鍾情妻妾。而於父母之奉。意甚寥寥。身非妻妾所生。何不思木本水源乎。賡愧答曰。然則如何。道人曰。汝能以愛妻子之心事親。可以息鬼神之怒。賡拜謝。時止存一父。誓敦孝義。事父盡誠。後二子改品純良。恪遵庭訓。以保其家。

改悔孝親丁財兩得

詩

曰

誤聽妻言別屋居
雙親乏食乞人餘
兒亡妻死翻心悟
孝獲丁財行改初



改悔孝親丁財兩得

廣西周華。性愚鈍。種植爲生。妻韋氏。生一子兩女。韋氏陰毒。刻薄翁姑。唆夫別屋以居。致兩老乏食。行乞度日。年餘。子女相繼夭亡。未幾韋氏生背疽。臥床半載。遍身臭爛而死。人謂其不孝翁姑之報。多有戒其夫者。周知罪。怨同受天譴。卽孝養雙親。言無不從。繼娶覃氏。知前妻忤逆惡報之慘。亦卽發奮助夫行孝。生一子兩女。均得長育。後種植發達。稱小康焉。

改悔孝親功名順遂

詩曰

過人才學仰儒生
四十餘年未有成
謹奉仙凡行孝義
移時如願取功名



改悔孝親功名順遂

杭州王君沃。儒士也。薄父母而厚妻子。年四十。功名不遂。自問才學過人。何以屢困場屋。一籌莫展。知鄰村有扶鸞者。往問前程。仙批曰。人生天地間。孝字豈等閒。祇知妻兒好。高堂衣食單。莫問功名事。壽元指日殘。若能知改悔。竭力挽循環。王見詩大驚。汗流滿額。自知罪過。叩頭不已。願自改悔。由是竭力事親。並飭妻子同行孝義。及撰勸孝歌文。以警世焉。如是兩年王卽入泮。連捷中舉。

不慈悔悟得子

詩曰

前有王祥後
有延得魚奉母各
欣然盡心竭力終
成事好願而償自
有天



不慈悔悟得子

晉、王延。九歲喪母。每至忌辰。則悲啼終日。父出外營謀。少在家。繼母卜氏。待延無道。稍不如意。卽鞭罵隨之。延孝順。無怨言。灶君奏天。罰卜氏無子女。爲虐待孝子之報。值盛冬。卜氏病後。思食海鮮。延求之不得。乃叩冰面哭。忽有二尺長大魚。躍出水上。延抱之而歸。母食之。積日不盡。於是心悟。愛延如己出。自此家門和霽。卜氏亦生子焉。

黑旗示警

詩曰

不孝翁
姑每被雷
黑旗肩
上現粧臺
悔心乍
轉求姑禱
卒享遐
齡免受災



黑旗示警

徽商程某。住西鄉。娶城紳莊姓女爲媳。方過門。卽輕視翁姑。且常評論翁姑是非。其不孝順可知矣。一日在窻前梳洗。忽鏡中照見自己肩上。插一小黑旗。大駭。適有鄰媼到探。見莊女驚惶失色。問之。女以實告。媼曰。此不祥之兆。嘗聞人言。某鄉前者有一婦人。肩上有旗。未幾卽被雷誅。後聞此婦。係不孝翁姑所致。但汝回歸未久。斷無忤逆翁姑之罪。何亦有此黑旗發現乎。女聞言更驚。自知有罪。卽以告姑。求姑代禱。神明。愿自痛改前非。姑亦喜媳自新。設案炷香。同媳當天跪求。莊女從此孝順翁姑。不敢稍有怠慢。由是黑旗不見。相安無事。此同治十二年事也。嗟乎。天下固有逆子忤媳。而不知懼者。非黑旗未插特未見之耳。何不惕然悔悟。如莊女之改過贖罪。不亦善乎。

改悔行孝其子乃育

詩曰

辱罵慈親遠寄書
宣無家法著鄉閭
祠紳援例懲三十
打醒精神怠習除



改悔行孝其子乃育

順天逆子彭德。嘗呼老母曰皺皮猪慳。妹曰燒火冤家。妻曰月中丹桂。子曰掌上明珠。其平日之忤逆可想矣。因其不孝。屢生子女不育。後又生一子。愛惜逾恒。故稱爲掌上明珠。德遠出經營。一日付信與其妻。帶信者誤交其母。母拆書浼家塾先生閱讀。其詞曰。皺皮猪慳死未死。燒火冤家離未離。月中丹桂常時記。掌上明珠乖不乖。其母聽罷大怒。哭曰。此忤逆子。氣殺我也。遂於每句改易二字。囑先生回信其子。其詞曰。皺皮猪慳未曾死。燒火冤家未曾離。月中丹桂常時病。掌上明珠漚草皮。彭德接信。卽日呼泣而歸。至家。見妻及子無恙。大怒。罵其母曰。汝欲媳病孫死。方快心乎。母亦怒曰。爾逆子。辱罵老母作平常。豈真無家法耶。遂將其前日寄歸之信。呈與父兄紳耆看。均抱不平。捉其子到祠堂。重責三十大板。以儆不孝。由是改過孝順老母。其子乃育。

改悔行孝生意茂盛

詩曰

屠人有肉各供親
斷指如言觸鬼神
微發良心存孝道
更從改業獲多珍




改悔行孝生意茂盛

屠戶吳某。實應人。性最吝嗇。有母年七十。思食豬肉。使人問子取肉。某欲不與。來人固請之。則將些少與之。過兩日。又使人到取。某怒曰。取之又取。吾今日誓斬指不與也。言畢。不知如何誤刀。忽斷其指。痛極仆地。來人卽覓藥與之敷指。告曰。此乃鬼神儆汝不孝。不然。何卽刻見事乎。某亦知理屈。良心發現。以後不敢不與焉。後母命其改業油糖。免爲屠戶。致殺生命。由是生意茂盛。藉獲多珍。

大逆改悔幸免雷誅

詩曰

棄母山林老病時
懸車需用子箴規
翻然悔悟迎歸養
夢警雷誅父杖笞




大逆改悔幸免雷誅

原穀。父母去世。尚存庶母。年老多病。穀厭之。命人造車。載庶母棄於山林。既棄之。後其子用布裹車。懸於屋樑。穀見之曰。留此凶具何用。可棄之。其子曰。不可棄。俟父親年老時需用。免再置也。穀驚覺悔悟曰。誠如是乎。吾滋懼矣。卽迎庶母歸家。而善事之。是夜夢父來責之曰。今日之事。汝何喪心至此。幸孫兒孝心。懸車以警覺汝。否則必受雷誅。永墮地獄矣。說罷。以杖擊其首。悻悻而去。穀醒頭痛。兩月方愈。

改悔從善有子克家

詩曰

奸商斗秤討便宜
貨悖應生不肖兒
幸聽慈親賢媳諫
克家從善子潛移



改悔從善有子克家

信州周才美。開一米店。專用大秤小斗。出入便宜之法。母不悅。戒之不聽。數年積數千金矣。生子不肖。娶媳馬氏。頗賢淑。姑喜之。使媳勸翁。初次未聽。一日媳婉容再勸諫曰。嘗聞天道好還。貨悖而入。必悖而出。恐他日子孫敗家。散失不止此數。夫君現已如此。能無憂乎。不如早日回心。無貽後累。以安太婆之心爲好。翁是時見子確是不肖。日事遊蕩。化費不少。又見賢媳及母。時時苦勸。有些愧悔。乃曰。似此當何如。媳曰。大秤曾用幾年。翁曰。約十年矣。媳曰。可將以前用入者用出。亦用十年。以酢昔日過取之數。或捐款以行善事則快也。翁從之。由是子變良善。以保其家。

做個好人身潤心安魂夢穩

行些善事天歡地喜鬼神欽

孝淫果報錄下卷目錄

文昌帝君戒淫文

戒淫聖訓

戒之在色賦

南極仙翁戒淫四言詩

先賢白話戒淫歌

譚恆甫白話戒淫歌

先哲遏淫說

鍾離祖師戒淫歌

呂祖師慧劍歌

蓮池大師色淫一筆勾

朝欄子樂道戒淫嘆詞

戒淫十則

避嫌疑說

念報應說

蘇東坡題江上女屍詩

戒看淫書春宮詩

戒作淫詞艷曲詩

普通戒淫詩

明趙解元勸貞詩

拒淫福報圖說目錄

醫生拒淫裕後

醫生拒淫天賜官錢

還妾代債添丁及第

避色得貴

拒淫得貴

遠色昌後

戒淫天賜狀元

遠色福蔭子孫

拒淫天賜科甲

拒淫隱惡狀元及第

拒淫功名壽考

拒淫奔父子顯貴

避色狀元及第

無淫念廢卷得中

益人正益己

節婦斷髮制強

節婦成仙

犯淫禍臨圖說目錄

縱淫破家絕嗣

淫尼立受慘死

通姦毒夫受刑誅

犯淫剝祿減年

姦妻謀夫受雷誅

騙財色即受雷誅

謀友夫妻被虎噬

架禍謀娶受天譴

逼孀現報

先姦得棄受刑誅

犯淫下第

強姦美女受兵戮

謀婚害命極刑而死

騙財色受慘報

因姦致命折祿減年

納婢作妾屈死折福

屢犯淫行福壽折盡而死

性淫壽夭

談人閨閻潦倒終身

造謠語受割舌報

造淫書目盲而死

造淫詞吐血死子孫不昌

改過戒淫仍獲福報圖說目錄

改過戒淫除病得子

改過戒淫勸善得子

改過向善得回解元

改過向善得回原官

改過戒淫勸善得舉

勸戒著作淫詩淫畫良言

孝淫果報錄跋

讀孝淫果報錄書後

先賢勸世格言聯璧

簡便經驗良方

功忠賞饋予孫蕃昌

功相祿饋予孫蕃昌

孝淫果報錄下卷

廣東 新會趙昌善棟垣氏選輯
南海鄭善光樂三氏校正

文昌帝君戒淫文

蓋聞孽海茫茫。首惡無非色慾。塵寰擾擾。易犯惟有邪淫。拔山蓋世之雄。坐此亡身辱國。繡口錦心之士。因茲敗德隳名。始爲一念之差。遂至畢生莫贖。何乃淫風日熾。天理淪亡。以當悲當恨之行。反爲得計。而衆賤衆惡之事。恬不知羞。刊淫詞。談麗色。目注道左嬌姿。腸斷簾中窈窕。或貞節。或淑德。可敬可嘉。乃計誘而使無完行。若婢子。若僕妻。宜憐宜憫。竟勢逼而致玷終身。既令親族含羞。尤使子孫蒙垢。嗟嗟。總由心昏意濁。賢遠佞親。豈知天地難容。神人共怒。或妻女耐償。或子孫受報。絕嗣之墳墓。無非好色狂徒。妓女之祖宗。盡是貪

花浪子。當富則玉樓削藉。當貴則金榜除名。笞杖徒流大辟。生遭五等之刑。地獄餓鬼畜生。歿受三途之苦。從前恩愛。至此皆空。昔日風流。而今安在。與其後悔以無從。何不早思而勿犯。謹勸青年志士。黃卷名流。開覺悟之心。破色魔之障。芙蓉白面。不過帶肉骷髏。美艷紅妝。乃是殺人利刃。縱對如玉如花之貌。常存若姊若妹之心。未犯者宜防失足。曾犯者務早回頭。更望展轉流通。疊相化導。必使在在齊歸覺路。人人共出迷津。則首惡可除。百邪自息。靈臺無滯。世澤垂榮矣。

戒淫聖訓

文帝垂訓曰。吾奉金闕至尊之命。於每月寅卯日。按行鄴都地獄。考定天上有罪人民事實。見夫黑籍如山。皆是世人一生孽案。其間作惡多端。惟淫惡之報。天律最嚴。姦人妻女。玷人閨門。在地獄中。受苦五

百刳。方得脫生。爲騾爲馬。又五百刳。乃復人身。爲娼爲優。』設謀造計。姦宿寡婦尼僧。敗人操履。在地獄中。受苦八百刳。方得脫生。爲羊爲豕。供人宰殺。又八百刳。乃復人身。爲瞽爲啞。』以卑亂尊。以長亂幼。敗壞綱常。在地獄中。受苦一千五百刳。方得脫生。爲蛇爲鼠。又一千五百刳。方得人身。或在母胎中死。或在孩抱中亡。畢竟不享天年。』更有造作淫書。壞人心術。死入無間地獄。直至其書滅盡。因其書而作惡者。罪戾皆空。方得脫生。』淫書之爲害。不可勝數。常有名閨淑媛。識字文。綠牕畫靜。或青燈夜闌。展卷視之。魂搖魄蕩。不禁慾火之焚。遽成奔竊之行。致節婦失節。貞女喪貞。』更有聰明子弟。秀而有文。一見此書。遂起淫想。或手淫而不制。或目挑而苟從。小則斷喪元陽。少年夭折。大則瀆亂倫紀。不齒士林。』苦夫巧作傳奇。當場演

出。教習嬖童。備示淫態。亂人清操。不可勝數。『職其根由。皆淫書所致。奈何士子以夙世之慧根。握七寸之斑管。不思有功於世。積福於身。徒造無窮之孽。干上帝之怒。自蹈於冰淵火坑而不恤。深可悲也。』

戒之在色賦

以題爲韻

商拜亭

蕩蕩情天。昏昏慾界。智慧都迷。癡呆難賣。亦念夫夫婦婦。正家道以無乖。庶幾子子孫孫。肅閨門而勿壞。如何鑽穴。絕無煩蛺蝶之媒。竟至踰牆。償不了鴛鴦之債。萬惡以淫爲首。曾榜森嚴。百殃悉降於身。非徒天瘡。削地桂籍。生前則窮巷空悲。斬爾椒聊。後死之荒瑩孰拜。個個中庸記得。九經忘遠色之經。人人論語讀完。三戒忽少時之戒。『血氣多緣未定。智愚那得不移。和者也。財先可餌。強乎哉。力莫能支。刑於寡妻。破節而故夫暗泣。樓其處子。含羞而新婦群疑。以傭姬爲易

姦。麀而忽聚。以乳娘爲可犯。蠱豈堪醫。美婢調來。獅吼之威教徧受。頑童比及。龍陽之醜更難知。帶肉骷髏。偏喜狎顛狂之妓。低眉菩薩。亦怒清淨之尼。傳曰。男有室。女有家。無相瀆也。禮云。內外亂。獸禽行。則必滅之。』則有舌上燦花。毫端錯彩。誘人顛墜於邪山。罰爾沉淪於苦海。自詡文人才子。風流之趣語頻翻。遂令怨女曠夫。月下之佳期且待。好談中葦。一言傷天地之和。妄著淫書。萬劫受泥犁之罪。演出橫陳之劇。聲音笑貌。誰則弗思。描來秘戲之圖。袒裼裸程。焉能不洩。酣歌艷曲。魂已蕩而魄已消。偽進仙方。陽可補而陰可採。是皆導入三途。能不孽添百倍。放鄭聲而有訓。此語應聞。思魯頌以無邪。其言猶在。』何勿誨淫。轉而好德。無思乃保無爲。有物未來有則。想到懸崖撒手。慾火難紅。急從彼岸回頭。狂瀾勿黑。過而能改。福尚可以

自求。善也能遷。禍定消於不測。綠衣引去。洪學士之上壽還登。黃榜標來。項秀才之高魁旋得。出乎爾。反乎爾。報應分明。不可追。猶可違。挽回頃刻。罪不加懺悔之人。夢已入清涼之國。非禮勿動。衾影中浩浩其天。反身而誠。倫紀中賢賢易色。』樂爾妻孥。畢其嫁娶。天桃各咏于歸。少艾馬客外慕。鸞幃夢暢。提顧而人面模糊。鳳管詞新。拔舌而鬼形怒怖。戒得心中如鐵。法網巨羅。色原頭上從刀。殺機已露。生貪有限之歡。殃受無窮之苦。能忍堅忍很忍。便致神欽。視淫意淫語淫。都防天察。奔還要拒。風清月白之吟。烈更須揚。露峽雪江之句。自己閨房之樂。亦莫常耽。他人床第之言。胡堪輕訴。青樓薄倖。休誇縱慾十年。白璧無瑕。祇在閒情一賦。』

(批)商子拜亭。越中名士也。一夕夢文昌帝君謂之曰。子有賦才。曷不作戒色賦一篇。爲我喚醒世人。醒而爲之。下筆似有神助。字字窮形盡相。言言悚目驚心。願天下文人才士。低徊往復之。

南極仙翁戒淫四言詩

天下萬惡	其首曰淫	淫人妻女	怨毒最深	彼夫與父	誰肯甘心
爾有妻室	如鼓瑟琴	天地正義	曰陽曰陰	一亂秩序	報應相尋
人報易測	天報難堪	近報自己	家有醜音	遠報兒孫	娼女盜男
爾亂人室	人偷爾衾	如影隨形	如線引針	勿謂暗室	上帝照臨
陽間漏網	陰律嚴森	或降惡病	牀褥呻吟	疳疔癰疽	瘋癲啞瘖
或絕後嗣	屋宇陰沉	鬼餒難堪	血食終斬	或下地獄	春碓火燭
刀山劍樹	肉糜血淋	或入畜道	走獸飛禽	生供刀俎	死落釜鬻
凡茲罪孽	自作自甘	追原禍始	或起笑談	一時情動	慾火難禁
或由悅色	餌以重金	三姑六婆	密誘細斟	惟彼婦女	世情未諳
誰無情慾	見利思貪	一入陷阱	飲醢亦酣	公然桑濮	遺珥投簪

及家人知 畏罪生慙 投繯赴海 冤氣內含 爾縱淫慾 彼死難堪
既乖人道 難昧三光 報應之速 爾試細參 一旦猛醒 額汗涔涔
雖悔無及 枉作僉壬 嗟爾男子 當守是箴 獨行畏影 獨寢愧衾
嗟爾女子 毋與士耽 詞色莊重 勿爲驕慙 人能如此 鬼怕神欽
子孫逢吉 福祿如林 如其怙惡 未受災侵

先賢白話戒淫五字歌

姓名失傳

從來壞風俗 淫字爲最毒 名曰萬惡原 自應防失足 無奈貪花流
心昏兼氣濁 祇顧己風流 不顧人羞辱 處女被渠污 臨嫁遭夫逐
若然淫少婦 累人頭戴綠 更憐寡婦流 守節如松竹 百計巧牢籠
慘被他魚肉 誰知鬼門關 其夫心不服 告準閻羅王 鬼差就到屋
削去佢前程 重要入地獄 何況清淨門 僧尼敢污漬 齋碓被打穿

佛眼都亂轉

這段歡喜緣

折墮更甚速

可恨那狂且

且音宜輕桃貪淫之人曰狂且

不計禍與福

色胆大如天

到處肆淫慾

無論親與疎

不分主與僕

或恃勢強奸

或移花折木

暗算與明欺

務償其所欲

有等墮私胎

死在娘胸腹

有等產私胎

死在娘床褥

冤哉那嬰兒

無辜受慘酷

風流債未完

冤孽債又續

天眼本昭昭

恨煞此淫畜

法律萬難逃

報應如轉軸

佢佔人便宜

人污佢骨肉

災禍一齊來

問佢向誰哭

曷若守禮義

愛身如金玉

女界勿自由

男界須整肅

男女界限清

禮不分生熟

俗語熟不拘禮一句切戒

酒乃色之媒

賭更禍所伏

揸攤與抹牌

猜三兼道六

男女勿相嬉

免至入淫局

娼寮不可居

蛋艇不可宿

卽如閨房中

都要知約束

樂極噲生悲

此語當記錄

尤望飽學人

虛懷時若谷

聽我勸一言

慎勿著艷曲

艷曲與淫詞

百世遭流毒

淫畫宜焚燒 淫戲須驅逐 戒淫先戒心 戒心先戒目 誠恐誤前程
百悔罪難贖 我今述俚言 爲君效忠告 從此急回頭 莫待天誅戮

譚恒甫白話戒淫歌

天心惡貪酷	貞淫分糾督	人若墮淫污	天必嚴桎梏	孔聖戒有三
佛祖塵祛六	老子尚清淨	一道樹正鵠	三教理同源	首貴除淫慾
有一戒淫書	名曰不可錄	推論至詳明	不妨一檢讀	檢讀或需時
且聽我一曲	勿嫌鄙俚詞	惟鑒情理篤	昔有一俞生	窮讀隱山屋
日暮有佳人	門前故躑躅	託言慕讀書	願效作高足	俞生驚且憐
夜深安托宿	循循誘善言	佳人深感忭	佳人入睡鄉	俞生懷幽獨
危坐至天明	護送下山麓	節勁似蒼松	心清如綠竹	漠然不動中
不愧服儒服	裕後並光前	賢聲滿邦族	又有一少年	面貌原不俗

八字好安排 前程富衣祿 祇爲濫來遊 習染成污濁 日夕好狎遊
不聽爹娘囑 妄種孽情根 罔自知耻辱 曾欺一少尼 齋砵被傾覆
孽報暫稽時 自應懺悔速 無奈性昏迷 不畏干譴戮 親好進良言
衝冠怒髮轟 因勸反成仇 好人偏不睦 既無懺悔心 反日肆淫毒
罪惡已貫盈 妻亡子不育 衣祿盡消除 疽癰生小腹 鬼厭及神憎
無所施禱祝 孽報無窮期 到頭空痛哭 借鑑此兩人 貞淫須自燭
禍福兩關頭 慎勿輕一蹴 急須守禮儀 受身如金玉 舉止要端莊
儀容要整肅 勿自作多情 寧貽譏踣促 酒乃色之媒 賭更禍所伏
男女勿相嬉 免使入淫局 娼寮戒狎遊 妓艇休微逐 花柳病牽連
妻妾斷生育 逢場作興中 仍須時檢束 樂極會生悲 此言應自勗
尤望飽學人 虛懷時若谷 多編勸世書 勿著淫篇幅 篇幅著淫詞

萬劫不可復 圖畫戲劇家 描演母淫瀆 戒淫先戒心 戒心先戒目
心目若清明 淫魔自退縮 人有悔過心 天自分慝淑 感召之理微
幸勿任剛愎 庶免誤前程 百悔罪難贖 我今速俚言 聊爲效忠告
從此各相安 大家膺幸福

先哲遏淫說

姓名失傳

諸惡業中。惟淫業爲最。蓋淫念一萌。便思邪緣相湊。生幻妄心。設計引誘。生機械心。少有阻碍。心嗔恨心。忌人之有。生妬毒心。奪人之愛。生殺害心。種種善念從此消。種種惡業由此起。此森羅鐵榜。必以淫爲萬惡首也。然而庸夫庸婦。顯蹈明行。罔知顧忌。至學士文人。誦習聖賢。竟爾自號風流。侈談情種。嬌艷無心顧盼。輒視爲有意之凝眸。深閨不無笑言。便揣作多情之勾引。或見其貧。而以財誘。或直不遂

。而以巧謀。繾綣則托於夙緣。邂逅便神爲天合。機關不止千般。流毒直兼數世。不思月下花前。爲樂有限。粉白黛綠。轉眼卽空。而惡因日積。顯則傾家蕩產。平生之名利皆虛。陰則削祿減年。一世之榮華喪盡。大則虧體親辱。鄉閭共忿。小則辱身賤行。流落堪嗟。甚至敗露觸兇。而七尺之軀。頃刻作刀頭之鬼。奈世人之溺於此者。動曰何傷。嗟乎。天下受何傷之毒者。豈少哉。夫殺人者。殺其一身。淫人者。毒其數世。不獨伊夫閨門不肅。終身難以對人。卽上而翁姑。下而子女。莫不恥懸眉睫。痛入心肝。更有夫怒而殺其妻。父怒而戕其女。由是而斬人子息。絕人宗祧者有之。至於孀居苦節。本是一點貞心。鬼服神欽。今乃眉來眼去。多方引誘。致他痴心一動。不復自持。前從苦節。一時喪盡。罪大惡極。莫此爲甚。至若婢女僕婦。尤易行姦。不知此輩。本屬良

民。不過因難投充。以貧自鬻。奈何既役其身。又亂其性耶。或有破殘閨秀。無論醜聲揚播。人所共棄。卽或有等娶去。往往敗露逐還。父母含羞。兄弟負恥。因而氣忿隕命者有之。抑鬱傷身者有之。種種害人不淺。彰彰慘報無窮。生或雷誅炮擊。後嗣不昌。死必苦磨地獄。永墮沉淪。人亦何憾於彼。而必爲此害人害己之事哉。

鍾離祖師戒淫歌

誰家少艾顏如玉	鍾情故意迎人目	多少賢豪善檢束	到此關頭便失足
可憐失足欺幽獨	莫謂罪微猶可贖	豈知天將淫惡錄	載在簿中罰最酷
折汝祖宗遺下福	削汝前生修下祿	損汝悠悠好壽數	斬汝繩繩佳嗣續
罰之不已令變畜	甚至永使墮水族	看此慘報我亦哭	人生何苦迷粉髒
今勸世人聽忠告	美色來前避宜速	他女原非汝花燭	他妻原非汝眷屬

他女勾汝入他屋 汝莫從他暗相逐 他妻誘汝同他宿 汝莫同他私相熟
汝若魂銷無把捉 但恐沉淪墮地獄 汝若慾熾難降伏 但想一犯遭冥戮
想到此間身骸骸 自覺心灰如稿木 心如稿木純無欲 神鬼聞之皆敬服

呂祖師慧劍歌

柳爲營兮花作騎 絕世佳人稱主帥 酒兵日夜苦相爭 又有笙歌增氣慨
殺人妙算是風流 斬將奇謀有恩愛 任他舉鼎拔山雄 但與交鋒無不敗
力戰筵前氣血衰 洞庭疊嶂分神憊 連年累月不解兵 管教性命從茲壞
勸君修德立城池 不縱不淫守關隘 一朝煉得慧劍成 誅盡酒魔與粉黛

蓮池大師色淫一筆鉤

貪甚風流。不是冤家不聚頭。但顧淫人婦。能保妻兒否。休、嬉戲逞風
流。孽隨身後。報應分明。萬惡淫爲首。因此把美色邪淫一筆鉤。

又

夏賞春遊。歌舞場中樂事稠。煙雨迷花柳。酒肉娛親友。休、眼底逞風流。苦歸身後。可惜光陰。轉眼空回首。因此把風月情懷一筆鉤。

朝欄子樂道戒淫嘆詞

嘆無常。嘆無常。一歎無常好淒涼。貪美酒。戀花香。剝喪元陽命不長。美色消枯骨。香膠浸爛腸。花街酒肆客。臨危失主張。閉了眼。難起床。花不迷人酒不嘗。鋼刀刮骨穿腸藥。多少英雄酒色傷。勸賢良。飲瓊漿。本來面目躲無常。

嘆無常。嘆無常。二歎無常好淒涼。愛飄蕩。喜猖狂。逞盡意與命不長。優遊終日醉。玩耍霎時忘。逍遙遊蕩客。臨危失主張。極快樂。生悲傷。風流多是少年亡。打破迷途歸覺路。悟開極樂返仙鄉。勸賢良。急收藏。修行煉性躲無常。

戒淫十則

閨秀豈容玷辱。一生名節攸關。六親體面沒遮欄。結定冤家不散。縱使

臨婚瞞過。隱含羞恥難安。痛纏心骨恨如山。蒙垢千秋莫澣。處女

人孰不思偕老。可憐獨守空房。芳池拆散兩鴛鴦。此後雙飛絕望。死者

別無餘願。祇求爲我增光。智欺勢壓太猖狂。終作冤家孽障。孀婦

有女皆期得所。守貞待字于歸。只因窮困兩相違。骨肉親情割愛。正望

主人厚待。不應欺彼孤零。百年難保舊門楣。祇恐後嗣不美。婢女

僕婦雖然下賤。含羞帶恥心同。入牢無奈強相從。強橫罪惡深重。彼自

分明配偶。我當嚴整家風。從來義僕幹奇功。都是主恩感動。僕婦

他既爲我鞠子。寧忍因子姦他。終年琴瑟遠違和。祇爲家貧難過。况彼

良人在室。望他守節心多。自羞自愧恨如何。勸汝早些看破。乳媪

貧窘甘心忍辱。端賴仁者周全。逞財乘急肆淫姦。作孽終身不淺。窮富由來無定。家資聚散如烟。千金難買子孫賢。只恐後來難免。貧婦

彼既修行出世。豈容覓趣調情。敗他戒行壞他名。不顧佛家清淨。神目赫然如電。淫孽報應不輕。官刑冥罰兩相乘。真是墮身陷阱。尼姑

有種青樓妓女。倚門百媚妖邪。須知君子愛身家。執玉一般恐怕。後自落花無主。我終白壁蒙瑕。破傷財物誤生涯。染毒罹疴禍大。娼妓

娶妾祇因嗣續。何須少艾重重。脂紅粉白鬻髀工。總是一場春夢。每見富翁多寵。糟糠冷落閨中。倫常乖舛逞淫風。性命攸關實重。姬妾

配合原爲正理。豈容顛倒陰陽。污他清白暗羞愴。自己聲名先喪。浪費錢財無算。戕生更自堪傷。請君回首看兒郎。果報昭昭不爽。男色

避嫌疑說

禮別嫌疑。所以防淫也。古人同胞兄妹至八歲。卽異席而食。況其他耶。內言不出於外。外言不入於內。又況其他耶。竊見近世人家。每有致犯淫穢。皆由防閑不密。內外不分。男女混雜。不嫌不疑。以至釀成醜事。敗壞門風。殊可恥也。蓋嫌疑二字。本作以自制。卽所以制人。家庭之間。此爲鎖鑰。夫淫與水似。稍不提防。則流溢矣。故齊家之法。莫善於別嫌疑。知有嫌疑。則規矩肅然。人自不得而犯。無如近今男女。不顧廉恥。不講禮義。傭工僮僕。出入內房。表姊妹兄弟。長成不避。叔嫂姪姪。時刻閒談。姊夫妹夫。常見大姨小姨。諸凡戚族隣里。相與往來。動引入內。且有託爲通家好友。家中女眷。一切相見。又有婦人女子。竟以面見男客爲大方。更人相聚賭錢爲事業。

近以牙牌麻雀盛行全國男女賭不分上下生疎日夜賭不論酒館人家

並肩雜坐。不以爲恥。老者如是。少者卽從而效之。不嫌不疑。成何事體。大抵男與女相見。始則彬彬。漸而熟習。既熟習。必有長談。必有笑語。有笑語。必生機趣。有機趣。便成勾引。此後遂有不可知之事矣。蓋人總因自己癡愚。以爲斷無此事。而誰知竟有此事矣。以爲斷然不妨。而誰知竟有所妨矣。以爲至親至戚。斷不忍焉。而誰知竟忍矣。以爲至好至厚。斷不爲焉。而誰知竟爲矣。以爲至卑至賤。斷不敢焉。而誰知竟敢矣。嗚呼。皆由不嫌不疑。故至於斯也。所以人家規矩當極嚴。門戶當極慎。内外要分別。早晚要留心。忙時病時。婚喪設酒時。家主出門時。生辰節令時。月夕花朝時。皆有弊竇。不可不審。防閑檢點。細察情形。邪人遠之。俊僕去之。使婢大者嫁之。三姑六婆絕之。子弟時訓誨之。務杜其根。而泯其萌。至於婦女遠往寺廟燒香。舟車遊覽。

。觀燈看會。踏月看戲。尤宜切戒。若妻既有子。便不可置姬妾。若家有嫠婦。更宜加意防範。若延師課蒙。及管理記室。慎勿請浮蕩後生。至於家中男婦。各管職業。勤習女工。勿令閒逸。而本原所重。莫先於自修其身。自身既修。則齊家之道。不外是矣。

念報應說

天律於淫最嚴。人禍於淫最慘。小則戕生。大則絕嗣。近則削其福壽。遠則灾其子孫。陽則受國憲之誅。陰則干神明之譴。鑑無或爽。數有難逃。況乎天道好還。淫人妻女。妻女必被人淫。壞人名節。名節必被人壞。理所必至。豈妄言耶。故欲念萌動之初。視如毒矢着身。惡蛇螫手。急須刮骨斷腕。始免裂肝腐腸。凡人皆宜凜凜。蓋天地間。凡類於不德者。皆足以失富貴。而莫捷於淫。凡類於德者。皆足以得富貴。而莫

捷於不淫。人若猝遇邪緣。分明是我造福之大機會。一富一貴。一與一奪。卽在行爲頃刻間。淫不淫之所繫。大矣哉。又曰。姦近殺。洵矣。然言近。尚是緩辭。予以爲姦未有不殺者。其夫知覺。忿怒操刀則殺。同姦嫉妒。利刀相加則殺。因姦至罪。則王法殺之。幸而漏網。則冤鬼殺之。數者免矣。癆瘵沉錮。灾患臨身。則司命又殺之。男子以有爲之身。置之必殺之地。豈不愚哉。達摩祖師曰。屎屎渠。膿血聚。算來有甚風流趣。又曰。淫虫最逆天。嚴懲不寬宥。陽律已難逃。陰譴還須受。

陳新子曰。色起於目。目不視。色從何來。色起於心。心不想。色從何發。高宗憲曰。此身如白玉。一失脚便破。此事如鴆毒。一入口卽死。戒淫法曰。他誘我殺身、破家、損壽、折福。實害我身家性命的禍事。

該把作殺人利刃看。作雪山坑坎看。作虎狼看。作蛇蝎看。作勾魂鬼使看。作生前怨懟看。若作如是等看。猶如將水救火。未有不息者。

蘇東坡題江上女屍詩

江上臭皮囊

當年桃花面

而今不忍看

昔日恨難見

戒看淫書春宮詩

淫書春冊不宜留 敗壞恒心造孽由 誤落妻房兒女手 千般貽害實堪憂

戒作淫詞艷曲詩

艷填詞曲誨人淫 裸體翻教入獸心 罪惡通天無可逭 魂歸萬劫律難堪

普通戒淫詩

淫人妻女笑呵呵 妻人淫人意若何 不欲人淫妻女報 急將淫念立消磨

勸君莫借風流債 借得來時還得快 家中自有代還人 汝若賴時他不賴
生我之門死我戶 幾個惺惺幾個苦 夜來鐵漢自思量 生長不老由吾取
二八佳人體似酥 腰間仗劍斬凡夫 雖然不見人頭落 暗裏催君骨髓枯
世人何可執偏性 酷貪花酒傷生命 一旦臥病悔噬臍 縱有良醫藥不應
酒色財氣催命冊 多少英雄喪魂魄 若能跳出這牢籠 便是九霄雲多客

明趙解元勸貞詩二十六首

我曾失足走危坡 子天身貧妻久疴 一旦猛然真悔悟 妻安子育中高科
才子風流不乏人 暗中折算每沉淪 因吟偶句逢人勸 說法何妨我現身
他人妻女想踰鑽 百計營求圖一歡 汝女汝妻人若誘 斯時君必髮衝冠
雖無其事有其心 情動神馳意不禁 不念邪淫神鬼怒 福消祿減禍駸駸
入人家室見無人 竊聽偷窺四顧頻 心術不端輕薄相 若非短命必奇貧

淫欲機關全在目 淫情顛倒總由心 秋波不轉心如水 情欲何由得間侵
倘遇佳人勾引時 果能鎮定有操持 賤庚轉貴貧旋富 乏嗣翻教育貴兒
看燈看戲看迎神 遊寺遊山遊景春 脂粉花香蜂蝶醉 風流應不動端人
坤儀德行節爲先 不謹閨門名節捐 白璧有瑕磨不淨 香閨遺臭萬斯年
楚館秦樓勢利場 金多金盡見炎涼 殷勤情意皆虛假 況遇瘋娼染惡瘡
每沾花柳最淒涼 妻子相傳盡受殃 漫說宿娼無罪過 這般薄罰已難當
氣合情投兩意濃 設緣設會喜相從 誰知邪合終多變 禍結冤深天不容
有人結好一孤孀 精氣銷磨神暗傷 作事多乖少如意 崢嶸獨子忽云亡
用強用計用財挑 人既無情我不饒 貞者失貞節改節 這般罪過萬難消
世有貞心烈性人 太相逼甚卽捐身 冰魂雪魄逢神訴 人禍天災頃刻臨
楚楚衣冠號丈夫 兩間正氣賴撐扶 一沾邪行成消沮 志喪神迷血髓枯

損名喪品壞心田	嗣絕官非又減年	只爲一時難忍慾	終身慘受苦無邊
債借風流妻女還	本錢還盡利回環	勸君莫借真高着	免致神祇督索難
我淫人婦婦淫人	天理循環報應真	曾見風流浪子弟	妻孥媳婦愛迎新
任君法密善關防	曾借風流債必償	防範愈嚴償愈巧	君方竊玉彼偷香
司命三台日夜巡	森嚴密布伺人身	知君巧計多遮飾	暗室難欺鬼與神
天道從來最禍淫	果能悔罪轉天心	悔須改過還遷善	生死關頭細酌斟
消心寡慾在平時	堅守臨期凜四知	鴆酒豈堪求止渴	光明正大好男兒
禍淫福善自天公	世界三千本色空	當可亂時能守正	姓名直達太虛宮
孰無天理與良心	最忌多情陷溺深	見此良言如誓戒	禎祥立現福星臨
位高金積壽如仙	子貴孫榮孝且賢	只爲清操能固守	終身安享福綿綿

拒淫福報

廣東

新會趙昌善棟垣氏選輯
南海鄭善光樂三氏校正

(以)

(下)

(戒)

(淫)

(圖)

(說)

醫 生 拒 淫 裕 後 詩 曰
 見 色 心 悸 屬
 少 時
 連 呼 不 可 最
 難 持
 座 師 棄 卷 間
 斯 語
 榜 發 登 科 子
 未 知



醫生拒淫

餘杭陳醫。有貧人病危。陳治之痊。亦不責報。後陳因避雨到其家。其姑令婦伴宿。以報恩。婦唯唯。夜深就之曰。君救妾夫。此姑意也。陳見婦少而美。亦動心。隨力制之。自語曰。不可。婦強之。陳連曰不可。坐以待旦。後幾不自持。又大呼曰。不可二字最難。迄明乃去。後陳有子應試。主試棄其文。忽聞呼曰不可。挑燈復閱。再棄之。又聞連呼曰。不可不可。最後決意棄之。又聞大呼曰。不可二字最難。連聲不已。因錄之。榜後召問故。其子亦不解。歸告父。父曰。此我壯年事也。不意天之報我如此。

醫 生 拒 淫 天 賜 官 錢

詩曰

醫術精深著品題
不因急難亂人妻
官錢五萬由天賜
疾愈東宮數合齊



醫生拒淫天官賜錢

何澄。以醫著名。同郡孫某。久病不愈。邀澄治之。其妻密語澄曰。良人久病。典賣殆盡。願以自身酌藥資。澄正色却之曰。娘子胡爲及此。但安心勿憂。當爲療治。慎勿以此汙我。且自汙也。其妻慚感而退。是夕夢一神引至公署。主者曰。汝行醫有功。且不於急難中亂人婦女。今奉上帝勅汝官錢五萬。未幾東官得疾。詔澄診治。服藥一劑而愈。賜官錢悉如夢數。

還妾代債漆丁及第詩曰

買妾歸來妾有夫
明心夜往宿夫廬
還妻完聚兼償債
及第生男現報符



還妾代債添丁及第

德清舉人。蔡啓傳。四十尚無子。夫人私蓄五十金。爲置一妾。妾至。垂泣不已。公問其故。妾曰。吾夫以負營債至此。公大驚曰。原來有夫之婦。囑咐夫人。明早送還。公卽乘夜往其夫家。語之曰。爾何爲此。髮妻豈可賣乎。夫曰。欠營債。刻不容緩。公曰。吾當代還爾債。並還爾婦。身金不必還我也。我今不歸。以明心跡。遂宿其家。明天未幾。則見蔡宅着人送其婦回。夫妻悲喜交集。感公高義。叩頭不已。公歸。明年及第。夫人亦生子焉。後代熾昌。富貴接踵而起。

避色得貴

詩曰

不淫寓婦有
神知
正氣巖巖志
莫移
豈料中途趨
避際
怡逢天榜補
名時



避色得貴

松江曹生。應試。寓中有婦來就。曹驚。趨往他寓借宿避之。行至途中。見燈火喝道而來。入古廟中。擊鼓升堂。曹伏廟前。聞殿上唱新科榜名。至第六。吏稟曰。某近有短行。上削去。應補何人。神曰。松江曹某。不淫窩婦。正氣可嘉。卽以補之。曹且驚且喜。半信半疑。榜後果中第六。

拒淫得貴


詩曰

美妾來奔夜館空
儒生正氣塞蒼

穹

不欺暗

室神嘉許
魁首名標蜀榜中



拒淫得貴

希仲。四川人。館於某富家。富人有一美妾。自負才色。詣館調戲。仲正色拒之。其妻是夕夢神告曰。汝夫獨處他鄉。不欺暗室。當魁多士。以彰美報。次年蜀闈第一。

遠色昌後詩曰

月白風清送
扁舟
幾經老父費
疑猜
豈知詩句明
心志
進士成名仕
路開




遠色昌後

太倉陸公。容儀丰美。天順三年。應試南京。館人有女。夜奔公寢。公給以疾。與期後夜。女退。遂作詩云。風清月白夜窗虛。有女來窺笑讀書。欲把琴心通一語。十年前已薄相如。明晨託故去。是秋中式。先時公文。夢郡守送旗扁鼓吹。扁上題月白風清四字。父以爲月宮之兆。作書遺公。公益悚然。後成進士。仕叅政。

戒淫天賜狀元

詩曰

紙窓補訖拒
淫奔
題句銘心本
至言
異曰大魁天
下仰
當時狀扁早
懸門



戒淫天賜狀元

唐臬。少時讀書燈下。有女調之。將紙窓招破。公補訖。題云。招破紙窓容易補。損人陰陽最難修。後一僧過其門。見狀元扁。左右懸一燈。書所題二語。異而問之。後果大魁天下。

遠色福蔭兒孫
詩曰
托故歸家館
席辭
保人名節鬼
神知
存心忠厚兒
孫蔭
奕世功名報
未遍



遠色福蔭兒孫

姚三韭。本姓卞。博學。善詩文。館於懷氏。有女常窺之。卞岸然不顧。一日晒履於庭。女作書納其中。卞得之。卽託故辭歸。袁怡杏作詩贊之。有一點貞心堅匪石。春風桃李莫相猜之句。卞答書。力辯其無此情。怡杏緘其書而題曰。德至厚矣。子孫必昌。後其子謙。曾孫錫。皆成進士。

拒淫天賜科甲

詩曰

士重廉隅女
節貞
心存正氣合
神明
香山中得無
情鬼
私語聲聞白
玉京



拒淫天賜科甲

黃槐森。香山人。聰明俊秀。家貧。以授徒爲業。咸豐十一年六月。縣內有一學堂。延乩請仙。問秋闈在近。今科中式何人。仙批曰。香山中得無情鬼。此語喧傳遠近。不知所謂。公之館僮聞之。而知公之必登第也。初公設館於某處。鄰有少婦。見公英年玉貌。心悅之。私問僮館。爾師愛食物。答以愛柑。次日買柑。托僮饋送。公以事起無因。辭不受。婦親奉至。公亦却之。婦乃刮去柑皮。裝飾鄭重。僮再三贈獻。公令館僮至其家語少婦曰。女重貞節。士重廉隅。汝與我主無親。何謂頻頻奉獻。汝不是懷藏好意。我主亦非無賴之徒。汝若再來。定必閉門不納矣。少婦羞慙無地。皺眉齡齒曰。無情鬼。無情鬼。其後不復饋柑。感公嚴正。改行從善。是科辛酉。入闈赴考。英氣勃勃。榜後果中舉人。連捷進士。殿試點翰林。然後知無情鬼三字。出於少婦私忿之言。而天地鬼神。共聞其語矣。

古詩云。天上白玉京。十二樓五城。(按)白玉京即玉京京城也。

拒淫隱惡狀元及第

詩曰

杯中有約暗藏金
夜半敲門主母臨
避地全貞終隱惡
狀元貴顯世咸欽



拒淫隱惡狀元及第

無錫。孫繼臯。館於某家。主母遣婢送茶一杯。杯中有金戒指。公佯爲不知。令收去。是夜婢來叩門。細聲告曰。主母到矣。公急以大板頂門不納。明日遂歸。人問其故。孫曰。生徒不受教也。終不露其事。後中狀元。子孫顯貴。

拒淫功名壽考

詩曰

大茅
美婢無端戲
原高
讀書守禮品
顏子
平生四勿師
自豪
名壽雙膺足



拒淫功名壽考

茅鹿門。弱冠游學餘姚。寓錢應揚家。錢有美婢。慕茅丰姿。一夕至書室呼貓。鹿門曰。汝何獨自來呼貓。婢笑曰。我非呼小貓。乃呼大茅耳。鹿門正色曰。父命我遠出讀書。若行非禮。他日何以見父。又有何顏見汝主。况女子未嫁。而失身於人。終身之辱也。婢慚而退。後登嘉靖戊戌科進士。官副使。壽九十。

拒淫
奔父
顯貴

詩曰

夜閉蓬門苦
讀書
鄰家少婦慕
相如
鬼神羅列心
知畏
喬梓高科播
令譽



拒淫奔父子顯貴

信州林茂先。才學過人。已獲鄉薦。家極貧。閉門讀書。有鄰家富婦。厭其夫不學。私慕茂先才名。夜奔之。茂先呵之曰。男女有別。禮法不容。天地鬼神。羅列森嚴。我不敢爲也。婦慚知悔。唯唯而退。茂先次年登第。子亦進士。

避色狀元及第

詩曰

幾度東牆險
欲騎
翻思天鑒不
容欺
狀元將失終
還得
端賴惺惺一
念持



避色狀元及第

嘉靖時。有一書生貌美。東鄰有艷婦愛之。乘夫出。乃於牆隙招生。生言牆阻。婦曰。君讀書。豈不聞踰東家牆乎。生心動。乃置梯而上。忽轉念曰。人可瞞。天不可瞞也。因上梯。婦又於故處勾挑。生爲所惑。復上梯。騎牆欲過矣。再思老天終不可瞞。急下梯。扃門避出。次年登第北上。典試官秉燭夜坐。自思今科狀元。係屬何人。假寐中。忽聞耳畔言曰。狀元乃騎牆人也。放榜後。狀元來謁。詢之。始悉前事。不過當時忍而改念。堅守一時。竟有如此福報。若過牆。則狀元失矣。危乎哉。

無淫念廢卷得中

詩曰

坐懷不亂
等前賢
廢卷成名
報自天
出婦王生
離復聚
更將小妹
續琴絃



無淫念廢卷得中

欖村庠生柳公。因探親遇雨。投宿荒園內。先有一少婦。躲雨其中。公竟夕無異志。拱立筵邊。至曉而去。其婦乃庠生王某妻也。感公德。以語其夫。夫反疑而出之。後公鄉試。其文已置廢卷。頃忽仍在桌上。考官驚異。細閱其文。了無佳意。復廢之。後將薦卷呈堂。而公卷復在內。因想此人必有陰德。即並呈薦。遂中七十一名舉人。而王生適與同房。晉謁時。王亦在坐。師言及公中之由。且詰其故。公念別無他事。因舉荒園避雨事對。王生感。歎歸迎其妻完聚。且以其妹爲柳續絃。

益人正己

詩

曰

洞中避賊
美同栖
戒友淫污
禮以齊
一夜保全
閨節女
後知適是
未婚妻



益人正益己

福建張文啓。偕友周某避賊。入石洞中。先有一美女在焉。見男子至。倉惶欲出。張曰。去必遇賊。我等正人。汝勿憂。問其里姓。含羞不答。至夜。周欲迫污。張力阻之。及旦。張挽周出。意在安其女也。探賊已退。乃邀鄉老入洞。問女之父母。適是張所聘妻黃氏也。急求鄉老送歸。及合卺後。謂妻曰。我當日若不存正念。難禁周不汙汝。孰知一夜堅持。保全汝節。方有今日。自今思之。令我心慙。後生子皆發達顯貴。所謂益人正益己者也。

節婦斷髮制強

詩曰

少年守節苦
居孀
俯育孤兒仰
事孀
斷髮誓天寧
一死
貴人媒賄勢
難強



節婦斷髮制強

常州范氏。年少守寡。遺兒一歲。姑七十。家貧。日夜紡績。養姑撫子。有某舉人失偶。見其美。欲娶之。使媒探問。范氏曰。姑老子幼。何忍分離。况婦道從一而終。未敢失節也。舉人心未息。重賄媒人。慫動其父母。恐嚇其家姑。范氏力窮勢迫。無可如何。惟有哭泣終天。一日媒人又到。言論紛紛。范氏憤火中燒。即將頭髮剪落。對天誓曰。舉人是富室。及有功名人。何愁無人嫁之。若再恃勢強迫。惟有一死而已。媒人見其節烈如此。遂去不復來。未幾舉人暴疾死。范氏後得子貴。享晚福。子孫繩繩。書香不絕。

節婦成仙

詩曰

餓鬼甘留節
婦名詎堪失
節枉偷生
沒寧存順均
無憾節孝登
仙志竟成



節婦成仙

懷南方瑞玉。妻胡氏。貌美。家極貧。生一子。年二十三夫死。多有富人欲娶之。氏曰。我願做節婦餓鬼。流芳百世。不願做失節富婦。遺臭萬年。聞者慚去。時翁姑皆死。太婆尚在。胡氏日中紡織。夜間刺繡。忍饑受寒。以求升斗。自食糟糠。奉養太婆及孤子。必具肉食。嘗謂人曰。我夫身後之憂。惟太婆與孤子耳。敢不盡心孝養。竭力撫孤。以安良人於九泉乎。人多憐之。爭相幫助。家計有賴。左右鄰居。嘗兩次失火。胡宅獨全。人皆謂節孝之報。後子長成業商。發達成富室。氏享高壽。歸世日。有人見仙童玉女。持寶幡接其上天。從來節孝。死而爲仙。信不誣矣。正所謂艱難幾十載。快樂千萬春者此也。世之守節者。祈勉之。

貧富本無常莫把眼前作準

窮通雖有數還從心上推移

犯淫禍報

廣東

新會趙昌善棟垣氏選輯
南海鄭善光樂三氏校正

(禍)

(以)

(報)

(下)

(圖)

(犯)

(說)

(淫)

詩曰

世家假慈妄宣淫
破產飢寒疾病侵
屢受官刑終絕嗣
死無棺槨殮無衾

縱淫
破家
絕嗣



縱淫破家絕嗣

雲間呂某。世家子也。縱情淫慾。其婢女家人。恒多污壞成疾者。後子女死亡殆盡。以官事破家。屬受官刑。中年備極困苦。寒無衣。饑無食。疾病無看視者。死之日。棺衾無措。蛆蟲遍體。見者無不慘然。皆云少年無行之報。

淫尼
立受
慘死

詩曰

幾生修德薦於鄉
為叩宗師謁本房
偶說少尼強迫脅
忽然嚙舌割其陽



淫尼立受慘死

晉江許兆馨。戊午科舉人。往謁本房座師。偶過尼菴。悅一少尼。遂以勢力脅之。竟強汙焉。次日許某忽自割其陽。並嚙舌兩斷而死。

通姦毒夫

受刑誅

詩曰

私奔有

約為通姦

毒殺良

人豈等閒

冤鬼緊

隨駢首戮

終難逃

禍到江山



通姦毒夫受刑誅

滁陽。王政勤。與鄰婦通姦。且有偕奔之約。隣婦因此毒殺其夫。王聞之大駭。卽獨身逃至江山縣。相距有七十餘里。以為禍可脫身矣。因饑入店食飯。店主供具二人食。王問其故。店主人曰。此披髮隨汝來者非人耶。王大驚失色。知冤鬼相隨。但自思殺夫者。其婦也。我不過與婦通姦。我諒不至於死。乃到官門自首。官怒。男女並行誅之。

犯淫
削祿
減年

詩曰

虔誠奉帝印心心
誤誘良家淑女淫
索印已完兼索命
未踰一月遽歸陰



犯淫削祿減年

宿松楊某。邑庠生。奉關帝極其誠敬。嘗夜夢關帝賜以方印。自度必中。後於樓下淫一良家女。場後歸家。復夢關帝向彼索印。楊云。印授我矣。又何索焉。帝曰。不止索印。兼索汝命。某月樓下之事。汝忘記乎。不一月楊卽死。

姦妻謀夫受雷誅

詩曰

歸田武斷勢堪虞
計賺鄰妻截殺夫
同族鳴官雖賄脫
郭門甫出被雷誅



姦妻謀夫受雷誅

常熟有錢外郎者。家居武斷。鄰有趙氏婦。色美而家貧。錢遂借銀與其夫。令販布於臨清。因與婦通。一日知其夫返。遣人詐爲盜。殺於途。族人知之。鳴於官。將伏罪矣。錢又揮金越訴。得而倖免。方出郭門。忽雷雨驟作。兩人俱被擊死。

騙受財色即
雷誅

詩曰

乘機騙色并
資財
新婦羞慚縊
自哀
公案無頭難
訪察
豈知顯報有
天雷



騙財色即受雷誅

玉山邑庠生王某。乘母喪納婦。約以七晝成禮。生寢柩旁。婦宿於房。夜微聞扣門聲。婢以郎至。稟婦放入。遂同寢。五更遁去曰。恐外人知。罪我不孝也。越數日。探得金銀首飾小箱。携之而出。不復來。迨七晝。生置酒成婚。相與告語。婦方知爲人所騙。頓足痛哭。歸告父母。遂自縊死。會葬之日。生引棺至墓。忽雷電交作。攝一人跪棺前。則生堂兄也。手捧首飾箱。被雷擊死。碎其屍。一邑皆驚。此正德九年事也。

謀友妻被虎噬

詩曰

結交相善富和貧
誰料陰謀賺美人
騙婦殺夫遭虎噬
夫妻完聚訴原因



謀友妻被虎噬

荆溪二人結交相善。一富一窮。窮人妻美。富子設謀。謂有富家親戚。可投生計。具舟並載其妻以行。將抵山謂曰。留汝妻守舟。吾與汝先往詢之。引至林中。出腰斧斬死。佯哭下山。謂友婦曰。汝夫死於虎矣。婦大哭。富子又誘婦上山尋屍。引入深處。抱而求淫。婦不從。忽虎出。齧富子而去。婦驚走。以爲夫真落虎口矣。繞路而回。過林中。見一人坐地呻吟。近視之。乃其夫也。各言其故。轉悲爲喜。扶夫落船而歸。

架禍謀要

受天譴

詩曰

商悅嬌嬌動
渴思
百端誘餌繼
官司
神明可格貞
難犯
黑虎叩頭悔
已遲



架禍謀娶受天譴

宜興有染坊。孀婦極美。木商見而悅之。誘餌百端。終不能犯。因而造謀。夜擲木數根於婦家。卽以盜告官。又賄賂上下。極其窘辱。以冀其從。婦家虔祀趙玄壇。乃哭訴之。夜夢神曰。已命黑虎矣。不數日。商入山販木。叢柯中突出黑虎。嚙商頭而去。

逼婦現報

詩曰

迫婦作妾

逞強豪

淨奈轟

節奴操

明府鏡懸

冤代雪

諸奸賄受

報難逃



迫孀現報

吳江有張士柏。妻陳氏。性節烈。少寡而艾。兄士松。謀賣於里豪徐洪爲妾。度其志不可強。乃設計擄之入徐家。陳氏大怒。痛哭不從。絕粒尋死。陳父聞之。訟於縣。徐洪賄縣不理。再訟於府。府傳訊。陳氏泣苦情。卽自刎。束手直立。張目怒容不釋。府尹下堂揖之。許與雪冤。目乃瞑。卽鎖士松徐洪到案。訊得實情不虛。立斃杖下。縣令被革。返省卽死。其各受賄附惡者。或死或盲或顛。無一幸免焉。

先姦後棄受刑誅
 詩曰
 先姦後棄
 沒天良
 登第居官
 坐受賊
 兩點冤魂
 常入夢
 紅巾綫頭
 報影影



先姦後棄受刑誅

順治年間。嘉興錢某。未第時。館於鄉民某家。有女年十七。適清明拜掃。舉家皆往。留女看家。錢與私焉。後女腹漸大。父母詰之。女以實告。鄉民以錢未娶。欲將女贅之。以掩其醜。因詣錢備言所以。錢故作色曰。汝女不正。將欲污人耶。鄉民忿。歸罵其女。女遂自縊。錢後屢夢此女。抱子立於前。及登第後。授江寧司理。因受贓議絞。命下之日。復夢此女以紅巾拽其頸。次日卽正法。

犯 淫 下 第 詩 曰
 命 中 應 得
 首 鄉 鄉
 天 榜 除 名
 突 可 傷
 只 爲 一 通
 舟 子 女
 終 身 潦 倒
 困 文 場



犯淫下第

龍舒劉堯舉。買舟就試。舟人有女。劉數調之。無由得聞。至二場。出院甚早。適舟人入市買物。遂與女通。是夕劉父母夢神告曰。汝子應得首選。因所爲不正。天榜除名矣。及發闈榜。果中以擬元。因違式見黜。劉大悔恨。後竟終身不第。

強姦美女受兵戮
 詩曰
 少年官商
 有才名
 設計強姦
 女命傾
 每試輒逢
 衣血鬼
 畢生不第
 戮遭兵



强姦美女受兵戮

宦裔徐生。年少有才名。窺鄰女美。誘妻賂使刺繡。使頻往來。一日生匿榻後。妻佯出視庖。生出强姦之。及事覺。女之父母。迫令自盡。生後每試。輒見女披血衣而來。是以終身不第。後爲亂兵所殺。

謀婚害命
極刑而死

詩曰

求婚表妹事無成
賂竊囊囊造醜聲
謗令離婚償已願
哀哉一命報非輕



謀婚害命極刑而死

袁州屬縣。有鄭生者。美秀能文。悅舅之女艷而淑。求爲婚。舅弗許。既諾鄰邑蕭氏之聘。因以婿病。逾年未嫁。鄭賂女之婢。竊其睡鞋香囊。懷以示蕭之內戚。言女與己有私。蓋計蕭知之。必當離婚。既離婚。然後可求而得之耳。蕭得諧。疑信相半。使人詰女之母。女聞謗言。不勝其憤。取利刃一揮。命隨腕絕。父訟之官。邑侯某公。察而毅。捕鄭拷訊。盡得其實。備極五刑而死。此康熙丙午年事也。

騙財色受慘報

詩

曰

久為衙役罪盈身
騙色漁財擱犯人
一慟犯亡東嶽告
死歸冥案舌頭伸



騙財色受慘報

江寧人劉某。爲衙門差役。有一犯問罪收禁。須十餘金。可以贖罪放歸。犯託劉到家。與妻商議。妻頗有色。劉欲姦之。妻以夫之性命。賴以扶持。勉從之。隨賣女得銀二十元。盡交劉爲贖罪使費。劉乃持金自用。不爲交納。其妻以有銀交官。夫可計日而歸也。候數日無音耗。即使族人往探。因言其故。犯忿甚。一慟而亡。旬日劉差寒熱交作。自言某人在東嶽告。卽刻要審。伏席哀號。自云該死。須臾舌頭伸出數寸。一嚼粉碎。血肉淋漓而死。

因姦

致命

折祿

減年

詩曰

有文無行古

箴言

害命淫人豈

作元

驚醒王司仍

碎卷

張生愧死自

裁冤



因姦致命折祿減年

張安國。有文學而無行檢。淫一隣女。致女死於非命。後應試。主司奇其文。欲取狀元。忽聞空中叱之曰。豈有淫人害人之人。而作榜首耶。主司忽撲地。及甦。視其卷。已爲風吹落地。穢污裂爛矣。放榜後主試呼安國告其故。安國慚愧而卒。

納婢作妾
屈死折福

詩曰

明之納婢有何妨
屈死無如正室強
屢控冥司天榜削
判官來告始知詳



納婢作妾屈死折福

江寧庠生郭亨。己卯入場。未放榜時。有友楊生謂曰。我近爲陰府判官。知君該中五十七名。因汝自養一婢。先姦後娶。爲汝正妻苛待。受氣不得而死。屢來控告。以此除君名。汝妻更受天譴也。郭初聞之不信。及領卷出來。本房已入薦列。乃大悔恨焉。郭亨一生忠厚。只因此事不慎。潦倒終身。妻後盲目兩年方死。

屢犯
淫行
福壽
折盡
而死

詩曰

玉印躬膺始降生
狀元宰輔享尊榮
只緣淫案累工積
壽祿清除莫問名



屢犯淫行福壽折盡而死

李登。年十八中解元後。五十不第。詣葉法師問故。師轉叩文昌帝君。帝君命吏查籍示曰。李登生時。上帝賜玉印。十八發解。十九作狀元。五十二位右相。緣得舉後。私窺隣女。事雖不諧。而繫其父於獄。以此遲十年。降二甲。繼又侵兄屋基。至形於訟。又遲十年。降三甲。後又於長安邸中。淫一良家婦。又遲十年。今又盜隣女王慶娘。爲惡不悛。祿籍削盡。並死期將至矣。師歸以告。登遂愧恨而死。

性 淫 壽 夭

詩曰

讀書成誦目
纔過
泊工文思湧
若河
為憶美人忘
寢食
聰明子弟中
風魔



性淫壽夭

南海盧從翰。名家子也。幼讀書。過目成誦。爲文如行雲流水。不用思索。人以遠器期之。一日觀競渡。見一美女。歸而渴想。作詩云。苦憶常忘寐。愁思每廢餐。寸心無所好。只是愛紅顏。其師見案上詩。歎曰。好好一個聰明子弟。今不幸中了風魔。後竟因色慾過度而死。

談人
閨閫
潦倒
終身

詩曰

藻思素仰
善良人
已酉聞文
妙入神
怪現三場
污卷面
好談閨閫誤終身



談人閨閫潦倒終身

江南一書生。文有藻思。行亦無他。但素性好談人閨閫之事。己酉科入闈。至三場給燭時。忽見卷面上有好談閨閫四字。生急以手擦之。不意卷面已擦破矣。後視硃卷七篇圈滿。擬中魁。因無三場不錄。自是潦倒終身。

造謠
語受
割舌
報

詩曰

多才博學最工詩
信口成章善謔時
巧極令人彭醜惡
引刀割舌病無醫



造謔語受割舌報

明季有秦生者。博學多才。尤工詩。但好作謔語誚世。或見人形貌不揚。識面而一詩立就。聞人作事好笑。入耳而一歌已成。凡事繪影風寫。窮工極巧。流播人口。達於遠近。因此屢年困阨。終不改也。一日忽病瘡發狂。自啖其糞。取刀自割其舌而死。

造淫書

目盲而死

詩曰

造書源毒誨

人滋

神責知非起

悔心

子改家窮仍

付梓

目盲瘡惡指

連侵



造淫書目盲而死

維揚某生。造一淫書。既成。夢神責之。醒而自悔。遂止。後因子歿家窮。仍復付梓。未幾目盲。手生惡瘡。五指俱連而死。

造溪詞吐血死子孫不昌

詩曰

書成
水許筆翻新
姦盜
描摹肖寫真
已墮
靈魂歸地獄
子孫
三世亞難伸



造淫詞吐血死子孫不昌

施耐菴。作水滸。其中姦盜之事。描寫如畫。誨盜誨淫。罪大惡大。吐血而死。自己死入地獄。子孫啞者三世。

堪嘆世上讀書文士。博學名流。不著忠孝善文勸世。以立奇功。偏造淫詞小說惑世。以招罪孽。其愚真不可及也。

待有餘而後濟人必無濟人之日

待有暇而後讀書必無讀書之時

改過戒淫病除得子

華亭張某。少年淫行。生二子二女。皆不育。後得瘵疾。經年不愈。偶見丹桂籍註案中。淫報彰彰。不勝悔恨。遂在神前立誓。永戒邪淫。復刊陰騭文廣送。其疾尋愈。數年間。連舉三子。

改過
戒淫
勸善
得子

詩曰

半生不肖嗣維艱
檢薄冥祠識犯姦
悔過戒淫多勸化
晚添二子倍怡顏



改過戒淫勸善得子

賈仁。有才學。五十仍無子。夜夢至一府第。題曰生育祠。仁因叩求子嗣。主者取簿視之。謂曰。汝曾姦一良家婦。欲求子不可得矣。仁哀告曰。小子無知。乞容贖罪。神曰。汝既悔過。能勸十人戒淫。方可贖罪。再能勸化多人。則有子矣。仁既夢醒。痛自改悔。因選著戒淫歌曲。廣勸世人。竟感化甚衆。後連生二子。如賈仁者。真是亡羊補牢。猶未晚也。

改過
向善
得回
解元

詩曰

姓婢投河主母威
訴冤改校浙秋闈
若非聞夢堅為善
鍾子焉能中解歸



改過向善得回解元

辛卯浙闈場。前有一人夢神祇聚會考校。中式諸人。首名爲鍾朗。有一女子訴冤。中坐者曰。是不可中也。因訪求補此名者。旁答曰。盍以孺子代之。此人有孝行。且無邪淫事跡。某人醒。以夢告鍾。因細詢鍾委曲。知其家有婢懷妊。爲主母不容。赴水而死。鍾常以此不安於心。聞夢驚駭殊甚。是科鍾果不中。余恂中元。所謂孺子者。乃恂之字也。未幾鍾妻病歿。鍾益懼。由是堅心向善。力行不怠。次科甲午。仍中解元。

改過
向善
得回
原官

詩曰

命該政事合恭知
室女曾茲降運司
得見綠衣開秩示
復官增壽善堪期



改過向善得回原官

洪壽。一日暴卒。恍惚見綠衣人引至陰府。洪問平生食祿。綠衣人出大帙示之。見己姓名下。其字如蚊。不能盡閱。後註云。合叅知政事。以某年某日姦室女某人。降運副使。洪悚然淚下。大悔曰。奈何綠衣人曰。汝壽未終。既有悔心。但力行善事。可以補過。俄而前至大溪。綠衣人推墮之。驚覺。已死三日矣。但以其心煖口動。故未就殮。遂痛自悔過。力行善事。後如其官。享上壽而終。

改過戒淫
勸善得舉

詩曰

有才不中叩
仙為盜東家婢
一德自解戒淫
功過格終膺
鄉薦得稱賢



改過戒淫勸善得舉

漢陽一諸生。素有才名。屢試不第。一友爲請訖叩之。訖答以某生應有科名。因少時館某家淫一婢女。故奪其科名耳。生悚然驚懼。因輯戒淫功過格。廣採註案。募資刊送。至康熙丙子科。仍中式。人皆以爲改過之報云。

勸戒著作淫書淫畫及翻板翻印良言

三代而下。世多邪說。而最害人心世道者。莫如淫畫。與小說淫詞。蓋聖賢經典。惟欲覺天下之愚迷。而小說春宮。實足喪斯民之廉恥。自小說作。而淫風熾。彈詞興。而女德衰。世不乏聰明子弟。閨閣淑賢。而偶覩淫畫邪書。不覺變爲禽獸。良可慨也。蓋邪淫書畫一出。鑿淫實。熾淫心。因以亂人之倫。敗人之名。戮人之魂。殺人之身。折人之福。破人之家。損人之壽。絕人之嗣。其毒人也。如蜜餞砒霜。其陷人也。如雪山坑坎。此乃奸邪之首。罪惡之魁。是王法所必誅。天律所不赦者也。可不戒哉。

殺人放火。世人謂罪大惡極矣。吾謂造淫書淫畫者。其罪惡大於殺人放火百倍也。殺人放火。其害害在一時。淫書淫畫。其害害在萬世。殺

人放火害人有數。淫書淫畫。長久害人。實無數可計也。

顏光衷曰。刻淫書。繪淫畫。誘蕩子。迷婦女。殺人不見血。有聖人者出。急應收燬一切淫污書籍。及書板。並淫畫春官。有翻刻者。處以死刑。比於忤逆。罪在不赦。庶乎也。風俗醇。而士習可正也。

袁了凡曰。取淫書邪畫。又艷曲謗語焚化者。得子孫忠孝節義報。好閱淫詞小說。將此等淫穢書。與聖賢書並貯者。得子孫淫佚報。翻印淫詞小說。謗語淫畫。販賣射利者。得子孫放蕩絕嗣報。

畢效良曰。淫書淫畫。實殺人之利刃。惟願青年子弟。閨秀婦女。一遇此等殺人毒物。立即毀之。遇若輩邪友。擯棄勿面。更宜互相警戒。勿蹈無形殺人之危機。

吾今奉勸各省書坊及石印家。不發兌淫詞小說書籍。免使天下識字之人。同趨孽網。

吾又奉勸全球男女畫家。不畫春宮。及各淫畫。免使天下不識字之人。同沉苦海。

吾又奉勸世間作艷情之著作家。及繪淫畫之美術家之前曰。椽筆謀生。何求不得。何苦自留污點。自累盛名。引社會於黑暗。陷青年於死亡。況所博者。亦不過蠅頭之微利。竟取罪戾於一己。流毒害於後世。可乎。陰鷺因果之說。淺學每謂渺茫。然聖經賢傳。二十四史。一具載。且近賢見聞。記錄甚多。以故丁福保先生。約畧輯錄。以爲世勸。蓋諸惡之中。淫爲第一。生前暗中折福減年。種種報應不爽。死後靈魂。仍復墮入極慘地獄。永受痛苦。凡事害人。終必害己。造淫書淫畫者。何愚之甚也。

吾又奉勸世間刻板家。及翻印家之前曰。誰無子弟。誰無妻女。而忍令入黑暗。踏死亡。斷宗祧。絕後嗣乎。倘發現良心。有板即毀之。有

書卽焚之。永不出板翻印。公同杜絕。互相勸勉。力除此弊。吾知其子弟妻女。必爲世上之大偉人。大巾幗者矣。

吾望當世名公。當道偉人。深思利害。反覆申明。嚴禁天下。永遠杜絕。著爲明令。此斬草除根法也。淫書淫畫。陷溺人心。大傷風化。顯與盛治相違。以致每年添出許多姦情命案。流毒天下。著此等書。售此等書。蓄此等書者。當服上刑。禁此等書。焚此等書。絕此等書者。應受上賞。庶幾此弊可除。流毒可免。

吾又望天下刻板店。書坊店。均議定行規。凡遇淫穢冊籍。概不受鐫。有私刻私印者。從嚴究罰。是則淫書淫畫。不絕而自絕。此斷來源之法。陰功浩大。無以過之。賺錢有限。造福無涯。

吾復望海內盛德

者長
富翁

聯合同志。開會集議。妥籌掃除淫書淫畫方法。務使

斷絕。並將戒色。覺世、敦品、勵恥、方便、行孝、各等因果良好善書。廣行流佈。多方獎勸。造福社會國家後世。實無限量。不禁馨香百叩以禱之。

孝淫果報錄跋

語云。百行孝爲先。萬惡淫爲首。由來尚矣。時至今日。人心風俗。競事澆漓。恒性淪亡。彝倫泯滅。緣其不信果報。不讀詩書。趨向新奇。遂致人類流於禽獸而不知恥。嗚呼痛哉。吾友趙君棟垣。抱憂時感事之懷。具拯溺救焚之念。留心十載。搜羅古籍。彙輯孝淫果報一卷。聊作暮鼓晨鐘。命予校正。每事撰詩一首。括其大畧。提要鉤元。其有心世道也深矣。夫果報之說。或云創於釋氏。其實始於儒家。易言餘慶餘殃。書言降殃降祥。善惡報應之端。得諸見聞事跡者。鑿鑿有憑。証諸歷史記載者。班班可考。豈同烏有子虛之說哉。此書一出。俾閱者觸目警心。

。仇孝之念頓灰。自由之風漸息。禮門義路。同歸蕩蕩之途。愛物仁民。推本親親之地。協和之象。於變之基。將於是乎在。趙子之功。豈曰小補云爾哉。

中華民國十八年己巳歲九月重陽日

南海鄭善光樂三氏謹跋

讀孝淫果報錄書後

時至今日。禮教廢弛。誤解自由。男女放恣。忤逆成風。視父母若仇讎。禽獸成性。置廉恥於腦後。以道德爲腐敗。以淫蕩爲趨時。世界如斯。痛心曷極。推原其故。半由人心之陷溺。半由指導之無人。遂不知有孝悌忠信禮義廉恥之八德矣。趙君棟垣。心焉憂之。費數年苦心。編輯孝淫果報錄一書。用以勸世。此書鑒別最精。搜羅最廣。其所編輯之事實。皆最有趣味而能發人猛省者。又復選集歷朝名人詩歌論說。至爲美備。又將書內各段事蹟。繪成圖畫。共有一百五十餘幅。分勸孝戒淫上下兩卷。所謂善且美矣。自出版以來。計各善友社會。極表贊成。經翻印九次。送書數萬。流通幾及全國。其有益於世道人心。良非淺鮮。將來久遠。流傳世間。不獨通人名士所嘉獎。即使不識字之婦孺。皆能心

目了然。津津而樂道之。從此印入全國人人之腦筋。異常警惕。恍似雷霆霹靂。聞聲而心胆皆寒。須知日月鑒臨。盡道則吉星拱照。正是人倫標準。各循中正良途。莫云天道昏蒙。可以自由戀愛。所願賢人君子。愛親勝美玉精金。綠女紅男。守身若明珠寶璧。富者捐資多送。俾勸孝以懲奸。貧者竭力宣傳。乃建功而立德。誠如是也。則不負趙君殷殷編書勸世之心也。是書告成。見作序者有謝君寶書。李君仁華。熊君斌。陳君綉敏。潘君明心。繪圖者有馮君潤芝。校正並作圖詩者。有鄭君樂三。校對者。有潘君衍祥。料理送書者。有周君學能。江君學騰。鄺君銘良。趙君不黨。趙君文學。通力合作。成爲大觀。趙君猶命予當謄錄。予雖不敏。敢不効勞。以勸善舉。書法優劣不計也。敬讀之餘。謹書數語於後。以誌欽佩。

民國二十年辛未冬至前十日

廣東中山李潤宣謹識

孝淫果報

勸人爲善

化行俗美

福申自天

附錄保富確言積德方法式拾陸條

(一)孝爲百行原。又爲百善首。孝可忽畧乎哉。從來大豪傑。大英雄。未有不先孝於親。然後忠於國者。夫父生母鞠。何等劬勞。人若不孝。不如烏鳥。爲善先從孝弟造起者。是有根之善也。不先從孝弟造起者。是無根之善也。有根之善。發福速而大。無根之善。得福緩而小。行此善。而求長保富貴者。須將孝弟二字。先行體認深淳乃可。

(二)淫行最損陰鷺。最召奇禍。世人因淫喪命。因淫染瘋。因淫絕嗣。因淫出族。因淫痺痿。因淫妻妾淫人。因淫親朋割席。因淫玉樓削祿。因淫天府除名。曠觀古今。彰彰可証。戒淫果報。載籍甚詳。天道禍淫。報應最烈。既犯速改。未犯慎戒。有女淫奔。正色拒絕。無慚衾影。感動太清。歷考福報速而大者。莫若淫奔不就。拾遺還人。慾

火忍須臾。貪心戒平素。便食無疆福報。人其何樂不爲。

(三)十室之邑。必有忠信。如貞孝節烈婦女。各處鄉落。未嘗無之。烏忍任其潛德幽光。湮沒不聞。尤宜按鄉詳查。無遺無隱。會同廉正紳士。彙稟上官。仰邀旌表。務使泉臺光耀。鄉黨昭彰。慰既往而勵將來。風化有關。功德無量。

(四)婢僕亦有父母所生。無奈迫於饑寒。悲切發賣。割恩斷愛。情最堪憐。待宜寬恕。切勿苛刻。苛刻損福。天理使然。歷觀福入慶門。莫不加以慈惠。時誠婦子。此卽陰功。

(五)富人以施爲德。夫石崇金谷。鄧通銅山。可謂富極。而其財用。祇供豪華奢麗。何嘗片惠及人。旋自敗亡。不及孫子。竇燕山濟人利物。五子祥甲連登。蘇眉山恤寡憐貧。諸孫官階疊晉。可知能積財者固難。而善用財者尤不易。以此財多作益人實用。厥後必昌。以此財專

供家人奢華。厥後必敗。有等家稱素豐。鄙吝苛刻爲懷。無論利物濟人。一毫不拔。更且損人益己。計較錙銖。轉眼觀來。子蕩產而孫傾家。天之報應鄙吝苛刻。不可謂不速。

(六)鰥寡孤獨。並殘疾不能覓食之人。若無富翁慈善家救濟之。則饑寒無告。困苦顛連。何堪設想。可按月施以錢米。俾資日給。藉延殘喘。此乃補天地之不足。彌生民之缺憾。功德浩大。福報無窮。

(七)親鄰戚友。家貧如洗。婚娶維艱。嗣續無由。情殊可憫。可卽助以銀兩。俾成美舉。不特身受恩者感激靡涯。卽彼祖宗。亦必泉臺頌德濟人當急。陰鷺匪輕。

(八)天地生人。貧富不齊。貧難之家。有嫌兒女衆多。齒繁莫顧。而送諸嬰堂養育者。但嬰堂各鄉落極少。大都居城者多。承負嬰兒赴堂之人。心術仁忍各異或因路途遠涉。或因風雨難行。不少忍心害理。直

置嬰兒於林麓蘿落間者。本來投生。那忍置死。耳聞目擊。無限哀憐。可於去城畧遠。村落稠密之處。或獨捐資。或與同志共濟。倡建育嬰堂。庶使負嬰之人。易於送交。不致中道遺棄。何殊普渡慈航。

(九)義學爲培育人才之本。尤關緊要。或獨捐資創興。或與同志倡舉。以俾貧家兒童。皆得入塾習讀。樹人種德。善士風規。不特培養貧兒日後之衣食。且可養成一方一邑之奇材。用財莫善于此舉。

(十)貧苦親鄰戚友。不幸身體患病。醫資藥費籌劃無由。仰咨嗟。困等涸轍。可卽施以銀兩。如自己無力。代勸有力者施之。俾得延醫調劑。幸慶生還。如不幸身亡。無錢殯殮。則棺木葬費。更要周全。俗云。衛人衛到底者此也。則死鬼生人一同感戴。

(十一)設局贈醫施藥。是乃仁術仁心。使患病者藥到回春。可比楊枝水灑。宜先捐資倡舉。力鼓同志簽題。勸助多方。共成美舉。規模遠大。

。廣惠一方。天地缺憾足彌。貧困甦生有賴。但延請醫師。切宜向素有經驗者選聘。切戒曲徇人情。隨意舉充。否則不惟無益。而又害之。

(十二)家中時藏上品真料膏丹丸散。以便貧苦親隣戚友。患病討取。鄉窮壤僻。醫藥維難。得此如得良醫。兼得良藥。可以立愈病苦。事關方便。尤貴力行。

(十三)風雪交加。寒威凜烈。貧難無措。衣裳單薄。嚴冷侵人。節節澈骨。不無凍死。情實堪憐。可即多買綿衣。廣行施與。陰功最大。如遇雨水連綿。多送雨帽。俾乞人得去覓食。免至濕身饑寒患病之虞。

(十四)時當夏令。暑熱蒸人。口渴喉乾。勢難忍耐。可於往來要衝之處。日日施茶。雖非雀舌龍團。極渴之時。勝似醴泉甘露。費財不多。益人甚大。

(十五)乞丐到門。饑寒苦況。情殊可憫。可即施以錢米。或有殘羹剩飯

。多施與之。仍須嚴戒婦子婢僕。毋將斥逐。方成仁厚家風。尤勿存乞丐無種。懶惰變成之見。致阻恩施。若能對壯年乞人。曉以乞食之恥。使之覺悟。各務工藝。尤爲有益。

(十六)年遇歲荒。饑者嗷嗷待哺。菜色鵠形。實堪憐憫。可先倡舉賑濟。餘力不遺。復鼓同志。或買米平沽。或煮粥分惠。或按丁派米。或派籌俾往店號取米。務須善法佈施。殘喘藉延。免填溝壑。

(十七)日久橋路。欹側傾頽。有礙人行。兼之高低潺湲難行。均宜提倡修整。或自出錢修理。務使道路行莊。行者稱便爲快。

(十八)狂風驟雨。酷暑嚴寒。路上行人。避無處所。行路艱難之嘆。耳畔時聞。可於往來當中之處。或於渡頭舟泊之區。捐資創建涼亭。或與同志倡舉。以俾行人憩息。載道口碑。

(十九)瓦石當途。或有缸穴。最礙行人。老者步履維艱。偶觸無難致蹶。

。少者步趨或急。偶觸亦易致蹉。盲者一隙無明。更防仆跌危險。小則破頭流血。大則骨斷筋傷。除凸補缺。無限陰功。願勿因循。放過好事。

(二十)善書格言。乃人間至寶。能令惡者遷善。善者益善。洵是迷津寶筏。覺世良箴。可倡建講堂。或在祖祠延聘高明先生宣講。以俾奸頑默化。共成良善中人。最好爲富翁者。擇印良好善書。歲送萬本。或數萬本。永以爲例。或立閱書送書社。集衆廣益。更能可大可久。務使流通遐邇。善遍人寰。古聖賢有功于世。亦無非立德立言耳。勉之。

(廿一)荒溝水面遺屍。山野骸骨暴露。想罹冷死饑死病死溺死等難。情最堪憐。可卽施棺木。分別埋殮。義塚豐碑。泉臺鬼感。

(廿二)戒殺放生。世人宜研究之。從來水火盜賊刀兵瘟疫災劫。半由人多嗜食。殺生太過而致。想人莫不愛命。物亦莫不愛命。奈何殺彼身

軀。充我口腹。或尖刀刺心。或利刀剖腹。或剝皮刮鱗。或斷喉劈殼。或沸湯活煮。或盞酒生醺。可憐負痛莫伸。極苦難忍。設使我不幸而遭此災。此時求生不能。求死不得。此情此景。其何能堪。凡有血氣者。豈有異耶。夫一羹而斃數命。一餐而傷衆生。易牙有味。過喉亦空。豈不思殺孽之積。禍患攸伏耶。更有耕牛貓犬。此皆有功于世。有益于人。又何忍殺而食之。雖於至細至微之物。亦宜愛護。不可殺傷。天下含靈皆活命。無分大小也。最好提倡。邀集仁慈兄弟親戚朋友。立一放生月會。每月每份科銀一元或二元。有力者多認會份。或五份。或十份。多多益善。並設一放生箱。以便無力入會者。時時量力放散銀入內。集腋自可成裘。每月放生一次。或二次。或放水物。或放鳥獸。順其自然。永以爲例。庶幾此倡彼和。遠近人多效之。則每年可救活生靈性命。千萬億兆。無可限量。合乎上天好生之德。

挽回大造之慈祥矣。

(廿三)豪門大戶。氣餒赫然。子弟勢必驕人。婢僕從而傲物。時或相爭口角。輒卽凌辱善良。此等損福行爲。可時諄諄告誡。務使和平忠厚。器成載福爲佳。

(廿四)肩挑背負之人。沿街販賣魚菜雜物。生涯小作。升斗希圖。養育父母妻兒。全繫於此。宜時告誡婦子婢僕。切勿固用重秤。謀佔便宜。更勿私用銅銀。欺彼無智。損人利己。家道不昌。

(廿五)鄉隣門狠。最爲不祥。必至焚掠殆盡。死亡枕藉而後已。到此時間。悔無及矣。然旁觀者醒。當局者迷。全憑隣里親戚。竭力排解。痛陳弊害。弭患於未萌。歷有前車可鑒。豈可蹈其故轍。忍讓三分。大事可化無事。謙能受益。小虧是大便宜。和氣致祥。古今名訓。

(廿六)殯葬父母。乃是慎終典禮。死者以入土爲安。亟宜早日安葬。勿久停柩。以免意外之虞。至於山墳一節。祇可出於自然。先年寬定。切勿稍事勉強。謀佔人家墳地。朱晦庵先生所謂此地若發無天理。此地不發無地理。卽指強佔陰謀而言。夫風水人間不可無。全憑陰陽兩相扶。欲圖佳城。先積陰德。古語心田福地。斷乎不差。

附錄先賢勸世格言聯璧

趙昌善棟垣氏選輯

第一種可敬人忠臣孝子

座右多書名語格言其志趣可想

第一種可憐人寡婦孤兒

門內罕聞嬉笑怒罵其家範可知

佛祖無奇但作陰功莫作孽

盡孝莫辭勞轉眼便爲人父母

神仙有法只生歡喜不生愁

施恩勿望報回頭但看爾兒孫

孝弟忠信認得真乃希聖希賢地位

世事讓三分天空海闊

酒色財氣看得破卽學仙學佛根基

心田留一點子種孫耕

言易招尤快意時少談幾句

處富貴之地要知貧賤的痛癢

書能益智會心處多讀數行

居安樂之場當體患難的景况

現在之福積自祖宗者不可不惜

君子當親不可曲爲附和

將來之福貽於子孫者不可不培

小人當遠不可顯爲仇敵

惟忍足以治心惟恕足以治事

做個好人身潤心安魂夢穩

惟平足以自服惟公足以服人

行些善事天歡地喜鬼神欽

吃苦是良圖作苦工費苦心苦境終歸樂境

靜坐常思己過

偷閒非善策理閒事好閒遊閒人便作廢人

閒談莫論人非

待有餘而後濟人必無濟人之日

倚勢欺人勢盡必爲人欺

待有暇而後讀書必無讀書之時

恃財侮人財散必受人侮

善報在兒孫惡報在兒孫勸君早種兒孫福

君子居易俟命

彼求爲父母此求爲父母問爾曾知父母恩

小人行險僥倖

安莫安於忍辱樂莫樂於好善神莫神於至誠

無欲之謂聖

吉莫吉於知足孤莫孤於自恃敗莫敗於多私

寡欲之謂賢

能媚我者必能害我須加意防之

炎涼之態富貴甚於貧賤

能規我者必能助我宜傾心聽之

嫉妬之心骨肉甚於外人

行善之人如春園之草不見其長日有所增

學問在乎知非

行惡之人如磨刀之石不見其損日有所虧

境遇在乎知足

得不義錢財在妻子前歡天喜地

兄弟爭財父遺不盡不止

折暗中福壽對祖宗面抱恨懷慙

妻妾爭寵夫命不死不休

處世要讓讓到無可讓地存存心從新再讓

勿奪人之所好

居家要忍忍至不能忍時耐耐性仍舊還忍

勿強人之所難

仁者不乘危以邀利

萬言萬當不如一默

不患年之不長

智者不僥倖以成功

百戰百勝不如一忍

特患名之不立

謂鬼神無知不應求福

以忠孝遺子孫者昌

寡言者寡過

謂鬼神有知不當爲非

以智術遺子孫者亡

爲善者爲寶

人間私語天聞若雷

苦心未必天終負

忍與和齊家上策

暗室虧心神目如電

辣手須防人不堪

勤而儉創業良圖

學一分退讓討一分便宜

有實學者必不誇學

得意淡然

去一分奢侈少一分罪過

有真才者必不矜才

失意泰然

事事培元氣其人必壽

勤儉興家之本

學問從五倫做起

念念存本心其後必昌

忠厚傳家之本

英雄自磨練中來

絕嗜禁欲所以除累

謙恭儉約所以自守

富以施人爲德

避嫌遠疑所以無誤

親仁友直所以扶傾

貴以下人爲德

冤仇莫結路逢窄處難迴避

謙卦六爻皆吉

積德者不傾

恩義廣施人生何處不相通

恕字終身可行

擇交者不敗

人好剛我以柔勝之

閒中檢點平生事

勿謂善小而不做

人用術我以誠感之

靜裏思量日所爲

勿謂惡小而可行

小人行險終須險

利鎖名繯埋俊傑

短不可護護則終短

君子固窮未必窮

愛河慾海喪英雄

長不可矜矜則不長

經一番挫折長一番見識

念念持循天理

願天常生好人

容一番橫逆增一番器度

時時高察人情

願人常行好事

貧富本無常莫把眼前作準

涵容是待人第一法

勤補拙

窮通雖有數還從心上推移

謙退是保身第一法

靜生靈

爲善最樂

當仁不讓

群居守口

知足常樂

多放物命

修行便佳

見義勇爲

獨坐防心

能忍恒安

痛改前非

古今來許多世家無非積德

蓋世功勞當不一得個矜字

天地間第一人品還是讀書

彌天大罪最難一得個悔字

聰明用於正路愈聰明愈好

富貴家不肯從寬必遭橫禍

聰明用於邪路愈聰明愈謬

聰明人不肯學厚必天天年

君子未嘗無邪念也但隨起而隨滅則日月何虧

酒似穿腸毒藥

小人未嘗無正念也但明知而明悖則禽獸不遠

色如刮骨鋼刀

處世樹爲模根穩任從枝葉動

愛人者人恒愛之

調養怒中氣

立身錢作範內方還要外邊圓

敬人者人恒敬之

提防順口言

暗箭射人者。人不能防。借刀殺人者。己不費力。自謂巧矣。而造物尤巧焉。我善暗箭。而造物還之以明箭。而更不能防。我善借刀。造物還之以自刀。而更不費力。然則巧於射人殺人者。實巧於自射自殺耳。

貧賤時累心者少。宜學道。富貴時施與者易。宜濟人。若夫貧賤而存濟人之心。是高人一等。富貴而堅學道之志。則勝人一筹。

先須改過。諸惡莫作。衆善奉行。自然萬善俱圓。過去之改。勿使再犯。現在之過。痛自改悔。未來之過。加意提防。則造物延年。自我操之。便可出離火坑。直上天堂矣。勉之。

莫因善小而為

莫因惡小而為之

廿四時	廿三時	廿二時	廿一時	二十時	十九時	十八時	十七時	十六時	十五時	十四時	十三時	十二時	十一時	十時	九時	八時	七時	六時	五時	四時	三時	二時	一時
子時	亥時	戌時	酉時	申時	未時	午時	巳時	辰時	卯時	寅時	丑時	子時	亥時	戌時	酉時	申時	未時	午時	巳時	辰時	卯時	寅時	丑時

消業障、增福慧

十二月初三日	十一月初三日	十月初一日	九月初九日	八月初八日	七月初六日	六月初七日	五月初三日	四月初八日	三月初七日	二月初九日	正月初一日
申時	戌時	午時	午時	午時	戌時	午時	申時	午時	亥時	丑時	卯時
向西方	向西方	向南方	向南方	向南方	向東方	向東方	向東方	向北方	向西方	向南方	向南方
禮佛九拜	禮佛九拜	禮佛九拜	禮佛九拜	禮佛九拜	禮佛九拜	禮佛九拜	禮佛九拜	禮佛四拜	禮佛四拜	禮佛四拜	禮佛四拜
減罪一千劫	減罪一千劫	減罪一千劫	減罪一千劫	減罪三百劫	減罪三百劫	減罪四千八百劫	減罪四千八百劫	減罪一百劫	減罪一百劫	減罪一百劫	減罪一百劫

廿一時
亥時
廿二時
子時
廿三時
子時

十一月初三日
申時
向西方禮佛九拜
滅罪一千劫

孝淫果報錄

歡迎索閱

閱後轉送他人

功德無量

贈送善書酬神願
祈酬至聖救家慈
本當卽時謝神願
力未從心才延遲
多蒙聖恩救病苦
贈書發揚感人心
祈望大家細參閱
明白神聖教化恩

移惡從善扶正道
萬惡之中淫爲首
百行還須孝爲先
人能遵從聽聖訓
堂堂正正做好人
聖書流盡英雄淚
鐵筆寫盡忠孝情
願君看後同感應

沐恩黎民題